

The monthly magazine "North Star"



ВОЙВЫВ КОДЗУВ

ISSN 0134 — 4323

КОМИ
ЙӨЗЛӨН
ЖУРНАЛ

93 • 8

- Иван ТОРОПОВ.
Кык чукчи. Повесть.
- Николай ЩУКИН.
Дойдалом парма. Поэма.
- Василий КАНЕВ.
Боря сёрни. Казьтылом.



Вояс, вояс... Выліас 1975 вося снимок. Гижысьяс (шуйгавывсянь) Егор Рочев, Петр Шахов, Яков Рочев, Иван Торопов лунтыр гижом бõрын петõмайсь лолавны Льюмьюса сõдз сынõдõн. Уліас — Николай Дьяконов поэт В. Поповлõн ныв-пикõд.





ВОЙВЫВ КОДЗУВ

КОМИ ЙӖЗЛӖН БЫД ТӖЛЫССЯ ЛИТЕРАТУРНО-
ХУДОЖЕСТВЕННОЙ ЖУРНАЛ

8

АВГУСТ

1993

ПЕТӖ 1926 ВОСЯНЬ

ЛӖДЗӖНЫ:

КОМИ
ПИСАТЕЛЬСЛӖН
КОТЫР

ЖУРНАЛЛӖН
РЕДАКЦИЯ

ТАЙӖ НОМЕРЫН:



Иван ТОРОПОВ. Кык чукчи. Повесть 3
Василий ЛОДЫГИН. Виль кывбурьяс 42

КОМИ ГИЖЫСЬЯСЛӖН СЪЕЗД КЕЖЛӖ

Геннадий ЮШКОВ. БыдӖнлӖн аслас ордым 46
Николай ЩУКИН. ДойдалӖм парма. Поэма 53

КАЗЬТЫЛӖМ

Василий КАНЕВ. БӖрзя сӖрни 58

КОМИ-ПЕРМЯКЪЯСЛӖН ШУСЬӖГЪЯС

Федор ИСТОМИН. Афоризмез 61

ЙӖЗКОСТСА ЛЕГЕНДА

Игнатий МӖСШЕГ. Коми багыр Пера 78



СЕВЕРНАЯ ЗВЕЗДА



Ежемесячный
литературно-художественный
журнал



Учредители:

СОЮЗ ПИСАТЕЛЕЙ РЕСПУБЛИКИ КОМИ
РЕДАКЦИЯ ЖУРНАЛА



РЕДАКЦИОННАЯ КОЛЛЕГИЯ:

Главный редактор

Владимир
ТИМИН

Альберт
ВАНЕЕВ

Федор
ИСТОМИН (Кудымкар)

Елена
КОЗЛОВА

Василий
ЛОДЫГИН

Виктор
НАПАЛКОВ

Алексей
ОДИНЦОВ

Ответственный
секретарь

Александр
УЛЬЯНОВ

Зам. главного
редактора

КЫК ЧУКЧИ

ПОВЕСТЬ

* * *

65. Та мында во өкмис Иван Григорьевич Тороповлөн арлыд кудъяс. Вөр лэдзысь, салдат, журналист, редактор, гижысь, Россиясь Государственной премия лауреат пасйё ассыс чужан лунсё выль гижёдён — «Кык чукчи» повестьён.

Республикаса гижысь котыр, «Войвыв кодзув» журналлөн ред-коллегия, лыддысьсысыс пöся чолөмалöны Иван Григорьевичöс чужан лунён, сиöны сылы бур дзоньвидзалун, творчестваос выль вермөмъяс.

Водзыкв пыдди

Войвыв гожöмыс, яр ичмоны моз, мыйкö жö ырсыялис да чаркъя-лис, мед петкöдлыны ассыс ырьяна этшö.

Тулсыяныс эськö и тырмымөн шондiа вöли, но ыркыд, сы вöсна мый öтарö жвучкис-пöльтiс асыв-вой төв — лунъяснас косьтiс, а вой-яснас кынталiс. Сийö жö сьöд сэтöрлөн лөзоват дзоридзыс эськö и зэв мичаа сярмунлис-воссылис, но пужъявтöдз лолысь войся ыркыдыс ре-гыд нярмöдiс сийöс, а лёк төлыс сэсся, гөррдзасынысö вермытöмсö, нетшкис да нөбöдiс пöшти ставсö, и зэв этша волiс ловтö босьтчöдысь көра вотöсыс. Та понда жö кызмырдысьөн вөрзис да омöля лыбöдчис турун, весигтö тувсов ваён ойдöдланiнъясын жеба быдмис. А льом дзоридзалiгөн бара, ковтöг-виччысьтöг, ёна шондöдлис, и пырысь-пыр жö еджыд сьöмъя, чöскыд кодзöдан көра дзоридз розсö быттö чера-нвез кодь тывйөн көвтышталiсны да сэнi гызьмунис-чужис веж лельö — сымда гырысь лельö-номыр! — кодi сэсся регыдөн и изiс став дзоридзсö, а сэсся и веж-том корйыс вылö вуззысис. Коньöр льом! Сидз нин сийöс, матушкаöс, быд ногыс нетшкöны да чегъявлöны, чöс-кыд вотöссö судзöдiгөн, а танi со и пезж номырид йирö. А öд эз кө сiдзи шондöдлы дзоридзалiгас, эз эськö татшöмыс ло, ёна ыркыд дыр-йныс эз эськö вермы чужны номырыс! Льöмийд төдö, кор колö сылы дзоридзавнысö!.. А мыйла татшöм ковтöм торксялöмъясыс пыр ёнджы-ка пондiсны лавны вөр-вайн? Дерт, бара жö йöзлөн вывтiасьöм-гор-шасьöм понда — став вөрсö нырисны-кералисны, ёлыс да юяс косьма-лисны, сынöдсö быд заразанас пезжсьтiсны, со и, дзикöдз матö воёма да, вежсьö ывла вылыс, быд ногыс нöйтчö-печласьö, коньöр, оз нин төд, оз нин куж, кызни колö овнысö сылы, кызни да мыйөн нöшта дорйысьны став пезжсыс, морт киён вöчöм пезж вылас азыма рöдмысь лёк номырысь-гагысь да быд пöлөс висьöмсыс...

Шондöдлiгас ёна небзылис ывлаыс, пу кор тшöгис-вежöдiс, юясын ва шоналис, йöз пондылисны купайтчыны, а йөр вöдитысьяс медбöрын петкöдiсны ывлаö төв шöрсянь нин öшинь вылын быдтöм да вывтi нин нюжалöм помидор рöсада, мед вынсялö да паськалö югыдинас да вöль-нöйинас, унджык сетö мича-пöтöс гырысь мольсö.

Но сэки йиркнитiс гыма-тöла зэр, ловъя пуясöс вуж вывсыныс бертовталана падера, кык лун да вой чöж косялис-кисьтiс, а сэсся бөр асыв-войтöвтис, бөр сээздис да водз тувсовъя моз ыркнитiс. И бара на важ моз пондiс косьтыны... Сийö жö йөр вöдитысьясылы гожöмбыд сэсся ковмис вой кежлас пöдлавлыны теплица öдзöсыс да весиг öшиньяс, а ывлаö петкöдöм помидор да öгуреч вочасөн коньöра ню-

кырмунисны да йӱжгыльтчисны, водзӱ быдмӱмысь-сӱвмӱмысь дугдӱсны да сӱдзи и эз сетны урожай.

И вемӱдзыс косьмӱм вӱр лючкисӱ эз жӱ вермы кӱтасьны-небзыны мед кӱть и вына, но ӱтка шочиник зӱръясьыд, да тшак сӱдзи и эз вермы петны, сӱмын мый юдорса видз пӱлӱнъясын шочиника тыдовтчыштлӱс видзвыв дона гоб да гӱрд гоб. Сӱсся весиг и аръявылыс, кӱть эськӱ и арся зӱръясыс мӱдӱдчылисны нин шливгыны, лючки тшакыс сӱдзи и эз мыччысылы — ельдӱг ни ясер,— мый понда весиг меда лют тшакальсыясыс тӱв кежлӱ сола тшактӱг лоины: кольынтӱм на вӱръяса миян Войвылын шоча овлантор!

Но Коми вӱрлӱн Королеваыс да Принцессаыс — Пув да Чӱд — мед кӱть и кос вӱлі да ыркыд, мед кӱть и тӱла вӱліс да шоча зӱрышталис, мед кӱть мый, но тайӱ Королеваыс да Принцессаыс унджыклас бара на сяммӱдчисны лючки дзоридзавны и гӱрддзасыны да, мед кӱть и мукӱд вояс серти ӱна сӱрӱнджык, юмов чӱскыдӱн кисьмыны-польтчыны.

На понда, тайӱ Королева да Принцесса пондаыс, карса и сиктса йӱз мыйкӱ жӱ вийсисны гожӱмбыд и арбыд. Вӱрлань нуӱдысь туйясӱд журъялысь машинаяс да автобусъяс век вӱліны чукйӱн тырӱсь чумана-ведраа вотчысысӱн, асылын кӱть рытын лысьӱм дзобавмӱныд лолӱ вӱлі автобусӱ чайысыг-пыригӱн да и, веськавлан кӱ пытшкӱсас, сӱтӱнӱ сулалӱгас на тшӱтш. Кӱть тай и донъясыс машинаӱн мунӱмсыясыс сӱтшӱма лыбисны да тшыг кӱин кодъ курччасысысӱс лоины, немтор тай оз падмӱд вотчысь морттӱ — быдӱнлы телепит чӱмасыштын чӱднад да пувнад, ӱнисӱ чӱдъя йӱв да сакара пув панялыштын, а сӱсся и кузь тӱв кежлӱ банкаясӱ юмола пӱдлавны. А кодкӱ бара ӱддӱма лавкаӱ либӱ базар вылын вузавны, доныс тай, майбыр, тшӱтш и вотӱс вылад сӱ пӱв жӱ содӱс... Кӱть эськӱ и, шуам, уна татшӱм вузасысыс лючки кисьмытӱм на вотӱс вылас медводз уськӱдчӱ, чӱд вылӱ кӱть пув вылӱ, мый вермӱ унджык чайыӱ-куралӱ горш пиня рӱжиньӱн, асылыс ӱд сылы не сӱйны галясӱ, ӱшинь вылас сулӱдыштӱм бӱрын базар вылӱ катӱдӱ да вузавлӱ вӱрӱ дзик нин мунны вермытӱмъясысылы... А татшӱмыс вылӱ видзӱдӱмӱн тшӱтш и мукӱдыс сӱсся, лючкиджык вотчысыс, кадысь водзджык жӱ вуззысысӱ вӱрӱ да ӱта-мӱд вежмӱн чайыӱ-куралӱ муртса на лӱзӱдӱм да гӱрдӱдӱм тусьсӱ. ӱдйӱджык! Кыдз позьӱ ӱдйӱджык да унджык! ӱд кутан кӱ виччысыны вотӱсысыс бурджыка кисьмӱм, ӱния дикмӱм олӱмас некутшӱм тусь сӱдзи и он аддзв. Либӱ, кыдз шуласны, тусь ни пызь!

А лючки кисьмӱмыс сӱйӱ жӱ пувйыслӱн мӱдӱдчис сӱмын на сентябрын. Сы вӱсна мый август тӱлысья ыркыд бӱрын Енмыс — дзик нин виччысьтӱг! — сетӱс онаялана шоньд. Вежон, дай мӱдӱс, дай коймӱдӱс! Весигтӱ жар лои, кӱть эськӱ и, бытшӱкӱ, миянынсӱ ӱна нин арся тӱлысь. Луннас кызь вит градусӱдз лыблӱ! И шондӱа. И кос. Да весиг ӱд и войяснас шоньд, гожӱмбыднас сӱтшӱмыс, буракӱ, эз и вӱвлы. И, дерт нин, пувйыд татшӱм каднад, позьӱ шуны, син водзад гӱрдӱдӱ да чӱскыд юмолӱн туктӱ...

1

Шондӱа гажа асылӱ Сыктывкар — Кулӱмдӱн мир туйыввса сувтланӱнӱ вель ыджыд йӱз чукӱркӱд ӱтлаын автобусысыс петӱс ыджыдкодъ мыгӱра, паськыд пельпома, косньӱд мугов чужӱма да дзормыштӱм сук сӱд юрсиа, топыд веж рӱма курткаа да пелькиник картуза зумыдкодъ на дядьӱ — Капит Паш. Лысьӱм рутшмунтӱдзыс веськӱдчис да нимкодпырысыс вуджӱдӱс лӱк дука дзескыд автобусын доналӱм-пӱсялӱм ловсӱ, бурджыка видзӱдлӱс петысыясыс вылӱ — унджыкӱныс вӱліны нывбабаяс. «Мед кӱть и унаӱнӱс, тайӱяс менӱ, дерт, оз водзавны,— мӱвпыштитӱс лӱнӱдчӱмӱн.— Рӱгыд и разаласыны ставныс матӱник ордым пӱлӱнъясӱ». Сӱсся сӱйӱ чатӱртчылис водз асывсынь мелӱа вашъялысь шондӱ вылӱ да пасьталаыс югыдлӱз энӱж вылӱ — ок, ӱна тай гажа лун бара на лӱ! — да и долыда качӱдӱс мыш вылас вотчан чуман

тыра да пажын тыра ёнакодъ нин быгалом-важмём брезент нопсё. Сэсса и пырис-воштысис вөрө сылы бура тёдса ордымёд.

Асъя вөрис, шонид войыс вөлі да, абу весиг лысваалёма, сёмын быттьо мыйтакё ыркавлёмсыйс неуна лапмёма-небзьыштёма, оз и кётд муньсёбс, резина сапёга кокыд сёмын кушомакё вазыыштё ордым вылө петём чөд корйё да турун бурьсё зыртчөмысь, төв абу на садёмёма да вөр пасьталаыс лёнь, вичкоын кодъ чунөк лёнь, и сэтшём сөстём да буретша ыркыд, морөс тырнад кыпыда лолавсё, и вочасөн кыпалё вир сёныд и лолыд, вочасөн быдлаті личалё и бурмё быдлунья помасьлытём төждьясьсыйс-нокьясьсыйс, сёкыд олөмыслөн öтырышья личкёмсыйс.

Капит Паш кыпыда восьлалё важ ордымёд, коді коркё вөвлёма коми вөралысьлөн чөс туйён, өнісё, дерт, таладорсё, пыранінсё, ёна нин талялёмабсь да юждёмабсь уна лыда вотчысьяс, но кымын водзё мунан, сымын векняммё да омөльджыка төдчө сійё, сы вөсна мый сідз-тадз вотчысьяс матіджыкті кытшовтысь ордымьясё кежө, вөрсё веськыда юковтысь визирьясё да, и верст нель-ө-вит кё кыпөдчан важ чөс туйөдыс, Чожөг-Ёль йывьясланьё, пөшти нин дзикөдз вошө сійё, да шоч йөз, сёмын нин төдысьяс да вөрті бура ветлыны кужысьяс вермасны казавны да сорсытөг водзё туявны тасянь ылынкодтьі визувтысь Лёбм-юлань...

Том поёмёма нейджыд яг дорөсті восьлалё Капит Паш, асъя шонді водзын югзьысь-шонтысьысь зарни кырся пожөмьясөн нимкодьясё,— со өд, бур йөз коркё лючки пөрөдлёмабсь ягторсё, көйдыс пуяс колявлёмабсь пасьталаыс, и гажа ягыс том пожөмөн выльысь босьтчёма да тшөкыда сувтёма, быдлаө водзджык сибалысь пипубн абу өдөлитёма сійёс, еджыд яласё лёк турун абу пөдтёма. Сёмын тай өти пельөсоксё шондібанлысь лёк йөз, юсьсыс-куритчысьяс, дерт көнкө, өзтёмабсь да сотёмабсь, бур на көть, мый күсөдны удитёмабсь да дзоньнас абу дзакмунёма...

Но ёнджыкасё Капит Паш буретш да вежов-еджыд яла вылө дзөркьялө, өд ёна на виччысьё сійё тшак петём, татшөм кадад, шоналём мусина да бура нин көтасём яг вылад, ёна на мыччысьлө банийём тупөсь кодъ дона еджыд гоб и пиня тув кодъ зумыд гөрд гоб, торйөн нин, тувсов коль кодъ ён ягвыв путник, либө, кыз мукөдлаын шубны, еджыд рыжик, сійё тай, мыйлакө, медьёна радейтө ыркыд войястө, весиг пужьялөмысь оз ёнасө пов. Став тшак петаніньясё Капит Паш бура төдө татчөс вөрьясьсыс, уна нин сылөн гежмалёма наөд отар и мөдар карын кузякодтьө олігөн, уна ноп быд пөлөс тшаксё петкөдлёма, костьылёма и солавлёма да кузь төвбыдысё сійөн номсасьлёма. Да и тшаксё вотны тай, пөрысьладорыс, век любөджык да нимкодджык лоө, торйөн нин бура сюралігад да — нөшта нин!— татшөм кос да гажа луннад. Мун кытчө тэд колө, некод тэнө оз кут ни оз тэрмөдлы, копыртчыв да сёлөм бурмытөдзыд лэчыд пуртнад чилсйөдды зумыд кыз подьяссө, өні өд, арнад, лёк номырыс оз нин йир найөс, дыр весасыны ни дөзмөмөн сөткыны оз ков.

Но талун тшак бара на оз тыдав. Гашкө, татысь, матісьыс, бура корсисны да өтиөдз ставсө вундалісны? Вужнас някралісны ли? Быдсыма вотчысьыс тай өні шөйтө вөрьясті, сы мында йөз таті быд лун бергөдчө... Колө на кежавны ылөджык ягьясө, сэтчө озджык на сибавны быд шылльө-мылльөыс, дай вотчаніньясыс сәті паськыдджыкбсь.

Капит Паш вуджө васөд лайков, код гуранын гожея кос бөрын бара вөрзыыштёма сьөд ваа ёль, пырө сора вөра, чөд корья давийө. Гөжөмнас тані тырыскөдъ вөлі чөдийыс, а өні немьсь-немтор абу кольёма. Капит Паш нарошнө кытшовтыштө ордым отар-мөдарөдыс да сюсьджыка видзөдалө кок улас. Некөн ни өти тусь абу. Ни өти! Капит Пашөс ёнакодъ чуймөдө тайө: со өд кыззи вотчөны карсайсыд! И, дерт жө, каргөгөрса вөрьясьсыс, мыйта сибалөны, найө тадзи куштөны быд пөлөс вотөссө. Öти тусьөдз! Кад и терпенньө тай тырмө налөн...

Сэсса Капит Паш виччысьтөг мөвпыштө: «А мый нө тадзинад,

миян бõрын, вõр пõtкаыс сейõ? Мыйõн нõ пõtкõдчõ кузь арбыдсõ? Кõдзыд тõв кежлõ кызди да мыйõн тшõгõдчõ? Сийõ õд, миян моз, лавкаõ оз ветлы няньла да сакарла? Став пõtõсыс и чõскыдыс сылы буретш да вотõсас и эм!..»

Сэссия Капит Паш дзугыльмыштõмпырысь казтылõ, кызди во комын-нелямынъяс сайын, кор на сийõ овмõдчис карõ да вочасõн тõдмалис татчõс вõръяссõ, тайõ важ чõс туйõдыс мунигõн ёна на жбыркъялисны сьõлаяс, корсюрõясõ весиг на и пув-чõд дзимлялысь дозмõрõс вõли повзьõдан да ачюд чур-чермунлан сылõн шпачõдчõмысь. А õни лõнь. Шыч ни рач. Кулõма кодь сулалõ асья вõрыс. Весигтõ посныдик кайыс оз кыв! Дерт, тадзитõ вõрсõ куштигад да сымында йõзыдлõн õгырышья полошуйтчигад кызди нõ пõ и рõдмõдчас вõр пõtкаыд. Сейтõгыс кызди сийõ олас тани...

А важ чõс туй водзõ нуõдõ Капит Пашõс яга-йигыра дорõсыясõд, буретш сэтшõминъясõд, кйтõни коркõ медбура рõдмõдчылис вõр пõtкаыс. õд ниорыслõн васõдõн вынсьõдõмõн век нин бурджыка кисьмылис сәни чõд и пув, и гожõмбыд ёнджыка шонди́а овльвлõ сәни, восьсаинõдыс, и шоньд зэръяс бура инмõны, а лёк тõвъясысь ягыс век нин видзыштõ. И ягыслõн жõ сõдз лыа пивын бура позьõ пуртикасьны сьõлалы и дозмõрлы, татшõм ногõн весавны вывьсысь тойяссõ, а õти сайын и из-гальки кокавны лыа вывьсысь, мед чуллыныс бурджыка уджалис изкиныс, õд кузь-кõдзыд тõвбыднас, кызвынсõ, ковмас чорыд-курыд лыскõн пõtкõдчыны, мыйта ковмас изнысõ сийõс...

А местаясыс татй шыльдысь — ни ёнасõ абу шõрасьõмаõсь сёнъясõн, ни абу ләптасьõмаõсь керõсыясõн; вõръясыс кольышталõмаõсь на и, ёнджыкасõ весиг пожõм сулалõ: латшкõсджык пожõма да юртõ кольмõдысь зын туруна йигырысь, он и казьявлы, веськалан кузьджык пожõма да зумыдджык подула ягтор вылõ, кõни век бура петавлõ тшак. Сõмын тай õни шочник лõз уртшакысь да кõнсюрõясõ нитш бердõ ляскысьõм сёмгобысь кындзи немтор оз сюрав.

Но õти вутш дорын, кõни еджыд ялаыс помасьõ да пõрõ кузьджык — небыдджык да вежджык кõктоинõ, Капит Пашлõн син водзõ быйкнитисны кык молодеч — õти вужсянь чургõдчõм кык еджыд гõрд гоб! Овлõны тай сэтшõмъясыс — модаыс и мыгõрыс гõрд гоблõн, а ачыс дзик еджыд. Альбинос! Кызди, шуам, еджыд кõр. Либõ весиг еджыд юрсна да еджыд синкымъяса морт. Он тõд сõмын, мый кõсий шуны олõмыс кодсюрõс тадзисõ едждõдõмнас...

Сой кызта подъяõсь да йõг кодь зумыд шляптаõсь кыкнан вокыс! Брынакылõны-сулалõны! Капит Пашлы весиг жаль лолис вундынысõ найõс! А кор мый позяна улитиджык чилснитис лэчюд пуртнас подъяссõ,— немся номыр туй оз тõдчы! Но, кызди и овлõ гõрд гоблõн, сõдз еджыдыс пыр жõ пондис рудõдны да сьõдõдны, тшакыс мõдис сьõд вийнас-вирнас дõймõминсõ мавтавны...

Енмыслõн тай, вõр-ваыслõн, ставыс дивõ кодь, мый кõtь эн босьт, ставыс ас ногыс олõ и керсьõ. Быд пу и быд тшак, быд лыс и быд нитш, быд ләбалысь и быд котралысь абу мõд кодьõсь, а сõмын ас кодьысõсь,— кодкõ тай, небось, абу дышõдчõма да лõсьõдлõма тадзисõ...

Ыдждыдджык-паськыдджык ягыс, код вылõ медъёна кутис лачасõ Капит Паш, вõли мыйтакõ бокинджык тайõ важ чõс туйсысь. Дерт, кõнкõ, сы доръясõд, коркõясõ, мõд чõс туй пискõдчылис — кызд нõ сытõгыс татшõм гажа-озыр вõрас!— да нõшта нин кутны кõ тõд вылын, мый сайладорõдыс ягсõ дорõсалõ козья вõра да зев чõдья лайков. Но õни сэтчõс ордымсõ кыскõма нитшкõн-вутшкõн да немтор нин оз тõдчы, и кодõ оз тõд ягсõ, оз и чайт, мый кõнкõ эм сийõ тани, а кодõ тõдõ, дерт, сидз веськалõ сэтчõ вõрсõ õтарõ и мõдарõ юклалысь ёна талялõм визираяс вывсянь.

Быд пõрйõ, кор Капит Паш пыравлõ татчõ, лолыс бура кõtõм да рокõсалõм еджыд нянь моз ловзьялõ-кыптывлõ. Сэтшõм нин кос да югыд да кыпид тани! Сэтшõм нин сõстõм еджыд яла вылын сулалысь пожõмъяс пõвстас! И шонди́а щõныд луннад сэтшõм босьтчõдана кылõ

пожом лыслон сирод мырдыс, и сэтшом кокниа-чоскыда лолавсьо морос тырад! И весиг югыд олөмыс быттё мусаджыкөн лолө!

Тшак петан дырйиыд, медводз, Капит Паш ыджыд кытшов тэрмасьтөг босьтө яг дорёсьясөдыс, коні еджыд ялаыс помасьё да вочасон вуджө вежджык-васөдджык нитшкө: сәні медьёна петө гөрд гоб и ягсер, и еджыд рыжик и весиг — зэраджык гожөмьясө — ельдөг. Мыйкө жө нин копрасьлывліс налы тані Капит Паш да важ вөралан пуртнас чилсйөдлывліс вына подула мусиныс вылысь!

Біджыд кытшовсө нёжйөникөн керөм бөрын Капит Паш пондылө отарө-мөдарө гежмавны яг пытшкөссө. Паськыдкодь ягыслысь отарджынсө коркө пөрөдлөмаөсь, буракө, во ветымынъяс сайын, но кыйдыс вылө колявлөмаөсь жө пожом котыръяс, и на гөгөръясын зэв бура петөма да сувтөма том пожөма выль вөр, сөмын нин веж нитш подула. А асьныс важ пожөм котыръясыс еджыд ялаа диторъяс вылө өні кольөмаөсь, налөн увтысын том пожөмыс мыйлакө нёти абу. Гашкө, пашкырмөм лыска вевттьөд уланыс озджык веськав шонді югыдыс да зэр ваыс? А гашкө, мөдарө, топыд-еджыд яла вывсө ёнджыка косьтө гожёя жарыс, да быд тулысө лэбысь кыйдысыс оз вермы мусинөдзыс пьськөдчыны да вужъясьны? А гашкө и тшак вотысьяс ёнджыка таялөны пожөм увсыс кольсө-кыйдыссө, да сы вөсна?.. Од буретш татшөминас, еджыд яла вылас, медбура петавлө банийөм тупөсь кодь Дона Еджыд Гоб, кодөс корсигөн ковмылө гөгөрбок тапикасьны сәні да син доймытөдзыд дзоргыны кок улад..

И өд петавлөма татчө еджыд гобыс вежон-мөд сайын! Но, буракө, некод абу и вотлөма. Дерт, көнкө, быдөн чайтис, мый некөн лючкисө оз быдмы таво тшакыс, да и тані абу. А со тай — мыччысьлөма и быдмылөма да и вөрзөдтөгыс сисьмөма! Мугов-банийөм ыджыд-паськыд тупөсьяс сідзи и ропмунөмаөсь вуж выланыс, мый сөмын лэбачьяс кодсюрөөс варсйөмаөсь-кокалөмаөсь. Вель унаөс казяліс да видлаліс татшөмьясө Капит Паш да мыйкө жө сьбласис да сөткис. Да өд позис жө пыравны да видлыны кутшөмкө лунө! Да өд буретш и чорыдакодь зэрыштліс сәки, и весиг шуліс нин аслыс: вермас петны, шоныдыс тырмө и васөдыс лыштитіс. Но кысь, век кодлыськө кывзысян да! Аслад юрөн он ов да... Оні сәсся сөмын и сьбласьны да сөткыны коліс...

И весиг гөрд гобыс сөмын некымын сюрис өні Капит Пашлы. Сы мында жө и ягвыс еджыд рыжик. Позьё шуны — вуж көрзина пыдөсыс сөмын ляксьыштис тшакнас, шөркодя жаритмөн сөмын и лөө. Татшөмыс шоча овлө Капит Пашлөн тайө ягас...

Неуна дзугыльмыштөм вотчысь пуксис шойччыштны еджыд ялаа медыджыд кушинө, сэтчө сійө быд волігөн лөньөдчылө. Тані коркө важөн чардби дзенгылөма сыв кызта пожөмө, джынвийөдыс шөри краджгөма-чегьялөма сійөс, йывладорсө лөк бушкөлыс ылөкодьө чаккөма, да лөсьыд пукалыштны сы вылын, личөдыштны мудзыштөм лысьөмтө. А өти сайын и водзө вөчөм-керөм йылысь мөвпалыштны, өд луныс сөмын на заводитчө, тшакыс эз сюрава да, ёна манитчөмыс эз ло...

А выныс вөлөма чардбиыслөн! Эстшөм кыз пу шөри краджгөбтыны! Дерт, өткөн кольөматө, пөрөдчөм бөрад, казялөджык да дойдәлөджык сійө. Лөк төвьясыс ёнджыка чашйөны да песөныджык и... Но өд тай удитөма нин и бура көдзны ас гөгөрыс выль вөрсө, сэтшөм тшөкыда петавлөма да сувтөма том пожөмыс...

А мукөд важ пуыс со, яг пасьталаас, век на сулалөны, — водзө мөвпалө да доньявлө Капит Паш. — Отнас тайө багатырыс ас вылас босьтөма енвевт бынелысь пыдөстөм вынсө-скөрсө да аслас олөм донөн кусөдөма. А мый, олөмад тай, буракө, век сідзи и овлө — медыджыдысьдылы да медьёнъясьдылы, вьсьөнджык олысьясыдылы, көть и йөз пөвстын, век нин медуна дөнзё. А на мыш сайын мудеритысь посниуловыс сәсся кык мында куралөны ас увтаныс...

Пукалө Капит Паш, ён литрөвөй термосысь джуджыд вевтас кисьтөм пөсь чай пөлясьөмөн юө, сьөд вөр шөрын пөсь чайыс сідзи быт-

тьо и мавтыштö доналём-косьмём гырк пытшкөссö. Ок и бур! Донтём кадъяснас удитис на лосьодны тайö ён көрта да посьсö дыр видзысь термоссö да öнi вөрö петалiгъясö век нин кыскалö сьöрсьыс... Горшөсө веськбдыштём бöрын Капит Паш кыскö мешöксьыс матö сюрс шайта калбастор да ас быдтём гөрд помидор да азыма пондö сёйны. Водз асывсяньыс öд, гортас, эз на пыр немтор, а öнi, мудзыштём бöрад да сөстём вөр сынöдөн вир-сөнсö пальöдыштём бöрад, көть мый жубри-тан. Непöштö сюрс шайта чöскыд калбас! Бур нин көть, мый помидор-сö асьныс быдтёны гозъя, некутшём дон оз ков мынтыны. Сидзкö, позьö шуны, калбасыслөн йöй доныс джынвийö чинтысьö... Но сидзи нин-ö чинтысьö?— пырысь-пыр жö падвежалö асьсö быд ногыс мөв-павны радейтысь Капит Паш:— Со, шуам, талун гөтырыслы колö кайны дачаас, мед бурджыка инавны куйöд машина. Гожёмнас некымын лун ачыс жö сийö отсасис совхозлы турун пуктигөн, и көсийсьöмаөсь пö куйöдсö вайны. Дерт, содтöд вылö, ковмöма на асьяньыс мынтыны бара жö сюрс шайт. Сэсся та динö колö содтыны, мый пöшти төв шöрсянь помидор рёсадасö колö быдтыны горт öшинь вылын. Сэсся гожёмбыд ковмö ыркыд вой кежлö теплица пöдлавын. Öтарö ковмö кись-кавны... Ставсö кө тайöс артавны, войвыв муын быдтём тайö мичаник да чöскыд помидорыс сюрс шайта калбас дорсьыд оз и ло ёна донтём-джык!..

А енмөн быдтан дарөвöй чöскыд тшак со омöля петалö таво. Весиг медбурингьясас. Сидзкö нö мый? Водзö на сетчывны да пувьяс видзöдлыны? Öд сылөн, Капит Пашлөн, ылöджыкас, эм гоз-мөд пувсик, кытчö озджык сивавлы карса. вотчысьыс. Но öтнасөн ёна ылёсö мунны быттьöкö и полыштö нин Капит Паш: Сьöлөмыс тшöкыдакодь кылыштавны пондiс да. Сьöлөм дурышталөмгьясьыс таблетка быд лун кылöдавлыны пондiс да. Весиг со и гөтырыс, петигас, бара на öлөдiс: мед ылөдзсö эз вöв мунöма, матiниктi кытшовтышт да и тырмас, эм кө эм тшакыс, абу кө и абу... Сидзи и эм эськö да, öткөннад ыли вөръясöдздыд абу и эм нин эськö ветлантор сылөн да, кадыс кольöма и ветлысьсöма нин сэтiястö сылөн да, кытчöкө сутшкысян кузь ныр вылад да, корсьнысö оз аддзыны... Но тай дачатö вöдитигөн öтарö лөб тор-йöдчывны гөтырыскöд, öтарас и мөдарас. Вөрö колö мунны, и теплицаа дачаыс коднысöкö век нин көрталöма ас дiнас. А ныв гозьяыс, челядьпияныскöд, ыли сиктын олöны. А пиыс... Бурджык нин не кырлөдлыны сьöлөмсö Югыд Шондi пиыс йылысь казьтылөмөн!..

Но öд кадыс водз на, луныс сöмын на пуксьö, асывсянь куш киён да ставсö бура тöдмавтөг он жö бөр бергөдчы гортö, сюра-тошка коми дядьöйд! Да нöшта нин вый войтыштана кодь гажа луннад, шондiа дырийыд, кор, мед көть и жебмыштöма нин юр вежöрыд, кытчöкө ылалөмысь оз ков повны. Колö көть пувсикгьяссö тэрмасьтөг кытшовтышты, а сэсся, эмышт на кө көнкö пувийыс, аскиясö гөтырыскöд öтлаын волыны...

И Капит Паш, водзлань, бөр важ чөс туйлань сетчөмөн, пондiс вомöнавны Гажа Ягсö руч позьяс дiнтi. Татi ыджыдкодь Гажа Ягыс шöрипöv тшупöдасьö моз. Оти джынсö, көнi öнi гöгралыштiс Капит Паш, коркөя керавлөм бöрын öнi том вөрөн кыскöма, а мөд джынйыс ягыслөн пөрөдтөг кольöма, вöляника сувталөм гырыськодь пожөмөн зымвидзö. Сэни, веж нитш вылас, бур воясö петавлö жö виж уртшак да дона еджыс гоб.

А руч гуясыс-позьясыс со тай нö рöч кодьö чукöртчөм куим-өнель пожөм улынөсь — рöч гөгöрыс моз вит-ö-квaйт розь пырöны вужгьяс улас. Во кызь вит сайö нин тöдö найöс Капит Паш, а, видзöднысö, век быттьö öткодьöсь гуясыс — некытi оз кырлась, ни сидз оз тыр, быттьö кодкö сёялöма ли цементируйтöма ли найöс. Буракö, зу-мыд мусинаин бөрйöмаөсь мудер ручилейясыд, сёйöд сора лыа. Сэсся, дерт, чукөрөн быдмысь пожөмгьясылөн нюдз вужгьясыс быд ногыс кысьöмаөсь öта-мөдныскöд, көнкö, ловъя катьмеш моз, да видзтөг оз овны жö позёе кырласьöмсьыс.

Кор пиыслы, Илляыслы, вöли дас коймөд арөс, Капит Паш мед-

водзаысь вайөдліс сійөс татчөдз. Водзджыксө век жалитліс ёна ылі-
тыс кыскавынсьө... Зачесысь вөлі зонкаыслөн еджыд яла вылысь кызд
пу йөг кодь зумыд яг гобъяссө аддзавны! И сэтшөм сюся корсялө да
югыд синнас аддзалө! Батысь дорысь не этшаджык сюраліс сылы...
Ок, ёна жө радліс сэки Капит Паш! Отсасысь быдмө! Бур вотчысь.
А регыд и вөралысь лоө. Пищальөн пондасны ыліджыкъясті кытшов-
тавны. Тшөтш и войковтөмөн. Сэсся, гашкө и, пон лосьөдасны. Льөм-ю
йивъяслань кө кыпөдчывны, дозмөрыд бура на сюрө, не нин сёрнитны
сьбла-тар йылысь, көч да руч йылысь да. Пөрысьладор кежлад ку-
тшөм отсасысь быдмө, сёрнджыктө чужліс да, кутшөм на и буретш
лои! Кыкөннад век нин гажаджык вөрад. Пөрысьлы бур, а томлы нөш-
та нин бур. Томыс пөрысьсө кык пөв кокньөдө, ловсө сылысь кыпөдө,
а пөрысьыс томыслы дыр олігчөжөн өкмөм сямсө любөпырысь сетө...
Со тай тани, руч гуяс дінас, эз на өд вунөд Капит Паш, юаліс Илляыс:
— Батыө, а мыйла нө сымда розьсө колө вөлі перйыны ручиль-
ясыслы?

— А сы понда, пиө, мед найөлөн вөлі пыранін и мед вөлі не өти
гуся петанін. Мед бура дзебсыны да видзчысьны кодыськө аслыныс,
а медся нин, тэ кодь посни кыньпияныслы, а ковмас кө и, петны-пыш-
йыны запас розьөдыс.

И, буракө, сійө жө локтан төвнас Капит Паш олыштіс Льөм-ю
шойччан керкаас, а зонкаыс кымыныськө воліс сы дінө карсян, пась-
кыд лызьяс көмаласны да, топалөм лым вывті мыйкө жө кытшлалас-
ны гожея вотчанінъясөдыс. Сэки водз асывсянъыд ёна на бырскысь-
лісны кок увсыныс лым репасын узымөдчөм тарьяс. Но медся шен-
зьөданаыс, дерт, вөлі лыддыны сөстөм лым вылысь сійө жө руч кокъ-
ясөн гижтөмасө. Ясыда вурыштөмаыс вөлі матыстчас выльджык лызь
туй дінө да и орө. Бөр бергөдчө мудерыд. А мукөддырйыс, буракө,
дыр мөвпалөм бөрын, дона юрид кыпөдчө лым чурк вылө да өдөбтчө-
мөн мый вермө ылөдджык чечовтө лызь туй вомөныс да вөлисти сэсся
водзө котөртө.

— Кужө тай мортыс видзны ассыс ловсө!— чиктыліс сэки, став-
сө тайөс батысь отсөгөн гөгөрвоөм бөрын, шуда зонка.

Өні, көнкө, и төвнад ставыс жө нин тани куш да тыртөм, руч кок
туй оз ловзьөд шылъыд лымъя эрдъяссө, ни репасө узымөдчөм тар оз
пуркнит асья көдзыд лымсө. Ставынсьө найөс личкө да быд ногыс па-
зөдө пөтлытөм чулля морт.

Но өд тай и пиыс сылөн, шудтөм Капит Пашлөн, сө-муса зонкаыс,
сэтшөм колана рөд помыс, пөрысьладор кежлас став шаньыс и надея-
ыс эз жө нин ло. Пуктіс югыд-төлка юрсө выжывмөм вождьясөн пан-
лөм лөк война вылын. Ок-ма жө эськө да!..

2

Матіджык пувсыкыс Капит Пашлөн вөлі Чожөг-ельлөн шуйга
вожланьын. Тани ёлыс чукөртө васө зөв лөк, кусыньөн паськөдчөм
ыджыд нюрысь. Буретш да нюр чегсян пельөсокас, лунө бана вутш-
каинас, көні коркө бөрийсьөмөн пөрөдчылөмаөсь жө, а өні сулалөны
шочиник гырысь-пинөв пожөмьяс да косьмалөм кондаяс, да кытчө бу-
ра жө инмө шонді югыдыс,— буретш сэні век бура артмывлө пувйыс.
Мыйөн сөмын матыстчис сэтчө Капит Паш татисө ёна нин вошласысь
чөс туйөдыс, пырысь-пыр жө гөгөрвоис, мый вөлөма пувйыс и таво,
но пановтөмаөсь нин сійөс, гөгөр нин ставсө шырзьөмаөсь да талаялө-
маөсь, дерт көнкө, джынвийө гөрдөдыштөм галякодьнас на сувйисны.
Став сиксыс сөмын мый и. кольышталөмаөсь ягланьсджык нин, сук
том вөрарнас кисьмөм шочиник да зөв гырысь туся нетыра розьяс.
Ма көра кодь юмолось-чөскыдось эськө найө, чунь помад босьтан да
весиг кылан эськө налысь сьөктасө, но мыйлакө зөв нин шоча быдмө-
маөсь-кисьмөмаөсь, висьөдчысь коска дядьөйдлы сьөкыд найөс вот-
нытө, кор юкалысь костө видзөм могысь өтарө ковмө пидзөс вылад
лэдзчысьлыны.

Капит Паш, отаро-модаро дзорьялгыт, водзо восьлало топыд-кузь нитшкөн да том вөрөн кыскөм ордымодыс, шочиник пув розьясөн да кольышталом на чод тусьясөн чосмасьыштало — а чодийс тані буракодъ жо артмывлө, Капит Паш, готырыскөд, шоч гожом жо оз чукортлывны ведра кымынто, оз кө нин, өнйя моз, дзикодз сөрмөдчывны... Но од өнисо чод вотан кадыс кольома нин, эз та могысь сийо өнисо татчо лок...

Муртса тодчыштысь ордымыс кыпөдис Капит Пашөс яг рөчлань да вайөдис ыджыд ноп кодъ йога тодса пожом динө. Тані сылысь чөс туйсө вомөналө лунө-войө юковтчөм визир. Капит Паш сувтис вожа-ланинас, ки пыдөснас шлапөдыштіс йога пожөмлөн шоньд кыз кырсьө, татшөм ногөн чолөмасис важ тодсакөд. Сэсся отарө и модарө видзөдліс ылөдзкодъ тыдалысь визирөдыс и лов вылас сылөн — таті керавтөм на вөрсө югыд югөрөн юковтысь визирыс моз жо! — бара на ыпнитіс пөсь казтылөм. Кор Илляыскөд отлаын медводдзаысь воөдчылісны татчөдз, вөлі буретш пажын кад, яр шондыс буретш веськыда дизьвидзис визирыс весьтын. Зонкаөс өна чуймөдис тайө, и сийө весиг горөдис:

— Видзөд, батьө, шондыс кутшөм веськыд да югыд туй керыштөма аслыс!

Да, пиө, сідзи, нимкодъмытөг эз ов сэки Капит Паш зонкаыслөн татшөмторьяссө казялөмысь. Видзөд, пиө, тайө визирыс веськыда мунө лунсянь войө, а өні буретш пажын кад, шондыс сулалө стөч лунвылын, со сийө и дзоньян швачкө визирыс вылө. А неуна кытшовтыштөм бөрын ми тэкөд кутам лэччыны мөд визир кузя, коді нин мунө асывсянь рытвылө. Сэтчө шондыс веськыда мөдас инмыны квайт часө. Вот тэ тайөс кө ставсө пондан бура төдны — кутшөм визир кодарө мунө, да кутшөм кадө көніджык сулалө шондыс, — сэки тэ, пиө, некор вөрад он вош. Дерт, нөшта колө төдны, кутшөм ель кодарө визувтө, кутшөм нюкөска ельланьыс лайкнитчөма...

И од армияс мунтөдз не этша нин велавліс зонкаыс вөрөд ветлөдлыны, мед көть и карын быдмөма, тшак вотны и сөла кыйны велаліс, вошөмысь эз нин өнасө пов ни...

Но, Югыд Шондыд, помаліс тай асьсө көнкө йөз муын! Пуктіс тай төлка юрсө код төдас мый понда! Век көть сэсся ойзы да ышлолав!

Но өнисө нө мый сылы вөчны водзө? Сы мында нин уяліс, а пөшти немтор на эз сюр. Этшаника жаритмөн тшак на сөмын лон... Вуджны ель ковтысса паскыд-лөк нюрсө да, өти сайын, видзөдлыны нин тшөтш и сэтчөс пувсиксө? Медбөрья надеясө? Од сыысь водзөсө мунөм йылысь немтор нин и мөвпавны!.. Но тшөтш быттьөкө и нбөти нин оз көсйыссы водзөсө мунны Капит Пашлы... Оти-кө, зэв лөк вуджнысө, васөд да вушкөсь, козья вөрыс кыззисюрө пөрласьөма, сьод вужляөн да лэчид кос увйөн тшөтьясьөма. Сэсся и неыджыд пувсикыс мөдарас өнакодъ бокин сэтисө кокныдик вуджөр моз нин тодчыштысь важ чөс туйсянныс. А сылы од со таблеткаысөн нин ковмө кутыштавны вынсө да, гашкө, тшөтш и ловсө... Дерт, важ кадьясө кө, кор Капит Паш чашйысьylvліс вөртгид кузь кока йөра этшөн, кор медбур лекарственнос сылы вөліны сирөд көра вөр сынөдыс да сөдз ельяслөн ловзөдысь ваыс, — сэки эськө некутшөм падьялөм эз вермы лоны, торйөн нин татшөм гажа-шондіа луннад, да нөшта нин татчөдз воьма да...

Но өнисө — кольома тай кадыс, визувтөма тай ваыс! Онисө со лоө сулавны да падьявны. Колө и полан! Торйөн нин, кор төдан, мый ель саяс, йөзөн ветлытөмджыкинас, өнджыка олөны и ошьяс. А өні со налөн буретш чуалан кадыс, Семен лунсянь заводитчис. Друг да паньд веськалан энъ понда пурсысь ярмөм кырьяс шөрө? Сэні, ельсайса ягас, буретш чөс туй дорас, эм ыджыд кодзувкоткар, кодөс төв кежлө тшөгөдчысь ошьяс частөкодъ пузувтлөны...

Мый нө вөчны?!

Кутшөм сьөкыд овлө мортлы шуны медколана кывсө! Быдторйын! Медся веськыд ногөн керыштны. Мыйысь эськө сылөн олөмын вермас

артмыны-лоны мыйкө вьль буртор. Но вермас и лёктор лоны. Весиг оломас медся лёкыс вермас косыштны!

Онi өткөн сулалысь-падъялысь Капит Пашлы шуштөм съод вөра ёль ковтысыс лоис быттё кутшөмкө чорыд визьөн, аслыссяма границаён, код сайын паськөдчөма не тани кодь гажа-төдса вөра, а кутшөмкө дзик мөдкодь нин му и вөр, көни код төдас кутшөм Лёкыс да Омөльыс кыйөдоны сийөс...

Но олома мортлы, пöрысьмыштөм коми дядьöлы төв кежлас сэтшөм окота вөли вотыштны көть неуна пув, өнисө нин бура кисьмөм, чөскаммөм пув, буретш да аслыс вотны, а не лавкаысь ньöбны галякодьөн нетшкылөм да мырдысьөн гөрдөдыштөм курыдсө,— мый сийө, медбöрын, зэлыда көрталис и керыштіс ыджыд ноп кодь йөга пожөм диньн:

— Вуджала да видзөдла!

Но медводз сийө керыштіс да сувйис ёнкодь кос коз бедь — ёль йигырсө отсалыштас вуджны да тшөтш и пурт динө содтөд дорйисянтор лоө ошьясысь. Дерт, бедьнад медводзөн на вылө он уськөдчы, но виччысьтөг паныд кө лоө, позьö сийөн пучерө гораа шковгыны да сідзи повзёодны кузь гыжьясө, а воас кө делөыс медбөрья лёкөдзыс да он кө дзикөдз весөпөр, позяс син бугыляс лөсыштны ён бедьнас, сэки, дерт көнкө, Михайлөлы чайтяс, мый, буракө, пөсь свинечөн дзенөбтіс сылы Куш Пельыд. Көть тэ мый эн шу, а ён беддя мортыд, пищальтөгды, век нин вынаджыкөн асьсө кылө, көть и вöрын...

Сэсся Капит Паш бара на кисьтыштіс термос вевтас неуна чай да сы сорөн кылөдіс Америкаса «нитронг» таблетка — талун кежлө мөдөс нин,— мед вир сөнсө паськөдалышталө, да пөсь вирыс гөгөр бурджыка мыськовтө мудзыштөм сөнсө и чигсө, мед быдлаті выныс озджык на личав рытьядорөдзыс.

И Капит Паш, вутшкысь вутшкө тювкьялігтырйи, ёсь увья да ёсь гыжья вужляяс вывті посйисялөмөн пондіс вуджны ёльысь паськыдкодь ковтыс-лайков. Ачыс ёльыс лөня дзольгөмөн да чукыль-мукулясьбөмөн визувтіс васөд лайковыслөн шөрвыяс кымын да вөлі быттё дона козинөн кызисюрө тшөтясьөм лёксө вуджысылы, вөлі быттё сэтшөм колана наградаён. Капит Паш сувтовкерис ёльдорса зумьджык кыркодьö, вуджөдіс тырөм ловсө, сэсся копыртчис да лэдзис кияссө ыркыд пемыд ваө, а сэсся и содз тырнас гумовтіс да нимкодьпырысь мыськис пөсялөм чужөмсө. И сэтшөм лөсыд сылы вөлі кывны арся ногөн нин ыркалөм ваысылысь нюр да вөр көрсө.

Мөдлапөвса яг зумьдөд сийө регыд и воис кодзувкоткар динө. И, дерт, казьявтөг эз ов, мый сийөс, таво нин дзик подулөдзыс моз, бара на пузлалөмаөсь. А кор гөгөрвоис, мый лэчыд-кузь гыжьясөн чашйөмаөсь сийөс тайө лун-войнас на, ас көйытөгыс ыркмуніс съөлөмыс морөсас, да мортыд весиг кыйкнитіс-видзөдліс өтар и мөдар — оз-ө кодкө кыйөдчы сы бөрся сук коз сора пожөма вөрас. И окота лөлі сылы өні жө бөр бергөдчыны да, кытчөдз абу на сёр, өдйөдджык усйысьны гортланьыс. Карлань. Сэні көть эськө и уна жө быдсяма лёк йөзыс оло, но век нин кызкө да мыйкө позьөдджык гөгөрвоны найөс. Либө нин игнасьны-каличасьны ставсьыс аслад жырйын. А тани код пө төдас, кутшөм думөн шөйтöны кодзув котырсө лэчыд кузь гыжьясөн неважөн на чашйысьясыс!

Но луныс вөлі гажа, югыд шонді водзын гыисны-жуисны лыдтөм-тшөттөм орөм коска да орөм голяя югыда лөсталысь кодзувкотгьяс, ыджыд шөгө усьтөг тэрмасьбөмөн кыскалісны кос лыс и пазөдігөн колыштөм еджыд колкытяснысө, мый вермөмсьыныс выльысь тэчисны-чукөртісны ыджыд познысө-карнысө, өд гөгөрвотөг эз овны найө, мый көдзыд матысмө, чорыд төв лөктө, шоныдинө колө дзебсьыны, мед не йизыны аслыныс да мед сэсся и выль ловьясөс чужтыны, мед эз ор налөн шань рөдыс, өд натөг быд пөлөс пөж лөльысөс регыд и жöритас-помалас тайө мича-гажа ягсө,— и ставыс тайө кызкө-мыйкө вуджөртіс падмылөм дядьөлөн лов вылын, и бөр сайкалыштіс быттё сийө, малыштіс-лөсьөдыштіс пуртсө коскас ошалысь пу пуртөсысь, кыз

бедьсö зумыджыка чабыртис кнас да бара на мөдөдчис водзö. «Лёксö сэтшөм сьбыкдырысь вуджи да, öнитö сідз ог жö кö нин бергөдчы-а!» — помөдз нин дугөдчис падъялөмысь Капит Паш.

Ель кывтчöсланысь мыйтакö муныштöм бöрын, ыджыд пожöм улысь моз, төдіс сійö кыза нитшсялөм да том понöльöн кыскöм мыльккодьöс. Тани коркö сулавлөма вөр чом, кыйсян керка, дерт, чөс туй пискөдысьсылөн. Көнкө, мыйта пöтка лэччөдывліс сійö татысь Вьльгортö ли, Озёлö ли, ур да тулан кыйліс, вотліс пув да чөд. Мудзöм бöрын узымөдчыліс керкаас. Вөр көра чөскыд дозмөр шыд панявліс. Арся кузь рытьясö мөвпавліс водзö кыйсьöм йылысь, олөм йывсьыс ыджыда вежөртавліс... Керкаыс важөн нин ропмунöма, сисьмөм-нитшсялөм керъяс вылас выль вөр быдмө... Да и став уна нэмчөжся важ олөмыс тай комиясылөн тадзи кымын жö ропмунöма, код төдас сөмын, выліассö мый быдмө-а...

Капит Паш ыджыда ышловзис тадзисö вежөртöмысь, а регыд сэсся и кежис ель пөлөнөдыс моз лэччысь чөс туй вывсьыс веськыдывланыö. Тати козъя-пожöма ягыслөн керавтөм пельöсыс бара на вöл тшупөдөн моз помасьö, заводитчö во комын-нелямын сайын пөрөдлөмаин, коді вөрсö кералөм-босытöм бöрас васөдмыштöма, нюрзыштöмакодь, көть эськö и том пожöмыс, кыддза-козъя сорөн, быдмö жö сэні. Öти косджык рөчын, бара жö яга-пөрөдөмаина тшупөдас моз, кытчö унджык веськалö шонді югыдыс, — буретш и эм Капит Пашлөн татчөс пувсыкыс.

Сэтчö пыригкостыс Капит Паш казяліс, мый пувйыс эм. И торйөн нин шоныда дядьөлөн гилькмунліс сьөлөмыс сысысь, мый пувйыс вöлі дзык на вөрөдтөм: мед көть и, кызди и быдлаын таво, не сэтшөм гырысь, абу ёна тыра розья, но мича гөрда сярвидзис пасьталаыс. Капит Паш долыдырысь лэдзчысис лыбөм-нитшсялөм да пув корсялөм бурыйськодь вылө — дерт, коркö пу пөрлөма, а сэсся дырөн-кадөн сисьмөма-ропмунöма да сэтчö, вына-пөтөсаинас, нитш сорыс, пув корйыс торйөн нин ёна гызьмунöма, — дядьö вожасис татшөм небыд пуклөсыс вылө да и пондіс чирейыны войся лысваысь косьмөм нин мичаджык розьясө ки пыдөсас. Сэсся вом тырнас апнитіс да и мөдіс, да и пондіс няжйыны да чупйөдлыны. Ок, чөскыд пув! Шомыс муртса нин кылыштö, ёнджыкасö ма көра юмолөн ойкнитөдө-мыськовтö гырксö и ловсö.

— Но, Енмөй, бара на тай чуйдөдін менö бурыйс вылө! — веськөдчис личмунөмөн да весиг гораа шуис Капит Паш. Шоналөм синъясөн öтарö-мөдарö видзөдалгытыр, ёна видзчысьбөмөн водзö на воськовтіс. И рөч пасьталаыс, шонді водзын югыда лөстальсь тшөг коръяс пөвстын, гөгөр сярвидзисны бура кисьмөм, чим гөрдөдз доналөм розьяс.

«Ок и вотчыштам! — муртса удитіс тадзи мөвпыштны Капит Паш, кызди водзсьыс, дзык неылысь, — швуч-швач! — ырсмуніс да пондіс сьöкыда кыпөдчыны нöшта öти вотчысь — сьөд дозмөр, зэв ыджыд чукчи! Виччясьтöмысла Капит Паш ачыс чур-чермунліс, весиг чечовтліс, муртса ачыс тшөтш эз кыпөдчы чукчыыс бөрся. А ыджыд лэбачыс пырысь-пыр жö өддзөдчис да сьöда-еджыдаөн швычөка уөвтис-мөвкнитіс син водзтыс да и вошис козъя-пожöма вөрö. Быттö абу и вөвлөма!

Но кызди нö абу вөвлөма! Капит Паш чепөсийс сылөн чеччанинө да, дерт, казавтөг эз ов, кызди сійö тани чөсмасьöма, дзимлялөма да нөнялөма гырысьджык пув розьясө, куш сөмын кышныс наысь колөма. А со весиг и öти бордув еджыд гөн усьбма вывсьыс, дерт көнкө, весьпөрөмысла ырсмунгөн. Капит Паш босьтіс сійөс чунь помьяснас, видзөдліс югыд водзас — пырыс тыдалана тыртөм югыд заа да вывланысь топыд гөна — бергөдлыштіс гөгрөссö, а сэсся весиг гильөдыштіс ныр увсö. Воддза кадьясö кө, татшөм борд гөнсьыс бур сьбла писка позис вöчны!

— Видзөд со, сьөд чукаръяс на лөнджыкинад да пөтөсджыкинад олөны! — ачыс аслыс, но бара на гораа шуис Капит Паш. И сысысь, мый эм на чукчыыс тайö вöрас, мый ас синнас со бара на адззыліс

сійос — гашкө и ассье медся радейтана лэбачсө! — таысь Капит Пашлы, томджык дырйиыс буркодь вөралысьлы, весиг пув аддзём дорысы на нимкодьджык лон.

Сэся сійө матысь казяліс чукыльось-мукульось сюръясөн-вожьясөн вывлань пасьнитчөм вужля да матыстчис сы дінө. Ёнкодь козсө, дерт, таво гожөм на чашнитлөма бушколөн, весиг со вужлясьыс нюдзджык муыс абу на дзикөдзсө пыркалөма да гылалөма. А лыаыс яг эжыслөн чашнитчөминын дзик свеж да сөстөм. И коставлөмөн кык ыджыкодь гөпт мича лыа вылас нөптовтчөмаось гөгрөса, а на гөгөр бура гижтөм креста кок туй төдчө.

— Со тай көні вөлөм сылөн мыссяніныс да пывсяніныс! — коснөд мугов чужөм тырнас нюмунөмөн шуис Капит Паш. — Водз асывянь тані сійө пуртікасьома, быдлаті зудьялөма лэчыд лыанас, сэся и, сөстөмыс да свежыс, вөлисти нин пондөма чөскыд пувсө дзимлявны...

— Тэ, Илляй-пий, гашкө эськө юалін, мыйла кык гөптовын пуртікасьө чукчиыс? А, буракө, сөстөма олысь-керысь да сы вөсна. Видзөд, дорсаджык гөптас регыдджык кежлө шлапкысьлөма, мед кыз няйтсө сэтчө лэдзны-кольны, тойяссө да. А сэся вөлись нин сөстөм-джыкинас, мөд жырьяс вуджө да сэні нин сэся сьөлөм бурмытөдзыс быд ногыс мысьсө-пуртікасьө. Көть и вөр пөтка, но быдөн тай ас ногыс мичаджыка зильө овны. Гашкө и сы понда тшөтш, мый төдө, кутшөм мича ачыс сійө.

Капит Паш казяліс жө татысь кымынкө гөн, но эз нин вөрзьөд найөс. Весиг и кок туйсө ассьеыс восьса лыа вылас эз коль. Мед нин аслас морт паснас да дукнас содтөд не дөзмөдны да повзьөдлыны ыджыд чукчисө.

— А өд, пиө-Илляй, абу тавося вийөр тайө. Ыджыд нин! Буракө, ар куим-ө-нөля. Вит кымын килоа лоө. Шуам, кыян кө да өшан сійөс...

Но тані Капит Пашөс чуймөдыштисны бөрья шуөм кывьяыс аслас, сы вөсна мый сійө важөнкодь нин эз кыйсывлы вөрын, пыслөн Афганын усьөм бөрын, позьө шуны, эз нин босьтлы кияс пищальсө.

Сэся Капит Паш, мыйкө дыра мөвпалыштөм бөрын, шуис кытшовтны пувсиксө дорөсөдыс да пондыны вотчыны сайлапомсянныс. Гашкө пө ыджыд-ён чукчиыслөн кынөмыс эз на пөт да, он кө кут повзьөдчыны, выльысь на лэчылас аслас мыссянінө да пөткөдчанінө.

Карса ыджыд керка пасьта пувсиксө эз дыр ковмы дорөсавны Капит Пашлы. А мөдарас сійө бара на лов тырнас радлыштис, мый и тані пувйыс йөзөн вөрзьөдтөм на. Ошөдіс жакын тыра да этшаник тшак тыра вешмешкөсө джуджыд важ сотчылөм мырйө, мед ылөджык тыдаліс да позис сы гөгөрджык мичаа кытшлавны да кыздзсюрө не талаявны пувсө. Сэся и ягыслөн Енлы моз копыртчис Королева Пув водзө!

Ок, матушка, сетлас жө бур Енмыс татшөм Дивө-Вотөссө! Төлын и гожөмын век өткодь тшөг-веж кор вылас розйөн-розйөн сідзи и ыпьялө-сярвидзө, вашьялө-нюмьялө тэныд, быттьө важөн нин виччысьома буретш тэно да өні некыдзи оз вермы дзевны зачесьсө. Розьясыс топыдөсь на, көть эськө и быд тусь чукийоныс нин полътчөма шонді югыдөн ловзьөдөм вөр-валөн сөкөн. Шондіа луннад да, коссьө розьясыс, оз лемасыны чунь помад, и муртса-муртса кучысьыштөны корйыс дінө, оз нин ков найөс, чөдйөс моз, нетшыштавны быд тусьсө торйөн, — сөмын и чирскан, сөмын и шарөдан роз тырнас вужйысь кыөм көрзинаад, и сэтшөм өдйө мича гөрд молльөн вевттьысьсө плёнкайн ляскыштөм пыдөсыс сылөн.

Вотчө да нимкодясьө коми дядьө Капит Паш. Тэрмасыны оз ков, өтнасөн тай неыджыд пувсикас. Оні со кадыс лун шөрлань нин матысьмө да, гашкө, некод нин оз лок та ылнаад. Да өд, көнкө, оз на унаөд и төдны тайө сиксө, татшөм сайөдінесьыд. Некод оз водзав ни панөвт. Ош, көнкө, оз жө лок, морт дуктө да шыястө кылас да. Сэся өд и ошкыд чөд өнджыкасө радейтө, а не пув, — Капит Паш, дерт, дзикөдзсө оз вермы вунөдны неважөн на пузалөм кодзувкоткарсө да татшөм но-

гѳннас зѳлѳ такѳдны асьѳ да весиг ылѳдны лоны вермысь лѳкъяс-сѳ.— Но а бѳр кѳ бергѳдчас ѳнтая бордъя вотчысьыс, то сылытѳ Капит Паш сѳмын рад лѳѳ!..

Мед кѳтъ и бур воясын серти тыртѳмджыкѳсь таво розъясыс, дай тусысы посныдджык — гожѳмыс кодзык и ыркыдджык вѳлі да некыдз вѳлі ѳнагырсясѳ да тыраасѳ кысьмыны,— но чѳскыдыс и юмылыс тай тырмѳ кѳтъ и татшѳмыслѳн, бур, мый водздзык эз волы вотнысѳ, ѳд шондіа арпомнас мыйта на юмолсѳ босьтѳс пувыйыс татшѳм восьса шондіанас. Дерт, вермис и дзыкѳдз вылѳ сѳрмыны...

Шаркѳѳ и шаркѳѳ пырыс бура лолалысь кѳрзинаас шонді гѳрдѳн ѳиджтысьѳм вотѳссѳ Капит Паш, видзѳдмѳн мылькъясѳ и мылькъясѳ сѳні пувыйыс, оз тай ков велѳдны дядьѳѳс татшѳм буртортѳ вѳчны, ѳд мыйѳн помнитѳ асьѳ, век нин вотліс пув и чѳд, тшак да, ичѳт дырйи кузь лунтыр вотчасны вѳлі матѳ и ылѳдзык вѳрын зонпосни да нывпосни, быдѳн топыдик кузов либѳ пестер тыр вѳлі мича пувтѳ шарсьяс, нѳпъяссѳ яг шѳрас моз колялѳма, а на дѳнѳ би пестѳма да ульмыръясѳн лѳдсалѳма, мед ундзык тшынѳн да дырдзык чискѳ-трундитѳ, мед еджыд-сук тшыныс вылѳдзык кайѳ да ылѳдзык тыдалѳ, мед видзѳ посни войтырѳс ылалѳмысь-вошѳмысь, а кор чуманыд тырѳ пувнас, мед веськыда да ѳдѳѳджык локны да кысьтны сѳѳѳс нѳпъяд, а сѳсся, кокнѳѳдчѳм бѳрас, бара на уськѳдчыны вотчыны. А рытъявылыс, кѳтъ и ѳна нин музѳмыд лунтыр копырвидѳмысь да пув розсѳ ѳтарѳ чирскѳмысь, сьѳктысь чумантѳ ѳтарѳ кыскалѳмысь, колѳ на тыра сьѳкыд кузовтѳ гортад кыскыны, верст кунм-ѳ-нѳль, а мукѳд дырйиыс и верст вит-ѳ-квайт, кѳтъ эськѳ и неыджыд грездыд, Вылыб, но ѳѳзыс уна, вотчысьыс тырмѳ, сѳсся кодсюрѳ и шѳр сиктысь тѳдсаяс локтѳны. Мунан да мунан важ ордымѳд, нѳмѳвѳѳя чѳс туйѳд, кыскыян да кыскыян, кокъясыд ѳмѳля нин лыбавлѳны и быд лѳптысьѳм вужѳѳ-корпаѳ сконъясян, муртса он шняпкысь ныр вылад, а нюр кызѳрѳ бара кок шейѳѳдзыд вѳйласян, муртса и нетшкалан сѳгыс муззкокъястѳ. Но бур, мый Ёль галесниктѳ колѳ кены гортладорад, гач кокъястѳ вылѳдзык пуджѳмѳн. Сѳ-муса Ёльлѳн сѳдз ыркыдыс босьтыштѳ муззтѳ, бѳр на содтыштѳ вынтѳ, да сѳсся гѳртѳдзыд ѳддѳн нин нимкодѳн да кыпыдѳн воан... А мамыд, Капит Паладь, кузов тыр пувтѳ аддзѳм бѳрын, сѳмын и шензьѳ, сѳмын и клопкѳ ки пыдѳсьяснас бекъясас: «Но, дона пи! Эшшѳ на тай ѳти вердысь быдмѳ миян! Кузѳв тырыс вед вотѳма!»

Вотчѳ Капит Паш, кыясыс сылѳн век тѳрыбѳсь вѳвлѳны пув вотны и чѳд вотны, томдзык дырйиыс эз кольчыв сѳѳѳ весиг медсюсь бабаясысь. Но ѳні сылы ордысьнысѳ да панласьнысѳ некодкѳд и немторла, некод тай оз водзав ни кѳчав сѳѳѳ, мичадзык розъяссѳ чирсѳѳдлѳ Капит Паш, поснидзык тусаяссѳ колялѳ, вѳр пѳткакыслы ѳд колѳ жѳ мыйкѳ сѳѳнысѳ, со тай дозмѳръяс на олѳны танѳ, со кутшѳм сьѳд чукар лѳбзис-кыпѳдчис кок увсьыс. Ок и лѳбач! Ок ыджыд да мича! Гашкѳ и оз ѳтнасѳн сѳѳѳ татчѳ воывлы. Со тай нѳ и таладорас кытсюрѳястѳ дзимлялѳмаѳсь жѳ пув розъяссѳ. Войдѳр воѳ тай — сѳксян Капит Паш эз нин воыв татчѳ — быдса позтыр жѳ рѳдмѳдчис танѳ дозмѳрыс...

Дерт эськѳ, бур вѳлі, кыйны кѳ тшѳтш и кѳтъ ѳти дозмѳр. Пув дай чукчи! Важѳн нин дозмѳра шыдсѳ эз панявлы Капит Паш. Коми мортѳн шусьѳ-а, пищаль век на видзѳ, а вѳр пѳтка кѳрсѳ вунѳдны нин пондѳс... А ѳд карын олѳгѳн нин, татчѳс вѳръясас, да и ылѳджыкын, Лѳѳм-ю ѳывъясланын, ѳнакодѳ на вѳравліс, сьѳла кыйліс, тшѳтш и мыйтакѳ тар да дозмѳр...

Нимкодѳпырысь вотчѳ Капит Паш, мича пувыйыс видзѳдмѳн содѳ и содѳ пѳшти ведрѳвѳѳ дозъяс. Дерт, вотчѳмыд абу зѳв конни удж, и мед нин вывтѳсѳ не муззтѳдны да дойдавыны висьышталысь кѳссѳ, быд ногыс керсьылѳ сѳѳѳ — пидзѳс вылас лѳдзчысьѳмѳн вотчѳ и нитшсялѳм колодаяс вылѳ пуксьывлѳмѳн, а тырадзык вутшъяс дѳнын ѳш моз весиг и нюжгысьлас на кымынѳн и боккыв. Луныс гажа, пувсик рѳчыс кос, некытѳ оз кѳтась, пувыйыс сярвидзѳ-сералѳ, муртса инмѳд-

чылөмысь чуктө-мынө кор дінсьыс, сукджыкинас көрзинатө муас пуктан да позьö кыкнан кинад лышкыд мөс вöраысь моз лысьтыны-чилькөдны.

Бара на тай чөскыд пувъяёсь лооны таво төв Капит Паш гозъя! Машинаөн кытчөкө ылі вөръясө ветлытөг. Бур, мый томджык дырйыс Капит Паш ёна гежмавліс татчөс вөръяссө да аддзалис татшөм пув и чөд рөдманінъяссө. Дерт, оз быдысь тавося мозыс артмыв, унджыкысьсө галянас на кушөдз нөбаласны чөд и пув, но таво тай кызкө-мыйкө абу на веськавлөмаёсь. Ведра мөд-коймөд, буракө, шедас татысь, бура кө вотны, ашкі, сөдьюыс, коліс на эськө выльысь волыны, гашкө и гөтырыскөд тшөтш. Татшөм чөскыд пувсө кө нөшта сорлалан сакар пызьөн да ар пом кежлас петкөдан балкон вылад, йиджтыяс сакар юмолнас да, нөгыля сөксө лэдзас да, но ёна нин чөскыд сэки лоө! Позьö сідз паньыштавны төвбыд, вөр витаминнас гырктө вынсьөдны, вир-сөнтө весавны, позяс и чөскыд пувъя пирөг пөжавны. А сэсся и сылөн, Капит Пашлөн, загранишнөй спирт доз сулалө — коссө зыравны и гырксө шонтыштны век дась, сорыштан сійөс пув сөкнас да чимгөрд дивө кодь юан лоө, мудз вывсьыд бур румкаөн гулькнитан да бөр на мортөн лолан, кос висьбөмяс йывсьыд и олөм воляс йывсьыд вунөдлан. И өд кутшөма лөсялө пув кизьöрыс да чөскыдыс спиртыскөд! Быдөнысь бурджыка! Быттө сідзи и водзвыв лөсьөдлөма Енмыс. Отчид сійө сорлавліс спиртсө турипув сөкөн, и пырысь-пыр жө пузис быттө сорасыс, быг ыпнитіс выліас. А пув ванас соран да некыті нинөм оз и чажмун, и алөй кыа рөма чөскыд-ён юаныс сөмын и ойкнитөдө кынөмтө и ловтө...

Сэсся, мудзыштіс вотчөмсьыс да, дзикөдз вылө гатшөн водіс Капит Паш, вежджык нитшка вутшьяс пөвстын еджыд ялаөн дөввидзысь сөбтөм дөмаскодб. Нюжөдіс кокъяссө, паськөдіс княссө-сойяссө. Аръявывлань катовтчөм шонді меліа жайгыштө пөсялөм чужөмас. Лөдз-ном оз нин дөзмөдчы, посныдик геб тай сөмын вотчигас, копырвидзанінас, пөсялөм синмас вөлі пырө. Но тайө өмөй нө дөзмөдчантор вотчысь коми дядьбөлі!

Ок, лөсьыд! Ок, шоныд да югыд! Сетіс жө тай Енмыс татшөм гажсө аръявылыс! Капит Паш ёна нимкодъысла шылөдыштө небыдвольыд яласө ки пыдөснас, гильөдыштө быттө сылысь шармунысь топыдсө да шоныдсө чунь помъяснас. А пожөм лыскыс выліас, джуджыд-ён пожөм туганас, шонді водзас кутшөма югыялө! Быттө вейён мавтөма! А мый? Этша өмөй лыскас и мукөдлаын нөмөвөйя пуыслөн сирыс да вийыс? Эз кө өд вөв выя да пөтөс лыскыс, кызди нө эськө куш сы вылын да кузь төвбыдсө дозмөрыс оліс? Эсы ыджта пөткаыс? Ок и мича да ён лэбач! Ыдждыд пожөмыслөн да паськыд-гажа вөр-ваыслөн шензьөдана быдтас!

Но ёна жө шоныд да лөсьыд! И горшыс оз косьмы. Веськалөма тай, көть и пөсявліс, пув розсө унакодь няжйис-нөняліс да. Но ёна жө нин гажа да лөсьыд шондіа кос вөрад!

А гашкө сійө, Капит Паш, асланыс рөдлөн, батыслөн да пөльыслөн важ чөс туйө веськаліс да? Сы вөсна татшөм кыпыдасө да лөсьыдасө кылө асьсө? Сы вөсна, мый төдө: уна чөс и лэч ковмас на сылы видлавны, и дерт нин бара на кодкө да кодкө шедіс. Дозмөр и сьөла, и тар. Кытшовтан да, керка-чомъяд воан да, дозмөра шыд пуан, мудзөм вывсьыд сэтшөм чөскыдпырысь сөян... И некод оз вөрзбөд тэнсьыд кыйдөстө ни немтор, некод бокөвөй морт оз пыр тэнад чөс туйө ни чомйө лёк думөн... А пувсө вотны нинөмла тэрмасьны, мед на нөшта чөскаммө пувйыс, шоныд на тай, мед на водзө йиджтысьсө шонді югыднас, а сэсся ылі ягысь позьö унджыксө вотны да та вылө сизьдөм колодаө кисьтавны сәні, а сэсся, төвся туй пуксьөм бөрын нин, ур да тулан кыйгөн, вуж доддьөн кыскыны гортөдз...

Ок эськө! — ороны сэсся Капит Пашлөн тайө пөсь мөвпьясыс. Вөравсьөма нин ми вокыслөн тадзитө! Да көть и ёнджыка на вермысьыслөн! Кор став вөръяссө не морт ногөн чашйим-пазөдім! Став ягыяссө! Дозмөр койт и ур пөткөдчанін! Ёд абу синтөм сійө, Капит Паш,

аддэ, мый керомаось, шуам, Тям ягъясн. Да весигтö сийö жö Льюм-ю бердса ягъясн, коть и карлön син водзынось найö. Уналаын гажа по-жома вöр пыддиыс лёк турунön öдöлитöм степ кодь колёма. Весигтö быдлаоджык сибалысь кыддзыс да пипуыс öдва вермö овмöдчыны сэнi. Мукöдлаас пöрднысö пöрöдöмаось, а кысынысö вунöдöмаось, зэв ыджыд чукöръясön мича пожом вöр ропмунöма-сисёмöма. Но мед-ся нин шензёдö сийö, мый татчöс мича ягъяссö кызвыннас карлы пес вылö куштöмаось... Коркö бурмылас кö олöмыс да став йöзыс, медбö-рын, велаласны видзöдны вöр-ваыс вылö кызди Енмön сетöм медся Мичаыс да Бурыс вылö, сэки найö ёна и кутасны шензыны, мый эта-тшöм мича пожома ягъяссö кызёд нэмын нин нырöмаось куш сöмын кер вылö да пескön тшынвыв лэдзöмаось...

Но мый сэсса керан да он кер, сiдзи нин тай лоис да, весьöпöрта-на дик олöм олiм ми да!—гажаинас пондö сэсса майшасыны Капит Паш.—Век быттö вийсим-мырсим сийö жö вöрнас, век долисны ми-янылы, мый кымын унджык лэдзам керсö, сымын бурджыка пондам овны. Қоми море — Веж Парма — дзикöдз кушмис да урöсмис, а коми сиктын кызди эз вöв газ плита да пöсь ванна, сiдзи и эз ло. Весигтö и унджык сиктыс нин, торийön нин посныдджыкъясыс, налön Выльыб моз, вошисны, быттöкö тшынвыв жö кайисны. Мый нин сэн сёрнитны чös туйяс йылысь...

Ок-ма!.. А öд вöли вöр-вакöд йитчöм асланым олан сям, аслыспö-лöс культура!—водзö пасйысьö тайö лöсасöдыс Капит Паш.—Кор тэ помöдз гöгöрвоан вöрын лэбалысьлысь и котралысьлысь олан ногсö, кужан октыны налы чös и лэч. И шедас кö кодкö, он пов, мый кодкö сийöс вöрзёдас. Кор чери кыянинысь локтан да пыжтö берег дорын оз ков игнавны. Кор мöстö асывнас лэдзан вöрö да оз ков повны, мый кодкö сийöс вермас начкыны аслыс яй вылö. Кор ассыд питö ичöты-сяныыс велöдан туявны ур и тулан, кокавны пипу пыж, тшупны керка пельöс. Велöдан лов тырнас пыдди пуктыны Енмön сетöм Вöр-васö — тэнö вердысьöс, тэнö шонтысьöс, тшöтш и тэнö Мортön вöчысьöс.

Дерт, сьöкыд жö вöли миян пöль-пöчлы, уна коммис уджавны-мыр-сыны налы, ставсö ки помысь бергöдны, мыйтакö вöв отсöгön да, кузь арся рытьясö телевизор эз видзöдны найö, карса ногön шоньд ортсы-асяниö эз ветлöдлыны ни. Но сы пыдди мортыслön лолыс, öнiя моз, мый оз ковсьыс эз нетшкысь да лёк ногön эз вийсьы — эз пов сийö ни керка петкöдöмысь ни мыйкö мырддöмысь, ни челядсьö лёк йöзöн дойдöмысь...

Оз, оз тай бурмы олöмыс, дзоньнас кö быттö босьтны!—ыпьялö Капит Паш.—Унджык йöзыс оз бурмыны, а век öтарö лёкмöны. Ве-жöрныс налön куш сöмын сы вылö и вескöдöма, мед эськö лёксö кызкö наянджыка да мудерджыка керны, мöд морт понда налön сьö-лёмныс оз доймась ни оз вись, медтыкö аслыныс вöли бур, медтыкö аслыныс сöмын пежсö вöчигön не сюрны-йöзасыны-а... Весиг уна нэм чöжөн öкмöм культураыс оз тай бурмöд ни оз небзёд унджык йöзсö, оз тай вочасön лыбöд найöс Ен вылналаньö, а мöдарö на быттö — лэдзö лёк Мутиланьö, либö пырö налön лов вылö кутшöмкö торъя ве-жöсö моз — быттö сийö и мыйтакö эмышт пытшкöсанис, но мортыс-лön быдлунья олöмыс вылö некутшöма оз мёрччы ни оз тöдчы.

А öнi, тыдалö, кутшöмкö бурмöмьяс немтор на жö виччысьны. Кор ставыс гöгөр со кымын во чöж нин öтарö резьдö да киссьö. Кор эта ыджта страна, мед коть и мырдысьön, но быттöкö и век кежлö чукöртлöм-лöсьöдлöм империя öти здукön пазалис да размунис, и сэнi олысь йöзыс ставön чур-чермунисны, дзикöдз шöйöвошисны, кор эсы-мындаön ас кöсийтöгныс мöд государствоясын лоисны, оз тöдны, мый вöчны, оз тöдны, кызди водзö овны — колана ногөнсö некод оз тöд!—и полöны быдторысь, и некутшöм лючки удж оз öшйы кианыс, пыр этшаджык и этшаджык вöчöны сэтшöм колана продукция. Öти кывья йöз усыласьöны мöд сёрниа йöз вылö, быдлаын нин киссьö морт вир. Пыр öтарö вельмöны гусясьысьяс да грабитысьяс, война вылын до-рысь быд ногыс унджык нин виöны йöзсö...

И дерт нин татшом гудыр-гадыр кадас мортлы торйон нин сьокыд морт этшө кутны! Мед эськө не лэдзчысны, не скормыны, сьолмнас не усны, дзикөдз не юсьыны, торйон нин кор со бара быд пельосын, войнабөрса вояк мөз, курыд зэлясь вөзйоны, да өд и сийө на пө, унаысь, бара жө лёк да горш йөзон быдсяма пежсьыс вийөдөма да ылөга сорлалөма...

Да мый нө сийө, Капит Паш, ставсьыс таысь вийсьө татшом гажайнас да лөсьыдинас? Дугды! Шойччы да вотчы, сийөс төд! Вьскалин кө нин пувсикыс ылө!. Но ловья мортыд тай он на өдийсө кусөд ырзьөм лолыдлысь ыпъялөмсө. Өд кузятө нин олігчөжыд кутшом сөмын сотчаныс нин сэтчө абу чукөрмөма да кутшом сөмын везьясөн абу йитчөма быд ногыс дөжнасьысь оломьскөд, и быд везйөд өтарө сөмын нетшкөны ловья мортө...

Шойччигмозыс куйлө сөстөм яла нитш вылын Коми дядьө Капит Паш, шоналөм синьясөн видзөдө арся шондйон югзьөдөм чужан мулон лөзов-сөдз, гожея серти мыйтакө быгалыштөм нин енежө, джуджыд пожөмлөн яра югзьысь веж лыс ылө видзөдлывлө, код пөвстөд лөня шувгыштөмөн искөвтө мелі төвру, шылькнитавлө кияснас ягысь сөстөм топыд вольөссө, морөс тырнас лолалө вөр-ва сынөдсө, и көрзина джын чөскыд пув нин сылөн вотөма, коссө вьскөдыштас да, өдий и тыртас мөд джынсө, лөсьыд сылы и нимкодь, но и оломьслөн шогыясыс да дойясыс весиг со и тані, пувсика гажа ягторас, оз энөвчывны сылөн лов ылысь... Внучкаяссьыс гажтөмчыштө, кык ичөт школьнича, карын гожөмсө гөститыштөм бөрын, бара со мунісны ылі сиктө, керканыс налөн жеб, совхозыс кыськө вайөм вөсныдык тшитьясысь лэптылөма, быттьө көнкө степын олам, вөрыс асланым йөзлы век оз тырмы, бур вөрсө ставсө кытчөкө өтарө нуам, став пармасө нин куштим... Көдзыд кө төлыс лоас, өна и ковмас бара коньбөрьясы дзужгыны-ломтны пачнысө, өна и ковмас кынмавны да юр кольмөмысь повны... Институт помалөм бөрын нылыс тай муніс велөдны сиктө — абу пө лөсьыд, кызди нө мырдысөн кольччан карө, кор сиктын оз тырмы велөдысьыс. Яндзим пө... Муніс да и овмөдчис сэтчө... А кодлы эз вөв яндзим, өні карын шоньд патераын кургө-олө да мукөдөс велөдө, кызди колө бурджыка да сөстөмджыка овны...

А пиыс... Ок, югыд шондйөй! Чойыс кодь жө ыпъялысь да яндысьысь быдмис. Армияын служитны джын зонмыс оз көсийны, коді кызди кужь да вермө, сидзи и зильө сайөдчыны, а сийө институтысь радпырысь муніс, велөдчигкөтіыс. Кызди нө армиятөгыс! Тэ тай нө пө, батьө, ачылд век ошйысьлин сэні служитөмнад. Мыйта пө сетөма тэныд армияыс. Мыйта ыль йөзкөд төдмасьлөмыд. Мыйта ыль муяс аддзылөмыд. Россия джынсө и весиг Польша... Десантникөн пө лоа, батьө! Ме кодь ёныс да здоровыс пө и колө сэтчө! Унджык вын да сюсьлун пө чөжа. Збойджыкөн лоа. Мед сэссея нэм кежлө тайө бурьясыс кольбны мекод. Өнія оломас өд кутшөма ковмас ставыс тайө!..

Афганө тувкнитісны десантникөс... Выжывмөм вождыасөн панөм пеж войнаө... Ад горшьясылө век быттьө эз тырмы Россия пасьтала помтөм муыс. Быттьө кодкө өна корис да виччысыс миянөс йөз муас... Сидз нин этшаникөн кольысь коми зоньясыслысь юрнысө тшитш сюйисны ад гуранө... Асланым муө бандитьясөс да шышьясөс өтарө вайөны-а... Сэтчө и сгинитіс Югыд Шондйөй менам... Этшөм удал зон!.. Бать дорсьыс ки вомлөс судтаөн джуджыдджык... Сыв пасьта пельпома... Өні, кык вежон мысти, ловья кө вөлі, комын арөс эськө тырис... Кутшөм өтсөг сетысь эськө вөлі... Вөрө өтлаын ветлысь... Дачаын уджалысь... Дзуг оломас лёк йөзысь дорйысь и видзысь... Ок-ма!.. Мый сэссея керан да он кер! Кытчө воштысян. Ваө юртө он сюй, сьөд вөр шөрө он воштөдчы. Лөвтө, дульбөс мөз, он сьөвзы... Ковмас нин став шөгсө зэлыда көрталөмөн кызкө-мыйкө водзө овны. Ныр ылад сутшкысьтөдз. Кызкө-мыйкө дзикөдзсө не сетчыны коставлытөм сьөлөм дойыслы... Да өд мыйла нө өтияс ылө сымда шөгыс вувзысьсө? Батьыс со сылөн, Капит Прок, немечкөд война ылын пунктіс юрсө. А недыр мысти сэні жө помалісны ыджыд воксө, Иллясө, кызь арбса

на сійё вёлі... А сэся, нелямын во бёрың, и асьыс сылысь, Капит Пашлысь, пиуксё война вылын жё нырыштисны. Илляёс жё. Од и нимтыліс зонкасё муса ыджыд вок нимнас... Важ гөрөд этшён ёні сэся өтнас и Колис Капит Паш шёрас, мужик рөдсыс. Мукөдыс ставыс войнаяс вылын усисны да сідз помасисны да... Сы мындаён вёліны-а... Кулас да, сы вылын сэся и орас ставыс... «Интернациональнөй долг!— өтарө долисны пёрысысла шөпъялысь нин вождясыс.— Ми сетам Афганьяслы интернациональнөй отсөг». Татшөм сёкыд кывсё нин лючки оз вермыны шуны, а век колө войнаён ворсны! Мыйта том мортёс зутшнитисны юр воштанінас! Бать-мамлы нэм кежлас мыйта шог ызөбтисны. Да тшөтш и афганьясылыс оломсё сэтшөма песовтисны, вермыны эз вермыны найёс, а ставсё сөмын дзугисны. Онөдз со некыдзи оз лөнны афганьясыс. Мнян му вылө на вермас өвтыштчыны на лөн войнаыс, Союз киссём бёрын торъялөм республикаясё. Ок-ок-ок жё эськө да!..

Но бур көть, мый чөскыд пувыйс сюрыштис на, сійён көть тшөтш кодөртам зонкасё нимлун дырйиыс, спиртнас сорам да. Коркө од өтчид, буракө, дас квайт арёс вёлі Илляыслы, татчөдз вайөдліс жө нин сійёс. Весиг, Буракө, и дозмөр адзылысны жө сёки. Дерт эськө, ёна бур вёлі, нимлун кежлас кө тшөтш и дозмөра шыд пуны. Но кысь! Зонкаыслөн усьөм бёрын пищальсё эз нин кут босьтылыны киас да...

Капит Паш казаявтөг эз ов, мый шог думъясыс бара на пондисны личкыны сійёс. Сідзкө, тырмас весь куйлыны, колө чеччыны да водзё вотчыны, коскыс тай веськалыштис, мукөд пөлөс мудзөмыс личалыштис и. Луншөр кадлань вёрыс водзё на шоналіс — гожея кодь шоныд да чөскыд көра лон вёрыс! Сэк жө и арлөн зарни сёрьясөн нин мичмөдөма. Но и дивө кодь поводдя Енмыс козыналіс этатшөм сёр кадас нин! И енэжыс со век на сөдз, шочиник еджыд парусьяс сөмын мөдөдчөмаось кывтны асывлдорсянь. Рытөдзыс кө оз на жө сукмыны найө-а? Оз на жө ёна кымөртчы? Оз жө кө берд шондыс-а?

И бара сёлөмсяньыс вотчө Капит Паш, сэтшөм нин нимкодь сылы муртеа кутчысысь пув розьяссө шарыйыны-чуктөдавны көрзинаас. Да казаявны, кызди видзөдмөн пыр вылөджык и вылөджык мылькьясьё сәні мича-гөрдөн гольвидзысь вотөсыс. Но, шензёдас талун сійё гөтырсө! Кор шлопкас-пуктас сылөн син водзё эта мында пув! Көнкө од этшаник тшакыс кызди мукөдтор вылас ёнасө оз нин надейтчы сійё...

Пувсик рөч шөрвыйланьын, бара жө еджыд яла дөмаскодьян, Капит Паш казаяліс пөткалысь нөшта өти пуртिकासянін. Но тані эз вөв некутшөм лыбөм да ягсө пузувтөм вужля, а вёлі быттьө кодкө гөгрөс чашкаён гумовтөма топыд ялаён эжөм лыасө, да сәні вельыджыд гөгрөс бекар кодь лоөма. Капит Паш пуктис көрзинасө да шензөмөн пондис видзөдны сэтшөм лөсыда перйөм бекарыс-тасьтисыс вылө. Дивө тай! Көнкө, ёна и лөсыд дозмөрыслы — али тарлы?— татчө жнөпкысынысө: гырыс лыаа пыдөсас зудйө моз ниртчигөн да тшөтш и джуджыд тасьтислөн дзескыд дорьясас зыртчигөн став луданінсө позьё бура гыжъявны, дөзмөдчысь тойсө гылөдны-лэдзны... Но кызди сійё перйис топыд нитш увсыс лыасө? Али кодкө, морт ли зверь ли, кыздкө кульыштис-парсыштис эжөдсө да восьтис сылы? Али пөткаыс ачыс гөгөрвоө, мый еджыд яла улас век нин овлө сылы сэтшөм колана изьягалькиа сөдз лыа, да ачыс ён гыжнас парсаліс? Од ыджыд чукчынд, коді овлө пуд джынысь на сёқыджык, көнкө, медся ён кутыс кодь жө вына. Крукыла ыджыд нырыс сылөн биа из кодь чорыд, а креста паськыд лапаясыс көрт зэлыдлунөн чабыртчөны... Но век жө пуртिकासяніныс сылөн пырджык овлө пөрөм пу вужляён дась пузувтөманьын, а не татшөм, код төдас кызди перйөм гөптовын...

Дерт, татчө кө бурджыка лэч лөсьөдан да октан, вермас и шедны пуртिकासяны лэччылысыс. Дерт, вермас и падмыны, казаялас, мый сылөн ванна гөгөр друг кыськө ковтөм лөп лонс. Тайө пө мыйкө абу бурысь! Но од дядьбыслы унджык вежбрсө абу өмөй сы вылө и сетөма, мед кызкө мударитны вөр пөткасө?..

Капит Пашлөн көрзинаыс тырискодь нин да сийё пуксис пажнай-тыштны. Вывтисё мылькйёдны дозсё вотёснас дзик нинёмла, сідз жё киськасыны вермас, ылынкодь петнысё да, гоз-мёдлаті вутшкёсинёд ковмас чеччавны да. Термосысь пёсь чай юыштас да, калбасторсё помидор сорён помыштас да, неуна шойччыштас да и долыд сёлёмён мёдөдчас гортлань. Кадыс со водз на, мёдөд час, өдйё тай и шарөдіс-вотіс ведра пувтё вөрзёөдтөминсьыд. Вит час гөгөрса автобусё ёна термасытөг на и воөдчас ыджыд туй дорөдз...

Капит Паш пуксис пөрөм кос пу вылө, гөгрөс тасыті нога пуртіка-сянінсянь неылө, перьяліс сөстөм нитш вылө сёян-юансё. Ок, бур да лөсьыд! Ок, пируйтыштам, кынөмыс тай сюмалө нин, көть эськө и унакодь нямяліс юмов-чөскыд пувсё, но куш өти вотёснад он на жё тай пөт. Но сёйнысё пондытөдз мыйлакө суйліс на кисё вещмешөкыс-лөн боқыса зепьясё. И өтиысь кыскис неыджыд пөв ректан вылө гарт-лөм вежов жилка ёкмыль. Черитө кыйны корсюрөясё лэчывлө Льём-ю дорө и Эжва дорөдз да век нин сылөн мешөкас и жилкаыд и вугырыд эм. Турунвиж жилкаыс вөлі көкьямысөд номера, кыз да зэв ён, тайөн сийё, сьөкыдкодь груз дінө домавлөмөн, донкаяс лэдзавлө ваө. И сэки Капит Пашлы быттьө чунгисны вежөрас:

— А мый, видлыны кө жилкасыс лэч октыны?!

Но сэк жё и кодкө пырысь-пыр жё быттьө паныдаліс:

«Да мун сэтысь, пондан тай нинём абунас ноксыны! Пув тэнад вотёма, лэччөд вай нёөжйөнникөн гортөдзыд и — тырмас тэныд!»

«А мый, олө тай мыйтакө пөткаыс тані, вермас и шедны! Сюсь йөз сідз жё өд лыйласны-а...»

«Тэ жё важөн нин он кыйсы, жальёсь тэныд кутісны лоны ловъя ловъясыс...»

«Но өд ме вөралысь мортөн вөвлі, дас во чөжнас көть и кыя өти пөтка, оз ло ыджыд грекыс. Торйөн нин, зонкаыслөн нимлун матыс-мө, комын арөс тырө».

«Кыйысь петёма! Лэчсё том дырсянныд эн нин октавлы да. Пөт-каыс өд овны жё көсийё, сямтёма октөм лэчкад оз на суй юрсө».

«Но мед, оз кө шед и мед оз шед. А ме видла. Видла! Аски өд сідз и тадз на ковмас волыны татчө, пувыйс ведра-мөд кольыштіс на. Аслыным, гозьялы, мукөд вотёс сорыс төвбыд эськө тырмис да и внуч-каяслы позяс мөдөдыштны. Наладорын пө тай таво пув тусь абу...»

Капит Паш, дерт, казаявтөг эз ов, кызди сийөс — виччысьтөг! — өз-тіс и чажнитөдіс вөралан руыс, коми морглөн вир-яйө уна нэмөн чөж-сьөм кыйны-луйны көсийөмыс.

И Капит Паш бара на дугдіс падъялөмысь да, дась пукаланінас, вөчис жилкаыс лэч петля, думсыс, дерт, ыджыд ён чукчи вылө. Сэс-ся пув тыра көрзинасө вывсянныс көртыштіс марляөн, мед нин эз киськасыс дона вотёсыс, далючки лөсьөдіс вещмешөкас — мыш вылад өд век нин кокныдджык да лөсьыдджык векныдик вөр ордымөдыд петкөднытө лоө. Сэсся и веськөдчис өнтая вужлядорса чукчи пуртіка-сянінө.

Дерт, колө октыны лэчсө кык гөптовыс костө моз, мед шедө ыджыд пөткаыс өтисьянныс мөдас тапсьөдігөн. Но ковмас вожкаяс вөч-ны, вылісянныс на вылө сёр пуктыны да сэтчө көртавны петлясө, а сэсся өтарсө и мөдарсө лөптөн тупкыштавны. Мед восьсөн кольөм за-ворас и пырө сийө юрнас. Но оз-ө казаяв да повзыс сийө та мында керөмасыс? Друг кыскө лоөм тувсыс-увсыс? Абу-ө бурджык вужля-ыслөн кутшөмкө ёнджык сюрйө домавны лэчсө да завор весьтас син-мө шыбитчытөм нёр вылө өшөдны? Но тадзитө бара, кузя да зэлы-да домалөмаинад, оз-ө ордчы сийө мыйвынсыс нөйтчигас? Жилкаыс эськө и кыз да ён, но өд и чукчыныс гундыр кодь вына да ён, а мезды-сьөм радиыс кык пөв на содө сылөн эбөсыс... И сэки Капит Пашлы төд вылас уси батыслөн важея велөдөмыс: война вылө мунтөдзыс батыс удитіс на мыйтакө новлөдлыштны тшөтш и Пашөс асланыс чөс туйөд да гөгөрбок петкөдлыны чөскөн и лэчкөн кыйсьөм. Дозмөр-сө, дерт, ёнджыкасө сийө чөскөн вөлі кыйө, мед, шедас кө нин, оз мын

ни озджык мучитчы, жамкнитас сьӧкыд плаканас и — эштис. Но мый-такӧ вӧліны тшӧтш и му лэчыяс, кодъясӧс сійӧ вӧлі октӧ шӧркодь ыджта кос понӧль помӧ — быттьӧ абу кодкӧ вайӧма, а сідз куйлӧ тані увйӧсь козпийс, кыз помӧ сӧмын неуна сатшкыштӧма вутшкӧ, он и чайт, мый кодкӧ нарошнӧ лӧсьӧдӧма сійӧс татчӧ да октӧма лэчкӧн... А кор чукчиыс шедас да зэлӧдас лэчсӧ, дерт, ӧна шӧйӧвошӧ да пырысь-пыр жӧ пондӧ нӧйтчыны-нетшкысьны, понӧльыс кокниа мынӧ сутшкыштӧмаинсьыс да пондӧ кыссьыны бӧрсяныыс, сныс сӧки оз сэтшӧма зэлав ни оз гӧрддзась да озджык ор. А сӧсся и чукчиыс зільӧ лэбзыны-кыпӧдчыны восьсаджыкинланьӧ, но сӧні бара сулалӧны ловъя козьяс да пожӧмъяс, сьӧкыдкодь увйӧсь понӧльнад кызни на пӧвстӧд лэбан? Век нин кытчӧкӧ крукасян. А выныд сӧк кості бырӧма нин...

«Но ӧд тайӧ зэв чорыд кыйсьӧм! — виччысьтӧг весьӧпӧрӧ ӧні Капит Паш тайӧ казтылӧмъяссьыс. — Шедас кӧ, мыйта ковмас доймасьны-мучитчыны коньӧрлы!»

«А кутшӧм кыйсигӧн нӧ пӧткаыс оз доймась? Зверыс да? Да кӧть и гортса пемӧсыс начкысигӧн?.. Сӧсся ӧд, вӧрзъывтӧминӧ зэлыда кӧрталӧмӧн кӧ шедӧ, ӧнджыка на доймась сӧки сійӧ. А орӧдчӧ кӧ ранитчӧмаыс, сӧки сійӧ ловйӧн сідз и тадз оз жӧ коль, век нин кулӧ кытчӧкӧ».

«Но век жӧ, миянладорын ӧнджыкасӧ чӧскӧн кыйлӧмаӧсь чукчидозмӧрсӧ. А сӧсся, кор унджык чӧс туйсӧ леспромхозъяс кералісны, понйӧн-пищальӧн кыйлісны.»

«Вермысьыс, дерт, и чӧстӧ кералас-тувъялас, понйӧн да пищальӧн кытчӧ колӧ мунас. А вермытӧмыс? Пӧрысьмӧмаыс? Сылы ӧд быть ковмыліс си лэчнад вӧдитчыны...»

Аскӧдыс таdzi вензигӧн Капит Паш корсяліс рӧч дорӧсысь кык коз понӧль, ӧтарсянь и мӧдарсянь сутшкышталіс найӧс гӧптовъяс костӧ, шӧрас лон завор кодь восьсаин, кӧні ӧшалӧ ӧти йывланыс зэлыда кӧрталӧм петля. А мед нин гӧгрӧс петляыс вынтӧма оз лесмун, ӧтарсянь и мӧдарсянь шыркнитышталіс веж-нюдз турун сіясӧн. Ӧні татшӧм тӧдчытӧм, турун сі кодь лэчкад чукчидлы он кӧсйы да сюян гӧрд синкыма юртӧ!.. Сӧсся, мӧвпалыштис да, Капит Паш вужнас и корнас нетшыштис некымын мичаджык пув роз да, тані и быдмысьясӧс моз, лӧсьӧдіс пытшкӧсас — мед чукчиыс тӧрмасьӧ не сӧмын мыссьыны аслас любӧджык ваннаӧ, но тшӧтш и мича-чӧскыд пув розъясыс дінӧ...

Нокӧ-керӧ таdzi Капит Паш да оз и куслы лов тырнас ыпъялӧмысь. Ӧд кутшӧм бура да мудера ставсӧ вежӧртлӧмаӧсь важ коми кыйсьысьяс! Чӧстӧ керны и лэчтӧ ӧшӧдны. Небось тай казьявлӧмаӧсь, мый пӧткаыслы быть колӧ пуртікасьны зурыд сӧстӧм лыа пиын, мед мынтӧдчыны тойясысь. А сӧсся сійӧ жӧ лыа писыс тӧв кежлӧ кокавыны из-гальки — мед кузь тӧвбыднас бурджыка изны лыска чорыд сӧянсӧ...

Но тадзисӧ ноксигӧн Капит Пашлӧн лолыс дзикӧдз шызис да пыдіа муткыртчис: не сӧмын асланыс рӧдыслӧн кыйсянінъясыс да вотчанинъясыс тӧд вылас усины, но, дерт, тшӧтш и гажа-муса грездныс да важ гортныс, кӧні коркӧ сійӧ, Капит Паш, квайтымынысь унджык во сайын, чужліс тайӧ му вылас, кок йылӧ сувтис и бордйив лыбӧдчис...

3

Капит Паш, мышвылас нопъя да киас ӧн беддя, восьлалӧ кутшӧмкӧ коми мортӧн жӧ пискӧдлӧм важ чӧс туйӧд карлань, карӧ лэччӧдысь автобуслань, да ӧні ас гӧгӧрсьыс немтор лючкисӧ оз и казьяв, сы вӧсна мый пӧсь казтылӧмлӧн вына бордъясыс вылӧ-вылӧ лӧптӧмаӧсь сійӧс да лӧбӧдӧны — да и лӧбӧдӧны! — аслас олӧм-ӧль визувлӧн вӧрзянінӧ...

Вӧвлі сэтшӧм Выльыб грезд! Сыктыв катыдланын, но ӧна бокин-

джык ыджыд юсянь да шөр сиктъясянь, сэкса кадъясё этша на вөр-
дёма Парма пытшкёсланьын. Кызвыннас воймытём-пöрысьмытём на
ыджыд-зумыд керкаяса, буракё, ветымын гөгөр овмөс и эм, но йöзыс
тай чайтсис уна-а, дзик тыр вöлі йöзыс, уна челядь гыбзис, пöрысьяс
вель дыр олалисны, и дерт, мыйта колö пöрнöй уджалысьыс муркөд-
чис. Быд керкаын тырыс видзисны скöt — мөс и ыж, порсь и чипан.
И колколзлөн скötыс гөрділіс и баксіс, руксіс и котсіс ыджыд-кузь кар-
таяс тыр, весигтö зевгырысь племенной ужъяс и бычöяс, и порсьяс.
Шондіа керöсьясын, пötтöдзыс куйöдалөм ыбъяс вылын, бура быдмис
нянь — рудзөг и ид, зөр и анькытш да весигтö и шобді. Не нин сёр-
нитны картофель да капуста йылысь. И шабді да пыш уна быдтыліс-
ны грездаяс, тшötш босьтлісны трудодень вылö, керкаясын, төвса
джыньясын, сулавлісны кысян станъяс да унджык бабаыс Капит
Пашлөн челядь дырйи ёна на тотшкөділісны-кылісны югыдсөдз дөра
и кыз-шоныд ной, а сутуга кодь нюдз да ён пыш сунисысь путшкы-
лісны гезъяс, кодтөг ыджыд да уна нога овмөсад да и вöрын сортов-
ка лэдзигөн немтор он вермы вöчны.

А няньсö колкозын век юкльвлісны нель-ö-вит килоөн быд трудо-
день вылö. И турун юкльвлісны, и шабді-пыш. Весиг война дырйиыс,
кор унджык вөлөгасö пондісны перйыны поставка вылö, да кор ортсы-
са гырысь сиктъясын дзик нин тшыгöма олісны, Выльыбсаяс кило гө-
гөрнад век на босьтлывлісны няньтö трудодень вылад да мукöдыс
серти ёна пötсөджыка вуджисны сьöкыдысь-сьöкыд кадсö. Сы вöсна
мый налөн пöльясыс бур муяс бөрйылёмаөсь татчö овмөдчиганыс, уна
сюрс воясөн сөра вөра пармаөн вынсьөдөм шондіа керöсьяс-мылькъя-
яс, кодъяс вылö быд во, уна скötтö видзигөн, петкөдсьыліс тырмымөн
куйөд. А медясö, дерт, сы вöсна быдтор лючкиджык артмыліс, мый
неыджыд грезданыс йöзыс эз на велавны тышкас-мышкас уджавны,
öта-мөдсьыныс яндысисны на дышасö легны. А сэся и унджык уджесö
му-видз вылын и скöt дорын лючкиа мыркисны на ки помысь да вöv
вынөн, да кутшөмсюрö кокныдджык машинаясөн, МТС-лөн сьöкыд
техникаысь мый вермисны öтдортчылісны, сы вöсна мый танк кодь
тракторнад эськө и öдйö позьö мутö гөрны-путкылавны, но öд кызни
на бара сәні няньыд быдмас, из кодьөдз чорзьөм гырысь корөгъяс вы-
лас? Сэся öд и джын няньсö МТС-ыд кульштö вöлі аслас уджысь!..

А грезд мышканыс, асыв-войланыö, кытчөдз синмыд судзö лöзаліс
помтём-дортөм Парма. Сәні көнкө ылын, но öта-мөдсяныс матын
вöлі босьтчöны Сыктывлөн кык ыджыдкодь вож, сэся и визувтöны
öтарö-мөдарö да усянінныс костас, гашкө, сё верст лөö, а татшөм
ыджыд сыв-кост пытшкөсас быдсяма вөръясыс на сулавлісны, посни и
гырысь ёльяс öтарö-мөдарö визувтісны, зверь-пötкаыс гөгөр тырыс на
оліс, быдсяма вотөсыс бура кисьмыліс, он кө дышөдчы, век нин сөян
нуртö позьö вежыштны, век пызан вылад содтöд чөскыдтор.

И бать-мамныс — Капит Прок да Капит Паладь — томөсь на да
ёнөсь вöліны. Быдторсö кужöны да вермöны керны — видз-му бура
ловзөдны да идравны и гортса пемөстö видзны, вöрысь зверь-пötка
кыйны и тшак да пув вотны, чөскыд нянь пöжавны и чужва-сур вийөд-
ны. И нель пи вöлі быдмө татшөм бать-мамыслөн, öта-мөд бөрсьыныс
кык вося костөн-костөн, ставөн ёльпөлөнса козъяс кодь зумьдөсь да
винёлөсь, сюсьөсь да повтөмөсь, торйөн нин вөралөм-кыйсьөм вылö
батьныс кодь жö лютөсь. Кутшөмөн и колö лоны Капит котырлы! Öд
и пöльныс налөн — Капит Йөпим — сэтшөмөн жö вөвлөма. И, дерт
көнкө, и код төдас коръясö нин овлөм ачыс Капितыс, рөдсö лөсьö-
дысьыс!..

Ок, зарни кад! Ок, югыд-нимкодь челядьдыр!

Восьлалö Капит Паш пув тыра ноийөн коми йöзлөн Шөр-Кар
дорса вөрөд, но мөвпыс сылөн и дзоньнас лолыс ылынөсь татісянь, и
öнія пöрысьмөм кадыс быттьö кызкө-мыйкө вешйөма, муса челядь-
дырас бөр лэбовтөма нопя-беддя дядьö, и таыс весиг быттьö содыш-
төма сылөн выныс да озджык кыв мудзыс. Быттьö кутшөмкө ловзьö-

дан ва юнс вѳрас, либѳ весиг быттьѳ сы пиѳ тюльснитлісны вотчысь-ѳс...

А ѳд сідзсѳ быттьѳ и эз ѳна меліасьлыны накѳд, вок сикаскѳд, бать-мамныс — Капит Прок да Капит Паладь, позьѳ шуны весиг, мый чорыдджыкѳс вѳліны найѳ, быдсяма мыжъяссьыс эз яндысьлыны кульыштны ки пыдѳснаныс либѳ весиг, вывтѳ нин дѳсадитчѳмысь, тасмаѳн либѳ нюдз нъѳрйѳн жвучѳѳдлыны... Кыдз нѳ сытѳгыс? Юрвундысь кодъ нѳль пыдкѳд? ѳд вывтѳ нин асныраѳсь да сетчытѳмѳсь найѳ быдмисны. Няргыны кужтѳмѳсь ни нинѳмысь повтѳмѳсь — кѳтъ грездса зонъяскѳд тышкасигѳн, кѳтъ вѳр-ваѳд код тѳдас кытѳ собалѳгѳн... Бать-мамныс кодъ жѳ мугов чужѳмаѳсь, сьѳд юрснаѳсь да лѳчыд сьѳд синмаѳсь, код тѳдас кутшѳм чуд рѳдсянь вѳѳма наѳдз татшѳм руыс да вырыс!..

Кутшѳм олѳм вермис лоны налѳн — быдѳнлѳн! — эз кѳ эськѳ лѳк ногѳн дзугны да торкавны ставсѳ! ѳд бать-мамныс медыдждыд воксьыс, Илляысь, дас ѳкмыс арѳсѳн сѳмын и вѳліны ыджыдджыкѳс!..

Но пансис немечкѳд война, и ставыс турки-тарки, лѳк кыр йывсянь моз, пондѳс быгыльтчыны да киссьыны-пазавны...

Батьнысѳ, кузькодъ мыгѳра, винѳв-косньѳд да мугов Капит Прокѳс, сѳк кежлѳ бѳрйылісны колкоз предѳ. Сьѳлѳмсянныс зѳліс сійѳ, лунтыръясѳн и кузь рытывбыдъясѳн мырсис-ноксис ѳтувья делѳясѳн, а тшѳтш и став семьякодъсѳ, кодѳ олѳс на гортын да кодѳ мый верыс, уджѳдѳс жѳ ѳтувья ыбъяс-видзьяс вылын. Войнаѳдса вѳнас ичѳтик, ветымын овмѳса колкозад, гашкѳ и босьтлісны медуна нянь и мукѳдтор! Сѳсся и война пансян вѳнас ставсѳ бура кѳдзисны и пуктысисны. Но гожѳм шѳрнас, Дѳвета праздник дырйи, зымквартѳс лѳк юѳрыс!..

Капит Прок предѳс пѳрвѳйсѳ кольѳдлісны на гортѳ, кѳтъ эськѳ и сылысь тшѳтшъяясѳс пѳрвѳй нырас моз нин зутшкылісны пѳж гыѳн вувзьысьѳм войнаыс вылѳ, — колкоз предъяслы, коланаджыкъясыслы, тшѳтш сетлісны сідз шусяна «бронь», фронт вылѳ нуѳмысь мездана кутѳд, но тѳвнас жѳ и бѳр пѳрчѳдѳсны тайѳ «броньсѳ». Волѳс колкозѳ ыджыд юрालысь, бокас ѳшалысь нагана райком секретарь, мед пычкыны госуларстволы содтѳд нянь, лѳччѳдѳм нин госпоставкаысь ѳтар. А Капит Прок предыд и шуѳ сылы: мѳнам пѳ лишнѳйыс абу, сѳмын пѳ кѳйдыс юрыс нин колѳс.

«Но тѳ жѳ босьтѳн сымдатѳ урожай! — водзѳ топѳдѳ наганаыс. — Мѳысь он дзѳб, мѳ ставсѳ тѳда! Кѳйдыссьыд ѳтар сымдатѳ на позьѳ лишѳдны!»

«А мѳ сійѳс, олѳмыс ѳтарѳ топѳдѳ да, ставсѳ юклѳ колкозникъяслы. Код пѳ тѳдас на, мый дыра войнаыс нюжалас».

«Да кодѳ тѳныд сетѳс право?! Татшѳм кадас! Райкомлысь юавтѳг! Да мѳ тѳнѳ таысь тюрьмаын сѳсьта!»

Но век жѳ Капит Прокѳс эз йѳршитны дзескыдінас, а сійѳ жѳ тѳвнас, кыдзи ачыс шуліс, «кык виньтовка костын» кольѳдѳсны фронт вылѳ. Регыд сѳсся и пуктѳс кывзысьтѳм юрсѳ Карелияса вѳръясын. Эз тай ѳтсав мортыдлы и сійѳ, мый война вылас мунтѳдзыс нин бура кужис лыйсьыны...

Сійѳ жѳ арнас, мыйѳн воис батыслѳн усьѳм йылысь шог юѳрыс, ас вѳляѳн вѳзйысьѳма война вылас карса пѳдинститутысь, мѳд курсысь, Илля вокныс. Квайт тѳлысь велѳдасны сійѳс военнѳй училищѳын, сѳсся Сибирскѳй дивизияскѳд ѳтлаын томиник лейтенант веськалас Сталинград дорѳ. ѳти письмѳ сѳмын и волѳс сѳтысянь: мийѳ пѳ танѳ регыд петкѳдлам Паулюслы пуж... Регыд эськѳ и сѳнѳ, збылысь, петкѳдлісны немечлы медчорыд пужсѳ — пѳртѳйѳ йѳршитѳсны да дзѳбѳдѳсны не ѳти сѳ сюрс мортѳс, но Вылыб грездса нѳшта ѳти зон, муртса на ускасьѳм командир Капит Илля, пуктѳс жѳ сѳнѳ юрсѳ, лючкисѳ эз и удит босьтны батыс вѳсна водзѳс...

Мамныслѳн, Капит Паладьлѳн, тѳдчымѳн едждѳс тар борд кодъ сьѳд юрыс татшѳм весьѳпѳртана воштѳмъяссьыд, но сійѳ эз небзьѳдчы ни эз лѳдзчысь. ѳд нѳшта на кунм пи сылѳн вѳлі.

Но регыд сѳсся и Ёгорѳс, сѳк кежлѳ ФЗО помалысь да Печора

вылын плавайтысь механикӧс, нуисны жӧ мый вынсьыс ӧддзӧм война-
ыс вылӧ. Ёгорыс — ӧтнасӧн — вӧлі кызкӧ ёнджыка артмӧма мамныс-
лӧн рӧдӧ, мукӧд вокъясыс моз абуджык кузьмӧс, а тшӧтшыдджык ны-
ра, паськыдджык чужӧма да ставсяыс ыджыд да ён. Татшӧм Пера-
багатыртӧ да нӧшта нин паракод вылын уджалысьтӧ босьтасны Воен-
нӧй Флотӧ, Балтийскӧй море вылӧ. И ӧд ловйӧн колис, кӧть эськӧ и
пӧттӧдзыс жӧ на исалӧма война тшынсӧ торпеднӧй катеръяс вылын
и весиг ӧтчыд, мина вылӧ веськалӧм бӧрын, муртса абу вӧйӧма катер-
ыскӧд тшӧгш йи кӧдзыд саридзӧ. Повтӧг воюйтӧгас весиг Слава ор-
ден на удитас најӧвитны дай медаль, вӧдчас главстаршина чинӧдз...

Война помасьӧм бӧрас Ыджыд Ёгор вель дыр на служитис фло-
тас, пӧшти кӧкъямыс во гортӧ вольтӧг ставсӧ ветліс, а кор сӧсся, мед-
бӧрын, лӧдзӧмаӧсь жӧ, сӧк кежлӧ нин и ачыс сійӧ, Капит Паш, вӧлі
Армияын: ӧти бӧрся мӧд сӧмын и муналісны Капит котыр война вылӧ
да Армияӧ, а бӧрсӧ воан туйыс тай сӧсся эз быдӧнлы вичмы...

Мам пи Ыджыд Ёгор шуда на вӧлӧма, позьӧ шуны, збыльысь би-
ысь и ваысь мынӧма, но морттӧ бара гортас, лӧнинас, полошуйтчана
олӧм суас. Ичӧт грездъяс да пӧчинӧкъяс шӧр сиктъясӧ пондӧсны пет-
кӧдавны сӧки, заводитчис нӧшта ӧти «мудрӧй кампания — по ликви-
дации бесперспективных деревень». Ыштӧ тырмас тӧянлы сӧні, сьӧд
вӧр шӧрас, мучитчыны, сьӧкыда уджавны да пемыда овны, дзик нем-
торла тӧянӧдз бур туйяс вольсавны, народнӧй средствояс ковтӧг кат-
тыны, школаяс да больничаяс вылӧ сьӧм видзны, ми сы вылӧ, бур-
джык, содтӧд танк да ракета вӧчам, а ті, ыджыд сиктас, уна йӧз дӧнас
лӧччаннӧд да, вель олӧм тӧян вӧссяс, югыдджык да кокныдджык
олӧм, вына техника кызвын уджсӧ пондас бергӧдны, тшӧтш и тӧян-
лысь нӧмӧвӧйся видз-мунытӧ, челядьныд бурджыка пондасны быдмы-
ны-велӧдчыны и...

Ыджыд Ёгор татшӧмторъяссыд ёна и дзугыльмас. А мый нӧ!
Мортыс ӧд помтӧм кӧкъямыс во чӧж — медбур том кадсӧ! — изіс-кат-
тис войналӧн би-тшын пиын да военнӧй служба вылын, лючки велӧд-
чыны эз вермы, лючки радейтны эз удит, лючки вӧравны эз эшты, а
ӧні сӧсся колӧ дзикӧдз вылӧ чӧвтчыны сӧ-муса гортсьыс да вир-сӧныс-
кӧд быттьӧ ӧтвывъя гажа-озыр вӧр-ваысь, кӧдъяс понда сӧтшӧма нин
косьмис сьӧлӧмыс ылі муясас да морт вир кисьтана сьӧкыд олӧмас-
кадас... Кӧсйылӧмаӧсь весиг батыс моз жӧ председателӧ бӧрйыны
Выльыбас Ёгорсӧ! А мый нӧ, том морт, а сӧтшӧма нин воюйтӧма, быд-
торсӧ аддзыліс, лӧксӧ и бурсӧ, унатор вылӧ синмыс вӧссис, сизим
класс коркӧ помавліс школаын, сӧсся и ФЗО-тӧ, ачыс ош кодъ ён, быд
удж вылӧ лют, — велалас и ас йӧз дӧнын председателаясны... Но со
тай, кодкӧ шуӧма, мый ӧнія героическӧй кадӧ пӧ дзик нин ковтӧмӧсь
лоины татшӧм грездъясыс, Выльыбъясыс да Гобӧрчысыс, и колӧ пы-
рысь-пыр жӧ бырӧдавны найӧс, а йӧзсӧ нуны кытчӧкӧ мӧдлаб...

А вель месаад тай сӧтӧр куст либӧ пельыс летӧрӧс вуджӧдан да
и то вель дыр нӧрпалӧ-висьӧ, коньӧр, и кымын олӧмаджык нин важи-
нас быдмӧгыс, сымын дырджык нӧрпалӧ, сымын дырджык вылинас оз
вермы вужъясьны-босьтчыны. Абу ӧмӧй сідзи жӧ и мортылӧн? Мор-
тыд ӧд, мӧвпалысь вежӧраыд, быдмӧг дорсьыд ёнджыка да дырджык
на шогсьӧ-висьӧ, сылӧн, гашкӧ и, некор нин сӧсся помӧдзсӧ оз бурд-
лыв лолыс татшӧм весьӧпӧртӧмсьыд...

Но мянлысь ӧмӧй, «ичӧтик мортъяслысь» та йылысь юаласны?
Кутшӧмкӧ «генийлы» — узигас ли, какасигас ли — кучкас юрас мӧвп,
«идея» и — рраз! — вӧчасны переворот. Либӧ коллективизация. Либӧ
мӧдарӧ кутшӧмкӧ «зачия». Ӑні пӧ, медбӧрын, вель шуда олӧмыд нук-
сяс нин! Став йӧзсӧ бӧбйӧдласны, ставсӧ мӧдар путкыль бергӧдасны,
миллионъясӧн нинӧмысь мыжтӧм йӧзсӧ нырыштасны, а олӧмыс, бур-
мӧм пыдди, нӧшта на омӧльтчӧ да лӧкмӧ.

А сӧсся бара жӧ кутшӧмкӧ вождылы воас рушмӧм юрас, мый, вӧ-
лӧмкӧ, став олӧмыс некыдзи оз бурмы сы вӧсна, мый уна йӧз разі-пе-
ли, песни грездъясӧ шошмаӧсь. Вай жӧ ми чукӧртам найӧс ӧтилаӧ-
джык, сӧки бурджыка поэяс веськӧдлыны наӧн, унджык быдторсӧ

налысь пычкины. И волас өмөй налөн ышмөм юраныс, мый кодкө сэки ёна доймасыё, бара жё миллионъяслөн дзугсыё олөмыс, и та понда тшөтш и став странаыслөн олөмыс водзё на дзугсыё... Эштис тай! Асьныс өд таысыё оз доймасыны ни оз мучитчыны. Асьныс өд найё му выв райс нин олёны. И медыджыд вийсыёмыс налөн куш сөмын сы вёсна, мед «великёй делёясөн» пырны историяё...

Мый эсыкё лёк гундыръяслы мөдарё тшөтш не мөвпыштлыны: йёзыс кө нин овмөдөмаёсь сийё пельёсоксё, уна пёсь кисьтөмөн не-тшыштөмаёсь кө нин сьёд вёрыслысь му и видз, сымда скөт кө лёсьё-дөмаёсь, асьнысё кө вердёны и мукөдлы сёянсё лишөдёны,— то мед пё и водзё паськөдчёны да зумыдмөдчёны, мед не сөмын оз петны найё сэтысь, а мөдарё, мед на динё выль йёз на локталёны. Од, шуам, водзтисё кызди артмавлёсны пыр выль и выль коми сиктъясыс? Мыйла сымда Выльгорт эм Коми муас? Мыйла и налөн со грездныс вөлі — Выльыб? Да сы вёсна, мый семьяясыс содёны да, Важгортас да Важыбас дзескыд лоё овнысё да, кодсюрёяс выльлаё муналёны да овмөдчалёны, вёралёгъясё бөрийөм гажаннъясё да быдторнас озырджыкинъясё, а сёсся вочасөн на динё и мукөдыс локталёны да выль керкаяс лэпталёны, видз-му перйёны, скөт лыд содтёны, сёян-юан содтёны. И тадзи лоё нёшта өти Выльгорт да Выльыб!

А ми мыйта татшөм Выльгортсё, Выльыбсё да Гобёрсё назөдёмкисьтём! Йёз воштисны нэмөвөйся керкаяс-овмөсыяс, сэтшөм сьёкыдпырысь перйылөм му-видзныс эндис, выль местааныс ёна висигтырйи йёзыс вужъяслёсны, кызмырдысьөн, том йёз уськөдчисны вөр посёлокъясё да каръясё, но ёна шудаёсь өмөй найё лоины сэни?..

Пёся ыпъялысь лөдөн шалсий-восьлалё пув тыра нопя Капит Паш лыбөм вужъяс важ ордымөд, и сэтшөма лөгыс петё олөмсё лёк ногөн дзугыс-торкалысь ыджыд и ичөтджык став вождьясыс вылө! И сэтшөм жальёсь сылы бать-мамыс и томөн-кадөн кусөм багатыр кодь вокъясыс. А медся нин — Югид Шонди пиукуыс аслас!..

Ыджыд Ёгор грезднысё бырөдөм бөрын дзыкөдз нин көдзалё видз-му удж динё — механик мортыд регыдик велөдчыштө да лоё паровоз машинистөн. Сэки леспромхозын нюжөдисны векни көрт туй шыльыдгулыд паськыд Тям ягъясё, көни быттьөкө помтөг-дортөг зымвидзис сыв кызта да комын метр судта пожөм! Дивө кодь пожөм! Бөртиджыксё Капит Паш, кор мыйкө дыра уджалыштис вокыскөд паровоз вылас, мыйтакө адзылис на бур Енысөн быдтөм татшөм Дивөсё. Вөвлытөм вичкоюн быттьө зымвидзисны шыльыд-гөгрёс пожөмъясыс Тям ягъясас! Мед көть сэки и колясыяс нин. Збыльысь сись кодьёс! Туган-шапкаөдзыс немся ув абу, весиг ув пасыс некөн оз төдчы! Бура и кульөмаёсь сьөмсё пөрөдчысь и кыскасысь тайё ягъясё горша шырзигөн! Леспромхозыс гымалё планъяс ёна вевтыртөмөн страна пасьтала, а директорыслы сетисны Сталинскөй премия. А мый пё и не вевтыртны плантө татшөм вөрад? Кор өти пу ляскөбтан да, куйм-ө нель кубометр петө. И увйыны пёшти оз ков. Сэтшөм пожөм!..

Ыджыд Ёгор сямөдөс моз жё кульөма сьөмсё паровознас кыска-сигөн — а сетлөмаёсь сылы бурджык машинасё, америкаса паровоз, кутшөмъясёс отсөг пыдди некымынөс вайлөмаёсь тшөтш и налөн лес-промхозё... И дерт, бур ногөн кө, ассыс олөмсё босьтчөдөм-лэптөм вылө позис эсыкөй веськөдны татшөм сьөмсё. Но олөм гыжъясөн бонзёдыштөм нин мортыдлы тай сьөм ни немтор оз нин отсав. Весиг мөдарё на — уна сьөмыд кодсюрёс водзё на джөмдөдалё... Чорыда-кодь юыштавны пондас Ыджыд Ёгор! Көть эсыкө и, шуам, татшөм-торыс динё велалөма нин сийё война вылө ветлигөн. Первой быдлунъя наркомовскөй паёк — сё грамм, а мукөд луннас и не өти сё. А сёсся и война бөрас немецкөй портын нель-ө-вит восө служитигөн абу жё дзык «косөн» олөма. Война помасянланьыс уна немеч пышйөма Ры-тывлань, озыръясылөн уна эмбур кольлөма, наступайтысь Армяялы военнөй трофей. Кодсюрё мян служивөйяс пөвтысь, торйөн нин, дерт, офицерьяс, штабистьяс да интендантъяс, бура озырмөдчөмаёсь та вылын, гортаныс мөдөдалөмаёсь көлуй-мөлуйсё нэм чөжныс кежлө

тырмымён. Век тай сідзи пеж войнасыд вылын овло — коді юрсё пуктё, а коді и йёз шог вылын да дой вылын озырмёдчө... А Ёгор коддёмыслы мыйкө коть и сюрлөма, часіяс да мый да, ставсё юёмабсь. «Ставсё сысьялім да ичөлик крант пыр лэдзим!» — шпыннялігтыр отчюд ошйысис та кузьта вокыслы Ыджыд Ёгор. Да и сідз сьёмсё, вёлөм, не этша мынтёны войнасы петөм служивойяслы — званиеысь и орденьясысь, рубён и немеч маркаөн... Частьса и гарнизонса гаптвахтаясь вылө, мод ногөн кө, военной чижовкаө медунаысь веськавлөма вына да повтөм, челядь дырйнысь моз некодысь ёнасө кывзысьтөм Ыджыд Ёгор.

А тані, американскөй паровоз вылас, ош моз муркөдчөма Ёгор, медуна сьёмсё босьтөма, сутки уджалө, кыкөс шойччө. Кузь война чөжысь зоньясысь гажнысө воштөм нывьяскөд войпукалө. И дерт, оз винатөг. Сэки тай, война помасьөм бөрад регыд, өнія моз жө, быд пельөсын, быд столөвөйын мыччөны вөлі водка и спирт, ю душа и мера, гажөд ловтө, кольмөд юртө, пөдты курыднась став дойястө да шөгьястө и немтор йылысь ыджыдасө эн думайт. Мед тэ пыдди ставтор йывсысь думайтөны мудрөй вождьясь! Весиг кузь юра сизимсө грамма спирт дозьясь быдлаын вөлі вузалөны. Сэтшөм дозсө вильыша вензьөм бөрын өтрасөн юлөма Ыджыд Ёгор!..

Өти том дөва эськө и пондылөма жө зэлыдджыка додьявны аслас додь вож костө ён морөсьяса ырьян чибөбс, но мөдысь помөдзсө абу сетчөма: асьыым вөлябс пө немтор вылө ог веж! Весиг бабалөн шоньд-небыд вольпась вылө!

А коркө сэсся и ыджыд неминуча шөрө веськалас машинист Ёгор. Сійө төвнась зэв уна эсьөма лым, көрт туй вылын өтарө ковмөма вьсаыны, туй пөлөнысь бур мылькьясь моз лыбөмабсь южмөм-чорзьөм лым толаясь... Шөр станцияөд, вөлөм, лэччө вөр тыра сьөкыд сцөпьясөн Ёгор. Аддзылас, кызди ворсөны лэптөм чуркьясь вылын посныдик зонкаясь, весиг кулаксө на мыччөдлас да горөдас налы, вешйөй пө сэтысь! Но здук-мөд мысти машинистлөн син водзын лоө медся лөкысь — өти зонка вильдас да тюльсенитас-исковтас бөрьясь сцөп улө. Дуригас кызкө йөткыштисны ли... А кызди өтпырйысьсөн сувтөдан мед коть и татисө ньөжмөдыштөмөн гөгыльтчысь сьөкыд составтө?..

Но бур Енмысь и тані на мездас Ыджыд Ёгорөс! Ичөт зонкаысь исковтас рөльсьясь костас да өд кызкө ловйөн кольбө. Кызкө льякысьясь шпал бердас да...

Но асьсө Ыджыд Ёгорөс татшөмторыд дзикөдз весьөпөртас. Сылы пондас чайтсыны, мый тайө вөлі кутшөмкө өлөдөмөн. Ыджыда Олөдөмөн! И сійө весиг чөвтчас паровоз вьвьсысь, пондас уджавны мастерскөйын. Сөмын тай кузь голяя да лэчюд гыжья спиртысь судзөдас на морттө и татысь. Сідзи и оз лэдз сійө пөрысьмынысө Ёгорлы!..

«А өд бур ногөн кө,— шөгсьө-нюкрасьсө өні вокысь понда Капит Паш,— бур кадө кө, кутшөм мортөн эськө вермис лоны Ёгорысь! Ыджыд да ён, нинөмысь повтөм, юрысь бура уджалө и сьөлөмысь шань... Но, шоньянөйыд, эз тай слөймы бөрйыны кыздисярө гудрасысь-печласысь оломсысь лючкиджык визувьясьсө, гудырджык визувьясысь да вабергачьясысь тшапнитисны сійөс да и ковтөг водз нөбөдисны мөдар югыдөдз...

Дерт, сьөлөм доймытөдзысь жаль Ёгорысь Капит Пашлы, но нөшта на жаль сылы медичөт вокнысь — Ольөксан. Отвылысь Ёгоркөд отсалыштисны велөдчыны сылы, мед пө нөльшн пьсысь өти вок помалас институт. Да и Ольөксаныслы, став воксикась пөвстас, буракө, медьёна вөлі сетчө велөдчөмысь, век өтарө лыддысьсө вөлі, асланысь грездса ичөтик школаысь, а кор сэсся пондис лэччывны шөр сиктса школаб,— став книгасө лыддөма... Кызди татшөм зонкатө дугөдан водзө велөдчөмысь!.. Ачысь Капит Паш, семилетка помалөм бөрас, колкозын и вөрын мырсис, быдмыштис-ёнмыштис да, додьясө кер сөвтис и пөрөдчис батысь моз, сьёмсө не этша жө нажөвитлис төвбыдьясөн вөрын мырсигөн-сезонникалігөн да век нин мыйтакө лишөдыштавлис сэк кежлө карө велөдчыны лэччөм медичөт вокыслы...

И ӱд Ӗльӱксаныс бура помалӱма институтсӱ, литература да кыв велӱдысьӱн лоӱма. Мӱдӱдӱмаӱс велӱдны ыли Удора вожӱ. Вокыслы, Капит Пашлы, Армияс гижлис сӱтысянь гоз-мӱд письмӱ. Тани пӱ коми олӱмыс вӱрзӱдлӱтӱм кодъ на, воӱм йӱз матигӱгӱр оз тыдавны, вӱр-ваыс озыр зверь-пӱткаӱн, юыс весиг позьӱ на кыйны да чӱсмасыны гӱрд чими чериӱн. Тшӱтш пӱ и мича нылыс сиктъясын вель уна...

Кутшӱма радлис татшӱмӱн лоӱм медичӱт вокыс понда Капит Паш! Кутшӱм югыд туй вӱли вӱссьӱ ыджыд вежӱра Ӗльӱксан водзын! Мый-та бурторсӱ эськӱ сийӱ вермис вӱчны чужан мулы! Ӗд сӱтшӱм кузь да лӱссыд письмӱяс вӱли гижӱ! Мукӱд дырйиыс весиг шылыда тӱчитӱм кывбурӱн вӱли гартовтас! Мыйкӱ жӱ ошйысьлис ӱртъясыс водзын татшӱм письмӱяснас Капит Паш!

Но шудыс тай и уна велӱдчӱм Ӗльӱксанлӱн дженъыд бӱжа жӱ вӱлӱма! Радейтчас сийӱ ас кодъыс жӱ томиник учительницаӱ. И мӱдыс воча радейтӱ жӱ ӱн мыгӱра, лӱчыд сьӱд синма да ыпъялысь сьӱлӱма зонмӱс. Кыкнанныс шудаӱс!.. Но... костаныс виччысьтӱг веськалӱ нӱшта ӱти морт... Нӱшта ӱти мича ныв! Сийӱ, вӱлӱм, велӱдчӱ на дасӱд классын, Ӗльӱксаныс велӱдӱ сийӱс... Пӱсь синвидзӱдласъясыс воча-асясны тырвуйӱ верстямӱм нин, шаньмӱм-гӱгрӱсмӱм велӱдчысьлӱн да лӱссыд статя том велӱдысьлӱн, и кыкнанныслӱн ыпнитас лов выланыс вир дзужалана радейтӱм!

Но ӱд Ӗльӱксаныслӱн мӱд нывлы нин кыв сетӱма! Мӱд муса мортӱс нин окалӱма да быдторсӱ кӱсийсьӱма сылы! И быттӱкӱ тшӱтш на жӱ кыскӱ и сы динӱ! И лежнӱг дзоридз кодъ мича-югыд нывкаыс динӱ нӱшта на ӱнджыка кыскӱ! И ачыс нывкаыс быд лун сӱтшӱма жӱ югзӱб сы вылӱ видзӱдысь, пӱся мелӱалысь синъяснас и оз тусь кодъ чужӱмнас! Мый нӱ вӱчны? Кодар биас нӱ чепӱсийны? Кодар биас сотчыны?

И сӱстӱм лола романтик Ӗльӱксан — Капит Паладь мамыслӱн да сӱкисӱ ловйӱн кольӱм на кык ыджыдджык вокыслӱн медыджыд надеяыс! — бӱръяс медся весьӱпӱртана, медся сатӱк петан туйсӱ: босьтас вӱралан пишальсӱ да ӱтка пуляӱн дзенгас аслыс веськыда сьӱлӱмас. Пӱся радейтысь сьӱлӱмас! Мед некод нылыс водзын не лоны ылӱдчысьӱн да пежӱн!..

Ой, муса вокӱй, мыйла нӱ тӱ тадзисӱ вӱчин?! Тадзи помалин асьтӱр?! Нывъясыд ӱд, кӱть и зыксыштисны эськӱ ӱта-мӱдныскӱд, бара на вермисны бӱр лӱньны, код сайӱ кӱ мӱд сайӱ на петны верӱс сайӱ. Либӱ аслыд колис бӱр мунны сӱтысь... Но кысь, кор сьӱлӱмыд тӱнад сӱтшӱм! Кор сӱстӱм-яр сьӱлӱмыдлы мӱд ногӱ вӱчны он вермы тшӱктыны...

Дерт, кодъяслыкӱ позьӱ и найна шыньмунны татшӱмторсьыд, торйӱн нин ӱния йӱй кадъясӱ: аддзӱма пӱ тай мыйыс помавны асьсӱ!.. Дерт, кодлыкӱ позьӱ и тадзи... Не кӱ кутны тӱд вылын, мый мортыс вӱли кывтӱ яндысьысь да вежавидзысь, сьӱлӱмыс эз лӱптыв сылӱн дойдны мӱд мортӱс.

Казьтылӱ ӱни ичӱтджык воксӱ яг ордымӱд вӱсъялалысь пув нопъя Капит Паш да кыз синваӱн бӱрдӱ...

И кадъыс водз помасялӱм мукӱд вокъясыс понда бӱрдӱ. И Капит Прок батысь понда. И кыз шогъясьыс водзӱн кусӱм мамыс понда. И Афганын усьӱм аслас пиыс понда нӱшта нин ӱна синваыс петӱ. Мыйта воштӱм ӱти рӱдлӱн?! Ӗти котырлӱн эсы мында шог да дой! Мыйла нӱ тадзи вӱчӱ олӱмыс? Енмыс?! Збыль кӱ эм кӱнкӱ сийӱ? Мыйла нӱ асьыс Чадоаяссӱ ӱтатшӱма шогнас личкӱ? Мыйла оз шуд вылӱ чужты мортсӱ, а ӱтатшӱма шогсьӱм да мучитчӱм вылӱ? Али нӱ Енмыс шуд вылӱ и чужтӱ, но асьныс йӱзыс, кӱинысь на лӱкджык йӱзыс, асланыс пурсьӱмӱн, асланыс ад горшнаныс, ӱти мортлӱн мӱд морт вылын ыджыдалӱмӱн, мӱд мортӱс нинӱмӱ пуктӱмӱн дзугӱны ставсӱ? Кодӱ кызди вермӱ, сидзи и дзугӱ?..

А мый нӱ, гашкӱ и налӱн, Капит рӱдлӱн олӱм-вылӱмыс торйӱн нин ӱна пондӱс дзугъыны тшӱтш и сы понда, мый лӱк ногӱн пазӱдисны гортнысӱ? Гажа-муса чужан познысӱ и грезднысӱ? Ӗд таысь налӱн —

быдӧнлӧн!—ратш оръясисны уна вужъяс-везъяс да, гашкӧ и, выльысьсӧ некод нин эз вермы лючки вужъясьны да колана ногӧн лэптысьны. Таысь, гашкӧ и, кутшӧмкӧ да кутшӧмкӧ ногӧн ярджыкӧсь, но тшӧтш и нярджыкӧсь лоины воксикас? Та вӧсна олӧмыслӧн бытшкӧмъясыс да нӧшыштӧмъясыс ёнджыка и сатӧкджыка мӧрччисны налы?

Но ӧтарӧ нӧйтчысь-путкылясьсысь странаас кодӧ нӧ пондас ыджыда тӧждысьны торъя морт вӧсна? Кутшӧмкӧ сэн Выльыбсаяс понда? Кор быдса народъясӧ чӧвталісны места вывсьыныс да кытчӧ веськалӧ тувкӧдлісны? Да кыздисюрӧ гудралісны? Кор йӧзыс асьыныс «Выльыбъяссӧ» вошталӧм бӧрын ыджыд страна пасьтала уськӧдчисны кӧть нин неуна бурджык олӧм корсьны?.. Но ӧтарӧ-мӧдарӧтӧ вешъясигад да нетшкысигад верман ӧмӧй зумыда вужъясьны да вылӧдз лэптысьны? Сідз ӧд и пондасны тӧнӧ лӧк тӧвъясыс кыздисюрӧ песны да былгӧдлыны... А мый со ӧнісӧ керсьӧ, кор разгысис-киссис ыджыд странаыс? Бара на ӧд мыйта олӧм вуж орис! И кызди налысӧ бӧрсӧ вужъясьны да лэптысьны?..

Важ чӧс туйӧд ӧдӧба восьлалысь Капит Пашлӧн юрыс нин потӧ татшӧм мӧвпясьсыс, век быттьӧ сійӧ кӧсӧй бурджыка гӧгӧрвоны олӧмас керсьӧмсӧ, но некутшӧм помӧдз ни дорӧдз сідзи и оз во...

Да мед кӧть нин эськӧ аслас пилы, Илляыслы, кӧть неуна шудыс усьыштӧс! Став дядьясыс и дедыс понда! Ӧд сьлӧнсӧ, быттьӧкӧ, некутшӧм вужъяс эз нин оръясьны быдмиг-сӧвмигас, карын чужис и быдмис. И асьныс со найӧ, бать-мамныс, век на ловъяӧсь. Но — эштӧс тай, и сылы тшӧтш, Югид Шонділы, ковмис пуктыны юрсӧ йӧй война вылын...

Али нӧ вывтӧдджык ыръян сьӧлӧмъясным вӧсна тшӧтш артмӧ миян тадзисӧ? Думсьыным век нин уськӧдчам вӧчны бурджыка, а, видзӧдан да, унатор артмӧ дурджыка? Али нӧ миян, ставнымлӧн, татшӧм олӧмсӧ олӧгӧн мыйкӧ эз кут тырмыштны этшаным, мед эськӧ бурджыка панӧмасӧ помӧдз нин синны? Али татшӧм олӧмас тырвӧйӧ бурнашаньнас мортыслы оз и позь, мортыс оз и вермы лонысӧ?..

Ок, олӧм, олӧм, ӧтчид чужлан, а мыйта ковмӧ терпитны мортыдлы! Мыйта колӧ кутны асьтӧ, мед дзикӧдзсӧ не чегсьыны, мед не усьны, мед кӧть и усьлан, кызкӧ-мыйкӧ бӧр на чечыны да водзӧ на морт нимтӧ да сямтӧ не воштыны...

Да и дивӧ кодъ на тай мортыд! Оллялас-бӧрдас уна чукӧрмӧм да кутны позьтӧм шогъясьсыс, а сӧсся быттьӧкӧ и личӧдлӧ сійӧс, синъяссӧ кӧсӧдас да югид лун вылас бурджыка видзӧдлас, и пырысь-пыр жӧ Ен олӧм бурьыс да гажыс выльысь на ловзӧдӧны сійӧс водзӧ овны, выльысь на бордӧдӧны сійӧс водзӧ лӧбны...

Со тай нӧ кутшӧм сӧдз да кыпид ывлаыс-вӧрыс, лӧз енӧжын ыпъялысь шондӧн югзӧдӧмаыс да серӧдӧмаыс! Кокныдик еджыд кымӧръясыс эськӧ и пондылісны везъясьны ӧта-мӧдныскӧд, но бӧр на тай сылісны и разалісны. И кос вӧрыс, и сэтшӧм сӧстӧм, мудзӧм-пӧсялӧм вывсьыд сэтшӧм нин чӧскыда да пыдіа лолавсьӧ! Кӧнкӧ, олӧгчӧжыссӧ, вӧртӧ ӧтарӧ ветлігӧн да татшӧм чӧскыдасӧ лолалӧгӧн, мыйта содтӧд вын босьтӧс сійӧ, Капит Паш, сӧ-муса вӧрыслысь?!

А сӧмокасът, лӧччылас-ӧ войнас чукчиныс пувсикыс вылӧ? Рытъя-вылыс либӧ асьядорыс? Лӧччылас, кынӧмыс сямалас да! Либӧ бокус луддзас да. А лӧч пырыс тапсӧдас-ӧ. Гӧгӧрвоас-ӧ, мый не сідзиджык мыйкӧ тани лои? Бура эськӧ октис-лӧсьӧдіс ставсӧ да, весиг турун сӧясӧн зэлӧдышталіс. Абу на тай эськӧ вунласьӧма важ вӧралӧмъясыс да...

А оз кӧ шед и мед оз шед! Мед водзӧ олӧ да гажӧдчӧ вӧрас! Вӧрсӧ ачыс гажӧдӧ да! Юмов пувӧн чӧсмасьӧ! Гажа тулысын ыджыд бӧжӧе паськӧдӧмӧн третшкӧ-сьылӧ радейтчан сьылансӧ!.. Гашкӧ и сылы, Капит Пашлы, ёнджыка на колӧ, мед эськӧ эз шед ыджыд-мича чукчиныс...

А мыйла нӧ либӧ октис лӧчсӧ? А мый, октис тай, жилкаыс ки улас веськаліс да! Сӧсся ӧд, кыяс кӧ быттьӧ татшӧм чукчисӧ, сьӧлӧмыс ӧна

жӧ ыпмунлас да нимкодъмылас! Нэмыс помӧдз нин бур казътылантор лоӧ. Жалитантор ли...

Вильыш тӧврӧн уркийӧдлана вӧрыс кодъ жӧ тай мортыд! Гартчысь вабергачьсон исковтысь визлач кодъ ли. Помтӧма визлалӧ-бергалӧ-нӧйтчӧ сылӧн лолыс-вежӧрыс!

4

Гортас воӧм бӧрын Капит Паш ёнакодъ чуймӧдӧс гӧтырсӧ, Натальӧс, та мында пувнад.

— Да ӧд татӧни пӧшти бур ведра тыр лоӧ!— ӧтпырӧ ошкис и чиршӧдлӧс мудзӧм верӧссӧ Наталья.— Мыйла нӧ сэтшӧмасӧ вийсьыны?! Да торӧн нин ӧткӧннад.

— Пувсик вылас веськалі да, оз и мунсьы,— дорӧйсыс Капит Паш.— Важӧн нин тадзисӧ эг вотчыв...

— Кӧнкӧ, ёль сайӧдзыс ветлін?

— Вуджавлі, ышми да... Матӧджыкъясас немтор нин абу...

— Да мыйла нӧ сэтшӧм лёкинас пыран?!— повзӧмӧн повзис Наталья.— Ныр вылад сугшысыя кытчӧкӧ да, кытысь ме тэнӧ корся?!

— Зептын менам таблеткаяс...— зильӧ лӧньӧдны гӧтырсӧ Капит Паш.— Сэсся и бедъ на керыштли — куим кокӧн, тэрмасьтӧг...

— Тӧда ме, кыззи тэ «тэрмасьтӧгыс» собалан вӧрӧдыс! Век кывтӧ нюжӧдӧмӧн ковмӧ вӧтчыны бӧрсянныд.

— А пувӧйыс сэни колис на,— мӧдарланьӧджык ёсьмӧдӧс сёрнисӧ Капит Паш.— Ведра мындатӧ поэяс на вотны, оз кӧ унджык...

— Да?— пырысь-пыр жӧ чошкӧдчис та вылӧ вӧрӧ петавлыны ёна жӧ радейтысь Наталья.— Воттӧм-вӧрӧдтӧм на пув?

— Таво тай некод на абу волӧма ылынад.

— Но тай! Со тай! Эстшӧм мича пув!

— Гашкӧ, мися, аски кыкнанным шыбытчывам да?..

— Эн ӧмӧй мудз? Асылки ӧд чеччынытӧ он вермы талунъя бӧрад!

— А-а, кызкӧ-мыйкӧ! Кӧть торӧн-торӧн да, бара на чеччӧда ачымӧс...

— Но, гашкӧ инӧ, торӧн-торӧн кӧ!— серӧктӧс Наталья.— Верман кӧ и, кайлам, кытчӧдз эз на пановтны. Жаль лоӧ, татшӧм пувтӧ кӧ ныр увсьыд курыштасны... Куйӧдтӧ, гашкӧ, бара на оз вайны да. Сэсся и суседьясӧс ме ӧлӧдӧ, ваясны кӧ быттӧ, мед индӧны, кытчӧджык колӧ ректынысӧ...

Сэсся гозъя том картофель сорӧн жаритисны буретша на лоӧм тшак — ньӧти номыр туйтӧм гӧрд гоб и сӧм гоб, и уртшак. Весалыштісны пув да кызьӧртисны йӧлӧн. Мыйтакӧ пув Капит Паш сахар пызалис да лязӧдӧс векныдик кӧрт тасьтыя, пычкысьӧм сӧкӧ сӧдзӧдӧс да сорлалӧ «ош йӧлӧн» — Францияса «Майор» нима спиртӧн, кодӧс водзтиджык на донтӧм донысь, сюрс шайтысь быдса литр, ньӧблӧс киоскысь. Эстшӧм мича алӧйгӧрд юан лон Капит Пашлӧн! Куш нин ӧти видзӧдлӧмсьыс сӧдзи и ыпмунӧ лолыд!

Сэсся и кысталӧс шондӧа юансӧ буркодъ стопкаясӧ — аслыс тырыс, Натальы джынӧныс. Гырк пытшкӧссӧ дзужкнитысь чӧскыд-чорыд юаньыс пырысь-пыр жӧ ойкнитӧдӧс мудзӧм вотчысьӧс, мудзсӧ быттӧ кызьӧртӧс да разӧдӧс вир-яй пасьталаӧдыс, став гырысь и песни сӧньясӧд, и быттӧкӧ быдлатӧ лигышмунӧс, но тшӧтш и лӧччалӧс, и картофель сора, мӧс выйӧн йиджовтчӧм таво вылӧ медбӧръя тшакыс сэтшӧм чӧскыд, и ыркыд пувъя йӧлыс гырк пытшкӧссӧ ас ногӧныс мавтыштӧ.

И сэтшӧм нин нимкодъ лон Капит Пашлы! Гажмӧдана чорыд юансьыс и чӧскыд вӧр сӧянсьыс лон нимкодъ! Да тшӧтш и сысь, мый со бара на ветліс вӧрас да вайис на тайӧ чӧскыдсӧ, торӧн нин эсымында пув, кодлӧн шондӧа югӧра сӧкыс, ылі Францияса юан сорыс, сэтшӧм лӧсьыда шонтӧ и босьчӧдӧ сӧйӧс...

И став шогыясыс да дойясыс быттӧ бырисны вотчысьлӧн!

Сэсся лӧсьыда шоналӧм-гажмыштӧм Капит Паш шуис пув водзӧ весавны пондӧм гӧтырыслы:

— Тодан, Наталь, сәні таво бура на дозмөръяс олоны. Ме весиг ләч окті, жилка вёлма нопйын да. Куш нин та понда аски мияны быть колө ветлынысө. Друг да шедас чукарыс!

— Ок тэ, уна тай көсьян!— серөктіс Наталь.

— А мый?!— ырзис ышмалыштны гажмыштөм Капит Паш.— Коркө өд ме эг омөлв вөралысьөн вөвлы. Аскөдыд на тай, карын олігөн нин, мыйта сьөла кыйлім, Тыла-ю пөлөнысь и Льөм-ю пөлөнысь...

— Да, бур кычан пыдди ме вөвлі тэныд сьөлатө кыйигөн!— серөктіс Наталь.

А колө шуны, татшөмкодь кымын и вөвлі делөыс налөн. Мунасны өтлаын вөрө тшак либө пув вотны, кыкнанныс томөсь на да ёнөсь, ылі вөръясөд кытшовтөны, сьөрсьыныс тшөтш ружйө босьтөны. Повзьөдасны дозмөр либө сьөла позтырөс, разавтөмөс на мамыс дінысь, коді матө пуксьө да тыдалө, Капит Паш места вывсьяныс лыйлө, а ыліджыкө лэбзьөмаясө да дзебсьялөмаясө кызди казялан? Быть ковмө Натальы бурджык кытшов босьтны да гораа повзьөдчигтырйи бөр сы вылө локны. Сьөлаясыс жбыркнитөны дзебсьөминсьыныс, бөр Капит Пашлань лэбзьөны да матө пуксьялөны, сөмын и пезьгөдав найөс саймовтчөминсьяныд. Пон оз қов!

Натальыс эз этшаысь тешитчыв татшөм вөралөмнас төдсаяскөд пызан сайын пукалігьясө: тайө бур верөсыд пө, вөлөм, медсьясө кычан туйө менө видзө, мед сьөла-дозмөр кыйны...

А мый!— вочасө шуас вөлі татчө Капит Паш,— водзті пө тай коми вөралысьыд бур понтө гөтыр дорсьыс не этшаджык радейтлөма. А тані со кыкнан бурыс өтилаынөсь!

Та йылысь шоньд руөн сёрнитігөн да казтьылігөн Капит Пашлы окота на лои кымынтыны нөшта өти стопка асья кыа рөма чорыд-чөскыд юансө, но сійө кутыштис асьсө: тырмылас! Од мөд стопка бөрад ёнджыка на ковмас коймөд. А вывтіджык кө юас татшөм чорыд винасө, асылки вольпасьысь сьөкыд лоө чеччынысө, вөрө мунны оз вермы. Да и кутшөм нин сійө өні вина юысь! Таблеткатө отарө ньылалігөн. Тайө гажа кадыс сьлөн кольөма нин, визувтөма и кылалөма. Винатө эськө өні сылы сөмын нин лекарство туйө колө вөдитны, со өнія моз ичөтикаөн юыштавны мудзсө веськөдөм могысь, а ёнджыкасө зырасьны да шонтысьны чорыд винаснас да сэтшөм ногөн небзьөдны пөрысьмыштөм лысьбөмсьыс мудьясө да дойяссө. Но тай мукөддырйиыс, торйөн нин том йөзкөд пукалігьясө, либө кор ыджыд шөгьясыс вывті нин личкылөны, мынлө на жө сьлөн зэлыд домьс-кутөдыс. Аскинас сәсся и висьө, неморт кодьөн лолө...

Капит Паш отсаліс на гөтырыслы пувсө весавны — ыджыд малируйтөм ведраыс төкөтгө эзджык тыр. Ок и мича пув, мед көть и абу медгырысь! Куш өти видзөдлөмсьыс нин сэтшөма бурмө сьөлөмыд! Весалігмозыс некымын судта сакар пызьөн кызакодь киськалісны — мед юомолыс отсалө пычкыны пув вирсө, мед вотөсыс вөйө чөскыд лэзйыс пиө да төвбды оз тшыксьы. Да мед нөшта на чөскыдджыкөн лоө! А сәсся коркө төв шөрын лэптан тасьтіө татшөм дивсөс, паньыштан да и акнитан чөскыдысла. И третшкөдчысь да кыз лымъя көдзыд дырйи выльысь быттө волан арся югыд шондіөн югзьөдөм гажа вөрө!

Көть эськө и мудзыс да унмыс личкөны нин вөлі Капит Пашөс, но выныштөдіс асьсө да видзөдіс на телевизор пыр вьльторьяс — велалөма да, сьтөгыс мыйкө быттө оз нин и тырмы олөмас. Сөмын тай өнія вьльторьясыд оз ёна нимкодьмөдны мортөс! Карабах гөгөрын век воуйтөны, кымын во чөж нин армяна да азербайджаньяс пазөдөны асьнысө. Таджикиьяс воуйтөны, найө нин бара асьнысө, өта-мөднысө бырөдөны. Вөвлөм Югославияын сербьяс да хорватьяс да мусульманьяс вөвлытөм лөклунөн бырөдөны өта-мөднысө. Да өд весигтө Абхазияын нин воуйтөны! Некымын во сайын Капит Паш гозья вөліны сәні, шөйччисны-шонтысисны, весигтө ыджыдджык внучкасө сьөрсьыныс нулісны. Со көні Рай пельөсокыс! Отарсянь шоньд море, мөдарсянь шензьөдана мича вежөдысь мусюрьяс, а на костын кисьмө

быдсяма чөскыд фруктыс — яблөк и груша, слива и виноград, апельсин и мандарин, персик и инжир. Сөй мыйта колө, быдты мыйта колө пөсь шондї улын. И став тайө озырлуныс оз чин мян вөр моз, кодөс өтарө колө керавны. Миян из шом моз, кодөс колө перйыны да өтарө нуны кытчөкө,— лунвыв озырлуныс быд во выльысь кисьмө-воө. А медыджыд озырлуныс?! Пөсь шондыс да шоныд мореыс! Мыйта йөзөс позьө найөн бурдөдны да өнмөдны?! Збыльысь өд Рай пельөс кодь му!.. Внучкаыс мыйкө жө чыктыліс-уяліс шоныд морелөн гыяс вылын! Мыйкө жө чөсмасис быд пөлөс фруктынас! Онї абхазьяс да грузиньяс война биөн чашйөны тайө гажсө да мичсө. О, Енмөй-Господьөй, мый вөчсө му вылас! Лөклуныс, чинөм пыдди, век өтарө еодө. Быттьөкө быд выль чужысь морт ассыс пайсө содтө өтувья Лөкас! Пыр унджык и унджык йөзөс виөны, мирөвөй войнатөг. Пыр өтарө өнджыка гусясьөны да грабитөны. А неважөн радио пыр висьталісны, мый мян неважөн на «медя просвещённой» лыддыссысь странаын нөбасысь мам вөйө нин вузавны лөыс кагасө долларьяс вылө. Кытчөдз воим! Онї со и танї нин тшөтш; быттьөкө и лөнджык на Коми муын, мыйыс жө нин оз керсьы. Коми зоньяс вина доз понда батымамнысө нөйтөны да весиг виөны, мырддьөны да гусявлөны...

А сэтшөма виччысим да көсйим Демократия! Вылісянь, властьясянянь өна личкытөм-дзескөдтөм олөм. Кор мед эськө мортыс став ассьыс вынсө да сямсө веськөдіс кыпид да бурджыка вөчан удж вылө да босьтчанаджык-судзсянаджык олөм вылө...

А збыль вылассө сэтшөм өдйө ставыс пондїс кисьыны да лөкмыны. Вөлясө сетөм бөрын йөзысьөн, медводз, өнджыкасө мынісны лөк выньясыс да и некутнөм кутөдтөг пондїсны ставсө пазөдны да ас уланыс куравны. Андел пыдди мортлөн садьмис зверыс да и мөдөдчис, да и пондїс эравны-пурсьыны!

Сідзкө, власть вөсна мырддыссысь йөз, өнджыкасө асланыс слава вөсна да асланыс бурджык олөм вөсна вийсысь гөрлөпаньяс бара на гөгөр дзугисны, бурсө вөзйигөн лючки эз артыштны кодарө да мыйлань ставыс тайө петкөдас...

Мый со водзө лоө-а? Кыдзи йөзыслы петны татшөм кадья нурсыс? И дыр-ө пондас кисьыны Енмөн ёрөм татшөм лөк кадыс? Дерт, көнкө, не гоз-мөд во. А, гашкө и, не өти дас во. Сы коддьөмыслы, Капит Паш кодь пөрысьясыслы, сідз нин ковмас мөдар югыдас мунавны. Лючки олөмсө, позьө шуны, не аддзывтөг. Сэтшөма виччысисны да надейтчисны найө, мый көть пөрысьладорыс лөнджыка да пөтөсджыка олыштасны, неуна сьөмтор чөжыштисны куландор кежлас да. А со тай, ставыс вошис, быдтор вылө доньяс сө пөв содтөм бөрын. Öти здукөн быттьө горш пон нылыштис сы дыра чөжөмасө. И водзөссыс немьсь-немтор на бурсыс оз тыдав сы коддьөмыслы...

Сэсся гозья рытсаяныс дасьтисны аски кежлө вөрө мунан көлуй, сөянтор индїсны да и водалісны быдөн аслас жырьө. Панельнөй керкаын куим ичөтик жыртор налөн, коркө, челядьнысө быдтїгөн, дзескыд вөлі, торйөн нин кор нывкаыс да зонкаыс верстяммыны пондїсны, но онї со тай чунь кыкөн колины, нывкаыс ылі сиктын велөдө, ачыс нин челядьөс быдтө, а пиукныс, Югыд Шондїөй, некөн нин эз ло... Кыкөнылды онї, дерт шуам, танї позьөджык нин овны, абу дзескыд, но асьныс моз жө важмөм Хрущөбаыс — Хрущөв дырйи уна тай быдлаын татшөм көрбөсө лөптылісны — пыр өтарө өнджыка рушмө да жугласьө: трубаяс потласьөны да виялөны, газөвөй колонка век тырөма да кусөма. Бурджык оланінсө эськө и көсйылісны нин быттьөкө сетны, но Демократияыс тальяліс да, пенсия вылас петіс да, бөр дугөдчисны татшөм сёрнияссыс. Уна йөз пө таысь өна лөкджыка на олөны! Онї сэсся налы, гозьялы, танї нин ковмас нэм помсө коллявны, бурджык-сө онї не аддывны нин. Онї пө пыр этшаджык и этшаджык стрөитөны. А сэсся — водзөсө — патераяссьө, буракө, пондасны сьөм вылө вузавлыны. А кыс налы, пенсионерьяслы, сы мында сьөмыс? Кор весиг этшаник чөжыштөмасө сйө жө государствеыс лун шөра лунө яндысьтөг мырддис?.. Дерт көнкө, кызвың оланіныс и быдтор веськалө налы,

кодьяс тайё гудыр кадас кулисны деньгасё отувья эмбур гусявлём-дзёбёмён да донысь-донён сійёс вузавлёмён...

Мудзём вывсыд да винатё юыштём бёрын Капит Паш пырысь-пыр жё унмовсис да вой шёр бёръясёдзыс зэв чёскыда узис. И весигтё оддён мича вётгьяс аддзыліс. Быттё том на сійё и бать-мам дінас шуда, и Туган нима племенной уж вылын кытчокё скачитё, сэсся быттё лэбовтё шондіа паськыд видз вылө, көні грездса нывьяс куртёны турун. Эстшём мича да югыд шондён бура гожйөдём шыльыд вир-яя нывьяс! Мөкей Тансь, Ладей Аля... И дзользёны-сералёны найё, чуксалёны ас дінанес верзёмабс: менё пё, менё тшөтш босьт Туганыд вылө, Капит Паш!..

И татчө сэсся садьмис Капит Паш, и сэтшём жаль сылы лон, мый мича вөтсө эз аддзыв помөдзыс. Керкаын и ывлаын вөлі пемыд, часьс неуна петыштём вой. Капит Паш гусьбөникөн, кок чунь йылас моз, мед не садьмөдны гөтырсө, ветліс ортсьө, сэсся горш косьманінас азыма юис стөкан тыр пувья-сора ва, гулькнитіс и казявтөг эз ов, кыдзи таьс бара на бурмө гырк пытшкыс и лолыс.

Но сөмын кыдзи өні сылы выльысьсө унмовсьыны? Од югыд асылөдзыс, вөрө мөдбөчытөдз, ёна на ылын!.. Капит Паш төдө нин асьсө, мый садьмас кө тадзи войшөр бөрас, выльысьсө унмовсьыны ок ёна сьөкыд овлө сылы! Быттё став мирыс да тшөтш и аслас став олём-вылөмыс пиньнас и гыжнас вуззысьлөны сы вылө да и пондөны, да и пондөны быд ногыс песны и пурны!

Медводз Капит Паш мөвпнас, дерт, төждысьсө сы понда, мед эськө асылки некод эз пановт найёс кольыштём на пувсыкыс вылө. Дерт, быдсяма бабйёс сы ылнатө оз ышты ни оз куж муннытө, оз лысьт ни, но өд вермасны аддзысьны и ас кодьяс жө төдысь дядьбөяс. А ведра-мөдтө сэтсыс поэяс на чукөртны, ок и добра лоө та мында пувйыд! Аслыныс, пөрысьяслы, төвбыд кежлө витамин, дай внучкаясыслы чөс-масынтор, таво пө тай, кос гожөмыс вөлі да, наладорын ставыс косьмөма вөрас, ньөти абу артмөма пувйыс ни немтор, а таті, видзөд со, усьлөма на и веськавлөма на зэрыс...

А чукчыныс, ыджыд сьөд чукарыс, лэччыліс-ө выльысьсө сэтчө? Рытъявылыс? Али асьядорыс лэччас, кор дзикөдз нин палялас повзылөмсьыс да кор морт дукьясыс ньөти нин оз кутны кивны?

А гашкө сійө, коньөр, шедіс нин лэчкас?! Да буретш өні нетшысьсө-нөйтчө, мый вынсьыс көсйө мынтөдчыны өтарө зелөдысь петлясьыс, но некыдзи оз вермы?.. И дзикөдз матө воөма сійө, оз гөгөрво, мый ськөд лон. Лыбөдчылө лэбзыны, но сьөкыд понөл бөр кыскө сійёс му бердө, и швычөк петляыс өтарө джагөдө, джагөдө и джагөдө...

А ме тані куйла небыд-шоныд вольпась вылын да гожъялём нывьясөс вөтала!

Тыпу тэ, сөмокасьт, мыйла сөмын и октысис лэчсө!

Абу нин ме өні вөралысь, вөралан руыс, кыйны-луйны көсйөмыс вошис тай менам...

И, дерт, сылы бара на лов вылас чунгытөг эз ов, мый дона пыслөн, Илляыслөн, Афганын усьөм-бырөм мысти тадзисө лоис. Сэки быттё мыйкө ыджыда чегсис сылөн весьөпөрөм лов вылын. Ыджыд шогысла да дойысла. Быд ловья лов, весигтё тшөтш и вөр пөткаыс, сэтшём жальөн сылы пондіс лоны... Татшём сьөлөм кылөмнад кутшөм нин вөралөм!..

Но чөвлы, чөвлы, мыйла нө бара сетчан ёсь доя мөвпьясыслы? Дзикөдз өд бара нөбөдасны найө узян унтө! Этша на өд узин да, он кө көтө нөшта неуна вугыртлы, аски ёна сьөкыд лоө вөрас. Дөббөл-каөдз өд лөк думьясыд бонзьөдасны и укшальмөдасны тэнө!

Но мортыдлөн гай унаысь оз тырмыв выныс войшөра войө сы вылө вуззысьсөм аслас жө думьясыскөд вермасны...

Со этайө шкапас, пелькиник кудйө, торйөдөма пьясылысь армейскөй значокьяссө, командованиелысь ошкана грамотаяс, сэкся фотояс да письмөяс. Капит Паш видзө найёс олөмас медся донаторйёс моз!

А мукддырйныс весиг чайтсьо мато волом батылы, мый тайо мича кудьяс кызкю кольыштёма зонкаыслон югыд-состом ловья лолыс! Мыйкю жю нин гусьоникон восьтавлывлис кудсо Капит Паш! Мыйкю жю нин пыр выльыс и выльыс лыддявлис письмояссю. Быд кыв нин тодо наыс и быд пас, синсо куняс да, письмояс пырыс век быттьо ловья голоссо кылд шудтом зонкаыслыс...

Воддза письмосю Афганас воом борын недыр мысти на гижома. Сэкса фото вылас пукало веж корья-сера формаа, вына паськыд пель-помьясыс элөдөмаось курткасю, состом чужом вылас лэчид синьясыс видзөдоны еся и кыпыда. Ми по, батыо, пырим татю мед оломю портны интернациональной долг. Афганьяс по нэмьяс чож омөля олісны, ислам найос чорыд законьяснас личкю и подто, некыдс оз лэдз оня оломланыс сетчыны. Адзылин ко тэ, батыо, кутшом лёк паськомаось найо ветлодлоны, унджыкыс полкалояе кодысь, чукрасьом-нямрасьом паранджааось да коканыс омөлик сандали коды чаплиаось, кодос ми вокыс ко комавлө, пырысь-пыр и мудзо кокыд. Кос кельчи кодысь вöсньыдикось унджык йозыс. Сы вöсна мый разной шахьяс да ханьяс помтог нартитисны найос. Они мян великой страна нюждис налы лышкыд кисю, татчос патриотьяслы отсалис вöчны революция, отсалю дорйны революциясо да тэчны мян коды жю выль олом. Та вöсна ми и пондим тышкасны тани миритчытом душманьяскөд. Пондам дорйны революционной афганецьясөс асланым боевой техника отсөгон. Дерт, оз кокни ло мянлы, батыо, сы вöсна мый душманьяс дор — асьнысо найо нимтоны моджахедьясон — на дор сулалоны Иран и Пакистан, дзоньнас исламской мирыс, а намыш сайын тшотш Америка да мукөд капиталистыс.

Но ми огю полый наыс, батыо! Од ми — десантной войска! Ми бура велөдчим и тренируйтчим быд ногыс тышкасны. Автоматон коть пуртон, коть и кулакон. Вракөд чужом на чужом паныдасигон и сылон мыш сайю гусьоникон чечыштигон. Ми, батыо, некодлы сетчытом, боьройом войска! Мян быд рейнджер тигр коды жю ен да повтом. Мед полоны мянысь мянкөд миритчытог да дзебсясьомон воуйтысь «духьяс»!

Коньор зон! Кыдзи сийос ышөдисны да йөйтөдлісны! Кыдзи сийо эскис быд сөрөмыслы! Власть кутысьяслон да газет-радиолон немьяндысьтог безгөмлы! И мыйта сы кодыс вөлі, интернациональной долгон бөбйөдломаыс! Они тай шуоны: дас куйм сюрс по усьома мян воинсы Афганын. А гашкю и бара на порьөдлоны йөзсө, мед дзикөдз нин не скөрөмдны. Но мед и сідзи. А кымын дас сюрс ранитчөмаыс да калечитчөмаыс? А кымын сө сюрс том мортлысь ловсө нэмыс кежлө лёкысь песовтома? А мыйтаонөсь налон шогсысь баты-мамныс? Да коньор гөтырьясыс? Да сирөтаон кольом челядыныс? А мыйысь ставыс тайо? Код лешакыс понда?!

А Афганьясө по кык миллион гөгөр морт нырыштөмаось! Мөд сы мында пышйылөма гортсыс мукөд странаясө...

Ставсө тайос зонкаыс өдий тай казялөма и гөгөрвоома сэни, вир кистанінас. Война вылад тай, смертыслы синмас быд лун видзөдигон, буракю, өдий вежсө мортыд. Одий вою сылы быдсяматорсө ыджыда гөгөрвоомыс...

Но медбоьря письмоыс шудтом зонкалон воис нин аскөдыс тшотш. Воуйтан ертыс цинковой гортыын асьсө вайис, а сумкаас — письмосю. Гижома шудтомыд да абу нин удитөма мөдөднысө. Бойсыс ловйон абу нин петөма да. А гашкю и татшом гижөдтө эз и лысьт пошта пыр мөдөдныс... А, коньор, сьөлөмнас, буракю, кылөма нин асьсыс помсө... И воддза письмө сертысыс сийос быттьо дзик нин мөд морт гижома...

...Да, батыо, ми нуодам тани чорыд, милость тодтом война! Тэ мортыс абу ляб, и оны ме тэныд косяя веськыда висьтавны тайос. Висьтавны сийос, мый газетьясыс некор тэ он лыдды. Висьтавны сы вöсна тшотш, мый быдторйыс вермас мекөд лоны... Тэ сомын мамлы энджык на петкөдлы тайю письмосю...

Мян прөтивникным — руч коды мудер и коин коды лёк, быд мо-

джахедлөн, быд «духлөн» морёсын ыпъялө миян динө, «каферъяс» динө помтөм лөглун. Дерт, поэбө и гөгөрвоны найөс: өд век жö эз найө, а ми мырдысьөн пырим налөн муө. Найө миянлы паныд восьтисны «джихад», священнөй война, и быдөн асьсө нимтö «Исламлөн воинөн» да тышкасьö помöдз. Пöрысь көтö том — ставыс миянлы враг, көтö татчö кольччöмаыс, көтö Пакистансянь воюйтны гусьөн волевльыс. А миянөн доръяна да миян отсөгөн лөсьöдөм татчөс правительственнөй войска вылө ыджыд наея миян абу...

Быдлаын тані гöраяс, ущельеяс, перевальяс, подөн да вöлөн ветлан гуся ордымъяс, ставыс миянлы төдтөм, а сэсся и, веськыда кө шуны, ёнасö ми эгö и велөдчылөй татшөминас воюйтны. Миянөс ёнджыкасö велөдлісны, кызди колö враглөн тылын ракетаяс да мый да пöдтавны, век чайтисны воюйтны көнкö Рытыввылын...

А тані душманъяслөн писккөс отрядъяс дзевсясьöны код төдас көні гöраяс костың, а гуся ордымъясöд писккөдчöны выль öружиеа караванъяс. А ми кө петам налы паныд, кодкө век нин казялö да юөртö «каферъяс» йылыс. И караваныс-отрядыс либö пырысь-пыр жö дзевсьö-сылö, либö ми вокыс асьным на вермам веськавны налөн бура дасьтөм налькйö...

Öтчид миян ёртъяс веськавлісны татшөм мудер засадаас, ущельө, геройяс моз, медбөръя лов шыөдзныс, тышкасьöмабсь сэнi. Сы вöсна мый ми, десантникъяс, төдам — «духъяслы», бурджык, ловйөн не сетчыны! Найө весиг, ми воксö, и кулөмаяссö оз жалитны!.. Қазялім ми тайөс сэк, кор быдса бригадаөн пыравлім усьöм ёртъяслыс шойяссö петкөдны...

Татшөмторъяссö аддзигөн, дерт, тшөтш и миян кыптö лөглун «духъясыс» динө. Мед көтö и найө воюйтöны асланыс му вöсна да асланыс ислам вöсна. Но мийөсö, батыö, мыйөн мыжаөсь?! Ми — политикъясөн татчö зутшнитөм салдатьясыс?

Но вочасөн сюсьджыкөсь жö ми лоим воюйтнысö! Велалім жö мудеритны гöраяс пытшкас, мед көтö и быд йыв, и быд потас, и быд пу не миян дор. Мукөддырйиыс, лазутчиксянь юөр воөм бöрын, гусьөн-гусьөн петан базасыд да шыч ни рач «пуксян трöпа вылө», лунмөд виччысян, тар койт вылын моз чöла куйлан-пукалан. А сэсся и быд пöлөс оружиеөн воысь «духъяслы» аслыныс вöчан засада...

Лөк война, батыö!

Водзтисö көтö нин мыйтакö вöлі кокныдджык миянлы, сы вöсна мый авиацияөн ёнджыкасö вöлі «пöдтам» найөс. Но лоисны налөн американскöй зенитнөй ракетаяс, «стингеръяс», да ёна сбөктөдіс. Нешыштас сійөс «духыс» мыш сайсьыс да и косыштö-лыйö миян «вертушкаö», көтö самолөтö и — вöліс да эз ло!..

Сбөкыд война, батыö!

И мудзны нин ми пондiм тадзисö воюйтöмысь. А помыс сылы некөн на оз тыдав. Ми пырим Афганас интернациональнөй долг ради, а бöрсö ковмас петны код төдас кызди. Бöрсö, тыдалö, пондам петны чорзьöм-скöрмөм йөзөн. А гашкö и юр яндзимөн. Дерт, кодi ловйөн кольбö...

А сэсся, батыö, уна том зон тані юсьöны. Мукөдыс пöрöны войналөн лөк көинъясö. Тані том нывъяс — интернационалисткаяс! лөбны вежлясяна гөтыръясөн да «чекисткаясөн». Чекистканас тані, батыö, нимтöны сэтшөм нывъясöс, кодъяс велалöны вузавлыны асьнысö сьбм пыдди сетөм чекъяс вылө да тадзи мый вермөссыныс озырмөдчöны...

Вөлөмкө, со кутшөм мисьтөм, со кутшөм пеж войнаö тувкнитисны миянөс, батыö!

Мыйла миянлы быть колö афганъяссö мырдөн велөдны ас ногөн жö овны? Кор найө сюре вояс чөж нин олөны кызди көсйöны, кызди налы лөсялөджык. Да мед эськө и водзö сідзи жö олісны! Водзö эскисны асланыс Аллахлы да Мохамедлы! Öд тайö пеж войнаөдзыс бур сьблөмөн нин найө видзөдісны Россияяс вылө! А öні мый лоис? Öні афганъясыс — унджыкөныс! — вир лөг кутöны миян вылө. Та мында вирсьыс! Та мында шөгсьыс! Та мында мучитчөмсьыс!..»

Ок, Югид Шондіой дай зонкабй, эг тай куж ме тэнö видзны! Страна дорйыны мөдөдi, а пуктiн тай тэ төлка юртö йöз муын выживмөм вождьяслөн йойталөм понда!.. Да мыйла нö татшöма оз везит Россия-ыслы юралысьяссы вылö?! То вир юысь тираньяс тшапнитöны властьсö да сюрсясөн, миллионьясөн нырöны нинöмысь мыжтөм йöзöс. То сэсся на местаö дзикöдз нин лёбзьöм да выживмөм шөпьялысьяс воöны да мырдысьөн велöдöны мукöд кывья йöзöс, кызди колö овны, а мукöдысьяс кö оз кöйыны на нылыд мунны, ён войска пыртöны йöз муö, танкьяс да ракетаяс да сийөн зильöны пöдтыны ставсö. То сэсся бара на местаö тыртөм больгысьяс воöны, и ставыс, уна нэм чöж тэ-чöмаыс, пондö резыдыны да кыздисюрö киссьыны.

Ёртыс, дерт, и висгасис зонкаыслөн медбөрья бой йывсьыс. Кор налы юөртасны, мый вөрзьöма орчча Пакистаньян выль гуся караван öружиеөн, десантникьяс гусьөн кыпöдчасны вертолетьясөн, вуджласны весиг граница да сэтысян пондасны колльöдны «духьясöс». Сэни пö, кордон саяс, найö озджык на сэтшöма видзчысьны. А мыйөн сэсся локтасны нин «асладорö», «вертушкаяс» и вувзысьясны атакаö. Но öти «дух» буретш да и удитас öвтыштны мыш сайсьыс «стингерсö». Лыяс да и инмас Илляыслөн вертолётö. Гыпнитас ён взрыв. Усьöма да жара сотчö «вертушкаыс». Но гөгөр гымакылö чорыд кось. Кодi кодöс вермас! «Духьяс» дiнысь, кытчöдз ставнысö он маркнит, некызд оз позь лэдзчысьны...

Бур на көть, мый Чужан Муö дзевсис Югид Шондiой! Бур на көть, мый збой ёртгьясыс абу эновтöмабсь десанникöс «Ислам воиньяс» ордас!..

Öд со батыс Капит Пашлөн код төдас көни куйлö! Ыджыд вок Илляыс да! Код ради и нимтылис Капит Паш дона пиуксö...

Енмöй-Господьöй, мыйся нö тайö олөм! Кор батысöс и пиянöс öтарö чашйöны войнаяс вылын да көн да! Кор сы мында йöз морт ногөн оз вермыны кувны асланыс вольпасьыны!..

Лёк ногөн песьбь морөсас сьөлöмыс Капит Пашлөн, көсичаясас и кымöсас швачкö вирыс. Татшöма öддзöмнад кутшөм нин öни узьöм!.. Колö эськö кызкö лёньöдыштны сьөлöмсö и ловсö. Кызкö вежны думьяссö... Капит Паш чеччис да көмтөм кокнас ветлөддыштiс ыркыд джодж кузя. Сэсся сувтiс восьса форточка водзö да чунь помьяснас пондiс зыравны баябöжсö, кытi тай помасьö юрчась лыыс — юрвемьслөн мудзиггьясö век сийö тадзи вöчлö, сэки вирыс, буракö, лючкиджыка мөдö пожьявны ыпьялысь юрвемсö да бытгьöкö и кокньöдыштлö. Сэсся мунiс кухняö, ва стöканö кисьтыштiс холодильникысь көдзыд йöв да сийöс юнс. Кадыс петкөдлiс коймөд час, сiдзкö, часысь дырджык нин сийöс песöны лэчид-сатök думьясыс.

Колö эськö көть неуна вугыртлыны на! Но джодж кузяыд ветлөддыштөм бöрын сылы бара виччысьтөг мөвпыштсис, кызди коркö, кор зонкаыс ар нель-ö-вита на вöли, велöдiс сийöс маршруитны салдат ногөн. Сувтасны ая-пия сьöрсөн-бöрсөн, Капит Паш сьылö военной песняяс, ать-двайöдлö, ичöтик морт бöрсяныыс сэтшөм сьөлөмсян тшöтш топйöдлö да сьылышталö:

Солдатушки, браво ребятушки,
Где же ваши жёны?
Наши жёны — ружья заряжены,
Вот где наши жёны!

Ок-ок-ок, ачыс, буракö, и каймөдлiс зонкасö салдатас служитөмнас! Ачыс öд сийö, Капит Паш, немечкөд война бöрас регыд, пöшти нель во служитiс Польшаын, быдторсö аддзылис, и некор эз каитчыв, мый та дыра кад чöж ковмис армейскöй рок панявны. Аслас сьлөн татшөм сьөлөм кылöмыс, көнкö, йиджтөг эз ов зонкаыслы. И гашкö и, институтсö помавтöдз вермис на нөрöвитлыны Армияс мунны, босьтлыны отсөрочка. Но кысь! — «менам тшöтшьяяс, менам другьяс мунöны, и ме тшöтш муна жö, батьö! А сёрнджыкнад, институт помалөм бöрын, гашкö и сьöкыдджык нин лоö служитнысö...»

Сы мында и вѳлѳма ѳтувѳя шудыс ая-пиалѳн! ѳнѳ сѳмын и колѳс узѳтѳм вѳйясѳ пыр выльысѳ и выльысѳ катѳыны лов вылад коркѳ вѳлѳмасѳ да бырѳмасѳ!

Но кызкѳ колѳ на узѳыштны, узѳыштны, узѳыштны!..

А пувѳыс сѳтшѳм жѳ нин личыда шедѳ чунѳ помад и ки пыдѳсад. Быдмылас жѳ вотѳс! И сѳтшѳм гажа арпом на мыччѳс Енмыс!.. Капит Паш бергѳдѳчѳ веськыд бокыс вылѳ, ки пыдѳсѳсѳ пуктѳ кымѳсыс вылѳ, тшѳтш и кунѳм синѳяссѳ личкыштѳ чунѳ помѳяснас, и вѳчасѳн сылы пондѳ чайтсыны, мый сѳйѳ выльысѳ куйлѳ яглѳн небыд-лапыд яла нитш вылын, югѳялысѳ лыска пожѳм туганѳясын кокныдык тѳв мойдѳ-шувгыштѳ, арся югыд шондѳ мелѳа жайгыштѳ чужѳмас, и пув сылѳн унакодѳ нин вотѳма, кутшѳм нимкодѳ лоѳ гѳтырыслы и внучкаяс-ыслы...

Сѳсся и тадзи пѳсѳѳмсыс буракодѳ нин бонзѳѳм Капит Пашлѳн мѳвпѳясыс тѳдлытѳг орѳны-сылѳны...

5

Асылкинас Капит Паш век жѳ кызкѳ-мыйкѳ чеччѳдѳс асысѳ, кѳтѳ эсыкѳ и тѳлунѳя мудзыс, дыр кежлѳ садѳмылѳмысѳ да мѳвпѳясылѳн пѳсѳмысѳ, абу бура веськалѳма. Но зыралыштѳс-шонѳдѳс быдлатѳ — голя и кос, сойяс и кок пѳдзѳсыяс, кылѳдѳс ыджыд «нитронг» таблетка да и пондѳ пасѳтасыны. Наталь вѳлѳ чеччѳѳма да лѳсѳѳдѳчѳ жѳ нин — пузьѳдѳ чай да мукѳд пажынтѳр дасытѳ: вѳрад вотчынытѳ мунны сѳйѳс тай оз ков ѳна чукасны.

Пызан сайѳ гортын эз и мѳдны пуксыны — ягас пѳ вѳѳдчам да, сѳян вытѳыс ылѳкодѳтѳ мунѳм бѳрын ѳддзыштас да, вѳлисти сѳям.

Медводдза автобуснас, квайт час бѳрын, и гургѳдѳсны кежанѳнѳдзыс. Асывсѳнѳ бара на вѳлѳ шондѳа да сѳдз, шоныд, и тавойсѳ абу жѳ ѳна ыркавлѳма да эз вѳв руа, тѳлун асыв серти лысваыс, гашкѳ, сѳмын тѳкѳтѳ кызджыка сѳдзыштѳма турун-кор вылѳ: татшѳм войнад тай луннас бура шоналѳм муыс да войнас ыркалысѳ сынѳдыс оз чорыдасѳ тангысыны да оз вермыны лысвасѳ вывтѳ кызасѳ усыкѳдны... Векныдык ордым вывтѳ мунѳгѳн сапѳга кокнад пѳдзѳссыд вылѳджык он и кѳтасылы татшѳм асывнад. Сѳдзкѳ, лунтыр кежлѳ косѳн колян!

Автобусысѳ накѳд петысѳ кутшѳмсюрѳ вотчысыяс бара жѳ разалисны мукѳд ордымѳясѳ, Капит Паш гозѳя кыкѳн вослалѳны асыя чунѳк вѳрѳд, Капит Паш тѳрытѳя бедѳсѳ бѳр босѳтык киас, водзын кыпыда шалсѳй сѳйѳ, морѳс тырнас лолалѳ, вѳсныдык лысвасѳ куралыштѳ, а кытсюрѳястѳ и беднаыс пыркѳдалыштѳ, вѳчасѳн шоналѳ сѳйѳ да тѳрытѳя мудзыс бытѳтѳѳкѳ и дзыкѳдз бырѳ вир-сѳнсыс, и долыд Капит Пашлы асыя шондѳ водзын садѳмысѳ вѳрас, тшѳтш и сысыс долыдджык, мый абу ѳтнасѳн талун сѳйѳ, бѳрсяныыс вѳтчѳ гѳтырыс, Наталь, ас морт и бур ѳрт, кодныскѳд кѳ мыйкѳ лоѳ ли мый ли, век нин ѳтсыштасыны. Тѳдѳмысѳ, мортыдлы век нин ѳна бурджык, кор сѳйѳ абу ѳтнас!

Ёсыджык синма на Натальыс, кѳтѳ и бѳрсяныыс вѳтчѳ, регыд пондѳ аддзавны чѳс туй вывсѳнѳ тшакѳяс, томиник гѳрд гѳбѳяс да сѳмгѳбѳяс. Капит Пашлы весѳг нелѳсыд лолѳс, мый водзас мунѳ да оз казѳяв, тѳрыттѳ, шуам, мудзѳм вывсыд пув тыра ноптѳ кыскигѳн не наѳдз нин вѳлѳ-а, кѳтѳ эсыкѳ и, шуам, рытсыныыс эз на и тадзисѳ мыччасыны гѳбѳясыс, а шоныд войнас на ѳнджыкасѳ чургѳдчалѳсны. Сѳсся ѳд и тшак вотѳгад тай, пув-чѳд вотѳгѳн и, век нин бурджыка ѳкмѳ Натальыслѳн, сы вѳсна мый сюсыджыка видзѳдѳ сѳйѳ гѳгѳрыс да озджык тѳрмасѳ, озджык сѳтшѳма, кызди ачыс Капит Паш, чайшѳысѳ да кытшлав вѳрѳдыд бурджык сѳк корсѳгѳн, терпитѳмыс тырмѳджык Натальыслѳн кѳтѳ и ѳтшаник ѳмаинас вотчыны, да кѳтѳ и мукѳдтор вылѳ...

Но торѳясѳ эз пондыны манитчыны тшакалѳмѳяс вылѳ гозѳя да гажа вѳрѳдыд ѳдѳба вѳсылалѳсны водзѳ. Наталь и кок вылас тѳрыбджык на бѳрѳя вѳясас тѳдчымѳн небзыштѳм Капит Паш дорысѳ, нѳѳти оз кольччы, кѳтѳ кызди эн вѳсылав, весѳг кыздисюрѳ пѳрласѳм

көзъяса-вужляса да васод ёль көвтис вуджигон ур моз пелька на чеччалё вутшкысь вутшкөдз и пөрөм пуяс вывтi тюръялө. Та кузятё Натальыс өддён бур ёрт Капит Пашлы вөрө ветлигьясё!

Мед сөмын ёль саяс, кодзукоткар дінас, Михайлөыс эз воча ло налы! Татшөм мөвпыс эз-эз да и век жө бара на парсыштлывліс Капит Пашөс. Но да өд көть и шөйтө сійө көнкө тани, кыкөнсыйд ёнджыка жө повзяс да сайөдчас! Кыкөнтө водзджык жө кылас и казялас!

А чукчыис кө шедіс да ёсь нырысыс вайөдіс нин сы дорө Михайлөөс? Да өні буретш мурзө-чөсмасьө сәні? Сәки мый лоө? Сәки өд сійө, кузь пиня-гыжья гундырыд, не сөмын кыйдөссө оз сет, но весит и пувсикас оз лэдз. Да и сәкисө лысьтан өмөй матыстчыны вотчанинас? Вермас өд лөкысь вувзьясьны тшөтш и дөзмөдчысьяс вылө!

Татшөм мөвпьяссьяс Капит Пашлы, дерт, деливөджык сьөлөм вылас, торйөн нин ёльлысь шуштөм гурансө вуджигон, но өд, мөдөдчөма да, торйөн нин кыкөнөсь да, өні быть нин колө воөдчыны коланаинөдзые! А бөрсяныыс вөтчые Наталькөд татшөм мөвпьяснад, дерт, он жө юксьы...

Но, енсыкөд, пузувтөм кодзукоткар дінын бара на некод эз вөв!— важ моз өтарө-мөдарө жуисны сөмын орөм коска да орөм голяа, сир войтьяс моз югьялысь лыдтөм-тшөттөм олысьясыс карыслөн, тэрмасисны өдйөджык бөр чукөртны да йывдыны асьыныыс познысө-керканысө матысмьыс көдзыдысөдз.

— Наталь, шедөма өд, буракө, чукчыид!— Капит Пашлөн том-

— Ош тай тани пуркөшитчөма?

— А-а, важөн нин!— сувтлытөг да кызд вермис веськодьджыка шуис Капит Паш. Öні сьлөн сьөлөмыс кутны вермытөма нетшкысис төрытья октөм лэчланы!

Пөрөдтөм вөр дорөсөд Капит Паш кежис муртса төдчыштысь чөс туй вылысь... Со нин и пувсик рөчыс сьлөн!.. А со и сьөд сюра-йөга вужляыс!.. Но?! Воча йывланыөн лөсьөдлөм төрытья кык понөльсьыс өтиыс сөмын куйлө!.. Мөд понөлыыс, код йылө зэвтліс жилка лэчсө,— абу!.. Абу!.. Наталь пыр жө сатшкысис кок увсьыс вөрөдтөм на пув розьяс шарсьыны, а Капит Паш ёна шызьөмөй дзөръялө гөгөр.

— Наталь, шедөма өд, буракө, чукчыид!— Капит Пашлөн том дырся вөралігөныс моз тпкө сьөлөмыс, быдлаті ыпьялө-чепсасьө вирысь.— Шедөма, эз кө орөдчы да мынтөдчы! Видзөд со и гөныс кольыштөма... Да со тай нө, пожөм улас!.. Дерт көнкө, көсийс кыпөдчыны, да понөлыыс татшкысис пожөмас!..

Да, чукчи пасьвидзис-куйліс пашкыр пожөм улын! Сійө чөла куйліс гатшөн, ыджыд бордьяссьө паськөдөмөн, крукыля ён ныра кузь голясө нюжөдөмөн, коньөрлөн и ыджыд бөжыс тшөтш мичаа размуно-ма-шевгысьөма. И асья шондіыс сійөс дзоньнас бура югзьөдөма, да чим сьөд и чим едждыд, а синкымас и чим гөрд рөмьясөн бытьө вераліс-пөртмасис сійө, а ыджыд-паськыд морөсыс да мыйтакө и кыз голяыс тшөтш морөс дінсяныыс воляліс-югьяліс чуймөдана мича рөмөн — бытьөкө лөзов зарни рөмьясөн!

Капит Паш джөм сүвтіс татшөм дивөыс весьтө, шемөсмөмөн видзөдө сыв пасьта бордьясөн шевкнитчөм мичасьыс-мича лэбач вылө, видзөдө и видзөдө, и ёна нимкодь сылы, мый сяммис кыйны этатшөм чукчыөс, но сэк жө и жалькодь сылы, мый татшөм мича да ыджыд лэбачыс абу нин ловъя, коньөр, джагалөма сьлөн лэчкын...

— Но загреки тай, ёна и ыджыд да мича!— тшөтш матыстчис да пондіс шензыны Наталь.— Понөльсө чөгөма да нөбөдөма али мый татшөм вынаыс?

— Мый тэ, эз жө өд...— личмуныштіс таысь Капит Паш.— Ачым сідзи октылі: керыштөм кос понөль дінас лэчсө сनावлі. Тадзинас озджык орөдчы.

— Да татшөмыд өд кило вит-ө-квайт кыскас?— мөдар боксянь тшөтш доньяліс кыйдөссө Наталь.

— Виттө кыскас, кертөгыд-куштытөгьд. Но тайө абу на медыджыдыс, во-мөд-коймөдся тайө. Водзө кө оліс, ёна на эськө ыдждіс и

сьоктаммис. Том дырйи миянлы, Сыктыв йывса вөрьясын, օткымын чукаръяс пуд джынтяօсь веськавлісны.

— Но, загреки!— эз жօ вермы лօньны шензьօмысь Наталь.— Быдмылас жօ этатшօмыс, некодօн видзтօг ни вердтօг!.. Енмыс кօ нин ыстіс сійօс миянлы-а? Тадзи виччысьтօгсօ?..— Сэсся Наталь сувтовкерліс да тшօкмунօмօн содтіс:— Зонкаыдлօн нимлун кежлօ?..

— Гашкօ и сідзи...— ышловзис Капит Паш, кодлօн та вылօ пырьс-пыр жօ быттօ курзьыштіс горшыс.

— Но ме инօ понда вотчыны дорсяныс, мичаօсь и эм тай пув розьясыс.

— Вай вотчышт, эн на кօ мудз. А ме идрала чукарсօ да чай юам.

Медводз Капит Паш лэптыштіс чукчильс ыджыд-гօгрօс гօрд синкыма, биа из кодъ чорыд ныра да увсяньыс тошка юрсօ да казавтօг эз ов, кутшօма шыграсօма да бонзялօма зэлօдօминօдыс кыз жилка лэчкыс. Гашкօ и, збыльысь, эз кօ вօв сійօс домалօма вешласяна понօль дінօ, вермис и орны... Сэсся Капит Паш мынтօдіс юрсօ да бօр на лօсьыдінника лэдзліс вежов нитш вылօ, и некыз эз вермы кусօдчыны нимкодьясьօмсьыс: ыджыд лэбач куйліс ловъя кодъ, уна рօмьяса сук гօн пырыс некօн некутшօм доймօмин ни вир пас эз тօдчы — сійօ быттօ чим гօрд синкыма синсօ куньмօн да ён гыжъя гօна кокьясօ нюжօдօмօн узис ли, сідз шойччис ли асья югыд шонді водзын. Да синтօ пօртана вераліс-ворсіс став сօстօм рօмьяснас, кодьяс пиысь Капит Пашօс бара на медся ёна шызьօдіс-босьтчօдіс морօсылօн да голя подулыслօн лօзов зарниօн югъялօмыс-ворсօмыс.

Кутшօм лэбач! Му пуксьօм дырсяныс миян кадօдз воօм вօр дօтка! Уна сурс вояс пыр лэбօм мичлун! Вօр вотօс вылын да лыс вылын да из вылын кутчысьысь вын!

Но татчօ Капит Пашлысь сьօлօмсօ бара на юковтіс жальлун:

«Да мыйла нин ме кыйи татшօм Дивօсօ?! Мыйла нетшышт татшօм мичсօ гажа вօрыслысь? Абу на օд ме вир тшыг, мед кынօмпօт ради? Али куш сօмын сы ради, мед ышнясяна петкօдлыны ачымօс: со пօ ме век на кутшօм сюсь да сяммысь!..»

«Али, збыльысь, кызди шуօ Наталь, зонкаыслօн нимлун кежлօ Енмыс ставсօ кызди колօ лօсьօдіс?»

А сэсся, дзик нин виччысьтօг, Капит Пашлысь жальлунօн доймыштօм сьօлօмсօ пօвсыштіс весьօпօртана мօвп:

«А гашкօ, зонкаыс налօн, вертолётые пасьмунօм бօрын, лэбовтіс сэтсыань да тадзи жօ куйліс Афган му вылас? Гашкօ весиг медводдза здукьясас и ловъя на вօлі? Сэсся, чукчыны моз жօ ёна пессьօм бօрын, вօлисти нин петіс коньօрлօн лолыс?»

Капит Паш весиг нориника ымօстіс татшօм мօвпьясьыс, сэсся весиг пыркнитіс юрнас, мед мынтօдчыны наысь. Но кызди мынтօдчан? Абу օд найօ, лэчыд-сатօк мօвпьясыд, юрси вылад исковтօм лысва, ни абу юр вылад пуксьօм арся гылалօм кор...

«Ок, Югыд Шондіօй, асьтօ тай помалісны ад горш политикьяс, дай миянлысь, мамыдкօд, олօмнымօс нэм помօдз нин пондасны дзужавны лօк би вылын моз!..»

Капит Паш шылькнитыштіс чукчисօ гօн нылыдыс, мый позяна паськօдліс топыд-сук гօна бордьясօ, мича веерօн бօжсօ тшօтш паськօдліс. Важօнтօ нин эз кыйлыс да, օні сійօ быттօ дзик нин выль синмօн аддзис ыджыд-мича да тшօтш быттօ и гордօй лэбачсօ!

«Колօ меным татшօм мича бордьясօ да бօжсօ дзоньнас лօсьыда торйօдавын, ньօти куштытօг, лючки косьтыны да стено паськօдавын. Дачаын эм кызлудін чօлօс, поэь сы дінօ мичаа лօсьօдавын да օшօдны».

Сэсся Капит Паш лэптіс нитш вылысь сьօкыд чукчисօ да кусыньтіс юрсօ борд улас. Нопйысь перьяліс сёян-юан, кыйдօссօ суюис сэтчօ да вօсьсօн օшօдіс шонді ичмытօмина козувийօ.

Вօлисти сэсся гозья пуксисны асья чай-юны да нурьясьыштны. Кузь асывбыд нин ноксьօм бօрад, вօр ордымьясօд кузятօ вуджօм бօрад кыкнанныслօн азыма сёйсьօ, торйօн нин термосьыд пօсь чай

сорнад. Сэсса өд и асывсыянык ставык на лючки да бура артмө налөн. Пувсө вотны со абу на пановтөмаөсь. Сэсса и со кутшөм чукчи шедіс! Татшөм лаचाык, буди, важөн нин эз вөвлы гозьялөн-а? Мукөддырйиык тай олөмыд не сөмын чорыд чабырьяснак песө мортөс, но и мыччөдлө югыд-лышкыд бансө ассык. Мый сэсса, тадзинад кө, позьө на и водзө олыштны. Да пөттөдз нимкодьясны югыд шондіа луннас. Да вөрөдтөм на пувсө бурпөт шырзыны. А водзын сэсса и важөн нин видлытөм дозмөра шыд найөс виччысө. Коми мортыдлы мый вермас лоны таык бурджыкык да чөскыдджыкык?..

Нурьясыштөм бөрын Наталь өдйө бара чепөсийк вотчыны, татшөм пувьяинад жаль сылы көтө өти здук весьшөрө воштыны. А Капит Паш здук кежлө нөрөвтчыліс на мышнак кыз пожөм динө, төлунья мудзясык өд сылөн лючкисө. веськавтөмөсь лоины, талунсө сылы, дерт, не нин вотчыны төлуньяык моз. Но да мед, сы пыдди сылөн дозмөр лои. Быдса сьөд чукар! Ачык на бара кыйиык сійөс! Гашкө и аслак олөмын медбөртя чукчи нин кыйиык!..

И войса ыркавлөмысь-лапмывлөмысь бөр шоналө да косьмө вөрваык. И лөсьыд татшөм вөрас, татшөм гажаннак кыкөнлы налы, гозьялы. И мыйта нин өтлаыкө келавлөма налөн, гозьялөн, вөрваөд! Мыйта өтлаын вотчөма и вөрөвлөма! Вөр чөскыднак асынысө и челядынысө номсөдлөма! И бур, мый кольыштисны на каргөгөрсө тайө вөрьясык, кытчө век нин позьө петавны да бурмөдыштны ловтө!.. Ок эськө, вөлі кө накөд тшөтш и Югыд Шонді пиукнык!..

Шөрипөв кусынтчөмөн копрасьө лышкыд яглы Наталь, татшөм пувсикад дыр мысти веськаліс да, өні сійө, дерт, пажынөдз лючкисө оз нин веськөдчыв. Быттьөкө и оз вывтисө тэрмасы Наталь, но сылөн өдйө содө көрзинаас, сы вөсна мый ковтө шөйттөг дорыв сөвтө и сөвтө. Мыйта нин чөд и пув, мырпом и турипув, не нин сөрнитны тшак йылысь, өктылісны-вотлісны вөрсык сылөн киясык! А бөртя вояснак тшөтш и быдтисны дача динын оз да сөтөр, крыжовник и помидор! Отарө сьөктаммысь олөмак ставык тайө кутшөм отсөг аслынык да тшөтш и ныв позтырыслы!..

Гажа лунсык да бур кыйдөссык нимкодьямөм Капит Паш шоны да видзөдлывлө азыма вотчык гөтырык вылө да талун кызкө торйөн нин меліа мөвпалө сы йылысь. Весиг кор нин и пондө тшөтш вотчыны, Натальыскөд йитчөм мөвпык, ёльпөлөнса чөс туй моз, водзө на чукольдлө-каттысьсө.

Со өд, төдтөг-виччысьтөг адззысисны коркө сьөд чукчи Капит Паш да, еджгов байдөг Наталь да, бура ли лөка ли, пөшти нелямын во нин өтлаын олөны! Ныла-пиаөс быдтисны, внучкак эмөсь!..

Армия бөрас Капит Паш мыйкө дыра кежлө медасыліс уджавны леспромхозө, сы вөсна мый гортө, Вылыб грездө, эз жө нин кайсык, сөрниясык вөлі мунөны нин сійөс петкөдөм йылысь да. Паровоз вылын топка ломтис сьөкыд кузь пес чуркакөсн, унакодь пөсь кыстис, өнджыкасө Ыджыд Егор вокыскөд лэччөдлісны паськыд Тям ягысык кольыштөм на мича вөрсө. Сэки и адззысисны Сьөд Чукчи да Еджыд Байдөг! Натальык вөлі юпөлөнса ыджыд улык складын примитө вайөм вөрсө. Мыйөн сылы воөма сьөлөм вылас тшынысь-сабсь чужөма чукчык, кодлөн пө, кызди ачык не өтчыдысь серавліс бөртинак, бубулялөн кодь сьөд ныр-вомак куш сөмын пиньясык да синьясык дзульялөны?! Но со тай, чеччөвтөма өта-мөдсянык кутшөмкө өзтана би кинь!

Леспромхозын и сиктын сэки, война бөрас регыд, чорыдакодь юисны, быд пельөсын — өнія моз жө! — кысталисны водка и спирт, и Капит Паш поліскодь, мый вокык моз, Ыджыд Егор моз, да и унаөн мукөд моз, тшөтш велалас вывтиджык юны либө дзикөдз юсыны. А окота на вөлі велөдчыштны, кутшөмкө бурджык удж олөмак вөчны, куш сөмын сизим класснад том мортлы кызкө быттьө яндзим вөлі став олөмсө коллявны. А рытъя школа леспромхозын ни сиктын сэки эз на вөв. И Натальыскөд өтлаын найө шуисны сетчыны карө! Мый лоанаык ло! Мамык Капит Пашлөн ловтя на вөлі, гөгөрвоис жө пи-

ыслысь татшом көсйөмсө да вывтисө эз мод пыксыны. Төдтөг өд эз ов сийө, мый керсьо ыджыдджык пыскөд, Ёгоркөд...

Карын, дерт, воддза кадсө ёна сьөкыд вөлі сиктса пөткаяслы! Лючки удж Капит Пашлы оз сюр, овны ковмө йөз керкаясын, ичөтник жырьясын. А сэк кежлө кага нин чужис, нывканыс. Воддза вит онас вит татшом патера лои вежны вьль карсаяслы! То кага бөрдөм дөзмөдө көзяиньясөс, то Капит Паш вывти сөрөн локтө рьтъя школаьс да садьмөдө найөс, то шойччан лунө ёртъясыскөд не сідзи пукавьсөма, то нөшта мыйкө,—видзөдан да, бара нин дузгөдчөмаөсь: ми пө огө лөсялөй тиянкөд, мод оланін пө ковмас корсьны. А кевмысьны да коньбра дзайгыны Капит Паш сідзи некор эз и велавлы... Но, шуны кө нин: мыйта быдторсө лоө терпитны мортлы! Век кодыськө да мыйыськө тэ зависитан! Век тэнө кодкө да мыйкө кутө и личкө! Тьпу!!!

Но, көть мый, эз тай усьны сьөлөмнаныс том гозья! Наталь век уджаліс аслас вөр делө кузя — помавлөма сийө техникум,— а Капит Паш пондис мырсьыны стрөитчанинын, юөм вылө ёнасө эз сетчы, да, көть кутшөм сьөкыд эз вөв, уджалігмозыс помаліс рьтъя школа. Онөдз оз вунөд Капит Паш сийө лунсө, кор сылы мыччисны Шөр Школа помалөм йылысь аттестат. Од мыйта ун вөлі пальөдөма сийөс босьтөм могысь! Мыйта гежмалөма өткөн войся карлысь пемыд уличаяссө — и төвся чизыр көдздызяс дырйи, и боки керкаяс дінөд пидзөсөдзыд нйит арся войясө!

А сэсса и — өддзөм вывьсыс!— Капит Паш заочнөя помаліс стрөитчан институт. Ёна вылөдзсө удж кузяыс эз кыптьв, та кузятө некор сийө вывтисө эз ыкшасьлы, но вөлі и мастерөн, и прорабөн, а пенсия вылө петіс стрөитчан управлениеса начальникөс вежысьсянь. Сідзкө, мыйкө да мыйкө лои и вөчыштөма олөмас. Торйөн нин бур пай лои пунктөма Коми йөзлысь шөр карсө мичмөдөмө. Отсямаджык керкаясөн сийөс тшыкөдөмө ли?.. Таьсь Капит Пашлы весиг сетлісны «Знак Почёта» орден!

Эз кө эськө сыкөд орччөн ло Натальыс, өдвакө эськө тадзисө артмис! Од сийө, Капит Паш, радейтліс и ёртъясыскөд пукалыштны пызан сайын, мукөд дырйиыс ышмысь этшнад оз и казявлы, кызди унджык юсяс. Дерт, шуам, Ыджыд Ёгор вокыс вьйөдз, гашкө, эськө эз жө во, но орччөн век нин лөсялысь Натальыс кодь «кусөдчысьтөгыс» быд дивөыс на вермис артмыны. Натальыс кызкө тай век вермыліс терпитны сылысь татшөм шыбөлитчөмьяссө. И некор эз зильыв верөсыскөд отлаын помавны вина доз! Оні, мукөд дырйиыс, Капит Паш повзьөмөн мөвпыштлө: а мый эськө лои налөн, гозьялөн, Натальыс кө, уна кодалысь баба моз, велаліс жө вина дінас? Ой, сэки эськө, кыкөннад өтвылысьтө, өдий и юсисны найө! Некутшөм велөдчөм ни челядь быдтөм эськө не аддзывны налы!

А сэсса и «велаліс кө» шуөмыс Натальыслы некызди оз лөсяв! Чөскыд вина дінад позьө «велавны» өтчид видлөм бөрын. Чөскыд сөян дінө моз жө. Тані медколанаыс да медыджыдыс — асьтө кутны кужөмыс да вермөмыс! Юыштав гажлун вылө, коланаинө ловтө кыпөдыштөм могысь, но — алява эн юсьы! Ачыс сийө, Капит Паш, дерт, оз вермы шуны ас йывсьыс, мый Наталь мозыс татшөм ногөн жө овліс, джөмдылөмыс сылөн унаыс лоліс, но, думсьыс, колана бурджыкляныс век жө синліс, лөкысь усьлөмьяс бөрас кызкө-мыйкө бөр чеччыліс да зывөкпырысь весавліс лов вывьсыс нйитөссөминьяссө. И уджаліс, уджаліс...

Да, талун ёна сьөкыдджык вотчынысө Капит Пашлы — коскыс чунйөдлө-доймө, задпомьясыс доймөны, та понда сийө талун торйөн нин уна пидзөс вылас и пуксөн өктысьсө, кымынөн нюжгысьлөмөн и, ёна нбөжмыдджыка төлунъя серти вотчө, но сы пыдди сөмын мичаджык-гырысьджык розьяссө босьталө, посниджыкьясыс мед на кольөны вөр пөткалы, оз кө на бөрын мукөд кык кока да куш целя пөткаясыс ставсө куштыны...

Не сы мында вотчө талун Капит Паш, мыйта быдтор йывсьыс мөвпалө. И нимкодьяс оз лаймы сылөн, мый татшөм пөткаөс на кы-

йис, но тшотш быттьо и мыжкодыс оз жо кус лов вывсыс — сысыс, мый татшом ыджыд-мича поткалыс бара на со босытис ловсо. Дерт, шуам, яй сеянтотг сийо эз на жо велав овны, но од лавкаыссыс нобан быд ногыс тшытшлом торъяс нин, да и гортса пемосъяслыс, кодъясос йоз та выло и быдтоны-вердоны. А тани чукчисо коди вердис-юкталис? Коди вочлис сылы шонид-кос позсо? Сийос од медводдза гожомнас мамыс мыйтако велодыштит сомын, кызди да мыйон поткодчыны Ыджыд Ворян. Кызди коло видзчысыны лэчыд гыжъя Варышыс да мудар Ручыс. Но, дерт конко, мамыс эз и куж олодны, мед эскю пыслы ловъя юрон не пырны Морт кион зэвтотм лэчко. Мортлон од ыджыджык вежор, сийо кужо быд ногыс порйодлыны ворса олысыясос. Сийо жо вермас и дзикодз выло куштыны став вор-васо, быродны пемосъяслыс став оланисо. Сы восна мый ыджыд вежорыскод тшотш Мортлон совмома и ыджыд горшлун...

А сэсся Капит Пашос бара на повсышто дзужалана мовп:

«А ми омой но, асыным, коть и мортъясон шусям, вермим олодны зонканымос, мед сийо эз пыр юр воштанинас?»

Кутшом медлек адас веськалис шудтомыд! Од сомын они, боръя воясас, пондис тыдовтчыны, мый керсьома сэни. Збылыс некутшом жальлун тодтом война ыпъялома Афганас! Милость тодтом! Плено веськалом мян йозлыс по мукод дырйиыс моджахедъяс перъявлёмаос синъяссю! Орийодломаос медся гусяинъяссю. И весиг по дзоньнас вир-яйныс торйодавлёмаос! Медым корко, лоан Страшной Суд дырйи, мортсылон кувтом ловлы некытчо нин лоо борсо пырны да вылыс овмодчыны...

О, Енмой-Господьой, мый вочсыо му вылас тэнад син водзын?!

Кызди сомын ставо тайос терпито мамыс-а, Наталь? Од газетьясто лыддьо да, радио-телевизорто кывзо-видзодо да, мыйко думайто жо сийо, коньор? Ловсо нетшкытог оз жо ов зонкаыслон помасьомкод йитчом быд казтыштом! Но енджыкасю гусьон шогсывлө-бордльвлө Наталь, мед нин аслас курыд синваон содтодыс не дойдавын Капит Пашос. Сэсся и отырышъя ноксьомнас-уджаломнас зильо венны шогаломсо Наталь. Гожомбыд дача йорын ноксьо, быдсяма вотоссо быдто, огуреч и помидор, картофель и капуста, а кузь товбыдыс кю нылыслы да внучкаыслы быд полос новлан колуй, лавкаясю котралю лючкиджык сеян-юан корсьны, пусьо и пожасьо... И видзод со и пув вот, а неуна водзжык чод вотис, банкаясю тов жежло подлалис... Еджыд чышьянон чиблюгалома юрдибсо Наталь, ясыд на лоз синьясыс кыйкъялоны гогор, Капит Паш этшон сийо оз на пидзос вылас да пуксон вотчы, кок вылас на сийо сулалю, шорипов кусынтчомон, коскысылон нюдзджык на веросыслон дорыс, не нин сернитны вир-яйсылон ковтотм сбюкта йылыс — квайтымын аросыс жо нин петис Наталь, но быдлатисылон томджыкдырся мозыс на швычок и гогрос. Да и таблеткаясю, винаос моз жо, шочджыка на кылөдльвлө сийо...

А ачыс сийо, Капит Паш, таблеткаясюгыд, буракю, оз нин вермы овнысю. Сэтшюма доймис сьолөмыс зонкаыслон быром борын. Сэтшюма кыткю ворзис! И лолыс, дзоньнас, сэтшюма кызкю быттьо пондис вежсыны Капит Пашлон! Ачыс модис казавны, мый ена этшаджык пондис серавны. Пошти дзикодз дугдис сывны, коть эскю водзтиясю сы мында сылан, комион и рочон, воли ливкюдлас, и не сомын гажа юрон...

А сэсся тай и олөмыс, быдсоннас босьтомон, серавны ни сывны оз жо ышод! Они со пырыс мортлы керка одзостю полан восьтыны, отарю чайтан, мый грабитысыс пыроны, пырыс-пыр жо бытшйодласны тэно омөлик эмбурыд понда. Газет и радио и телевидение куш сомын та йылыс и дожнало. Политикъяслон ота-модныскод помасьютотм вен-зык йылыс да. Джын йозыс лючки оз уджавны, сомын гусясьоны да доныс-донон вузасьоны. Йоз лосьодоны ружйюяс да пистолетъяс, дороны ошинь и одзос, карса керкаясын отырышъя камгом сомын и кыло. Куш оти помасьютотм камгомсыс верман йоймыны! Нывбабаяс полоны вайны кагаясөс, коймод пай выло нин по чинюма

**Иван Григорьевич
ТОРОПОВ**



И. Г. Торопов чужис 1928 вося август 27 лунö Койгорт сиктын. «Войвыв кодзув» журналын медводдза очерксо йöзöдiс 1958 воын. 1964 воын Коми издательствоын петiс сьлөн медводдза книга — «Ныв локтiс пармаö» повесть. Сэсся комиён да рочён петiсны висьтьяс, повестьяс да романъяс: «Ми — войвывсаяс», «Юяс да сьёлöмъяс», Федя Мелехин йылысь цикл, «Чужин кө мортён», «Арся сьыланкыв», «Тян» да с. в. Вель уна книга лэдзöма Москваса издательствоясын. И. Г. Торопов — Россияысь Государственной премия лауреат.

Владимир Александрович ПОПОВ



В. А. Попов чужис 1934 вося январь 1 лунö Изьва сиктын. Медводдза кывбурсö йöзöдiс «Войвыв кодзув» журналын 1951 воын. Медводдза кывбур чукöрсö — «Тувсов йöлöга» — лэдзис Коми издательство 1960 воын. Сыктывкарын да Москваын постлön петiсны книгаяс: «Бара аддзысим», «Когда на Севере весна», «Чуксасьöны вояс», «Мое лето» да с. в. — ставыс дас сайö сборник. В. А. Попов — Коми Республикаысь культураса заслуженной уджалысь.

выль йёзсё чужтёмыс! Пемыд да тыртём войся уличаяс... Быдлаё, гудыр няйт моз, лювгё-паськалө полём. Да став дѳнас веськодълун. Лёг-лун. Да морт ловлөн усьём-тшыксьём...

Со тай кызди ставыс бергөдчис сѳдз шусяна өнѳя кодѳ Демократѳя дырѳиыс. Сэтшөм нин колана вөля дырѳиыс. Торъя мортыс, юрсө вылө лэптөм пѳдди, нөшта на коньбөрджыкөн да дорѳйтөмөн лои. Унджыкөнныс!.. Да өд Демократѳиясө керигөн, став важсө пазөдтөдз, медводз колѳс буретш да торъя мортыс вөсна медъёна кутны төждсө! Водзвыв артыштны, мый странаса йөзыслөн этшныс и ловныс быд ногыс песөма и зөвтөма лёк тюрмаясын да афганъясын да көн да. И этшаник бур дырѳиыс помтөм-пѳдөстөм лёк вермас вузвѳысьны...

Да и мыйся нө тайө страна сэтшөмыс?! Öтарө воюйтө да муртса на ладмыштлөм олөмсө мөдар путкыль бергөдавлө? Некутшөм йөз колөналөн лючки олөмыс оз и артмыв! Со тай нө сылөн, Капит Пашлөн, батыс и медыджыд вокыс пуктѳсны юрнысө немецкөд война вылын. Кодлөн пансьөмын пө, ' кызди өнѳ тыдовтчө, не этша мыжаөсь тшөтш и асланым «великөй вождьяс». И сысянь став олөмыс пондѳс киссьыны налөн, Капит Пашъяслөн, ловйөн кольбөмаясыслөн!.. А сөсся и чужан грезднысө бырөдѳсны-пазөдѳсны, кага дырсянь төдса да муса вөр-ваысь көдзөдѳсны.. А помасьө мыйөн сылөн, Капит Пашлөн, олөмыс? Дона пиуксө — став гажсө и шудсө гозъялысь!— нөшта на йөйджык война вылын нырыштөмөн помасьө! Да быдтор дѳнө эскөм кусөмөн...

А гашкө, империяыс өна мыжмис Ен водзас да та понда сэтшөмасө өнѳ вийсө? Революцияяс вөчалѳс, нэмъяс чөж өтарө босьталѳс уна муяс да народъяс да өнѳ сөсся, и киссьөм бөрас нин, ыджыд кынөмнас оз вермы лөнны, оз вермы пуны-пөжны пытшкөсас ставсө?

А гашкө, найө, Капит Паш гозъя, тшөтш жө аслыснога чукчидозмөръяс да? Ыджыд олөмас? Да важөн нин шедѳсны жаль төдтөм лёк олөмыслөн зэлыд лэчкө? И өнѳ сөсся джагавтөдзныс, медбөръя ловшыөдзныс, ковмас нин тривкѳысьны-пессьыны сәнѳ?..

А гажа луныс өтарө шоналө и шоналө. Вотчысь гозъя вочасөн шоналөны-пөсялөны жө, быдлатѳ нылөдө налөн, пөсялөм чужөмө горша сатшкысьө кыськө петөм посни геб, синмө койө-пырө, өтарө ковмө өвтыштчавны сыысь. Вотчөмыд — сьөкыд удж, торйөн нин олөма йөзыдлы. Но мича пувтө гажа луннад вотөмысь некыз он вермы дугөдчыны коми мортыд! Вирас нин сылы йиджөма тайө бурсы! Öд мыйта нэмъяс чөж нин коми йөз, налөн бать-мамныс и пөль-пөчныс, Енлы моз тадзи жө копрасьлисны чөскыд-пөтөс вотөсыслы, тыртлѳсны сѳйөн чуманъяс и пельсаяс, и бурджыка кө мөвпыштыны, мый ыджта пай пуктѳс Королева-Пувѳиыс дзөньнас коми йөзлысь олөмсө кутөм!

И тадзи жө чукчи век кыйлисны коми войтыр. Уна-уна пөтка!

Ок, өна и чөскыда пасьясны таво зонканыслысь нимлунсө! Тшөтш и мукөд усьөмаясөс да кулөмаясөс, өти сайын, кодөртасын...

И бур на, мый кыкөнөсь найө, Капит Паш гозъя — өта-мөднысө век нин кызкө да мыйкө кутышталөны и пыкышталөны! И мед эськө налы водзө на не усьны сьөлөмнаныс өтарө лёкмысь олөмас, дзикөдзсө не сетчыны шөгьясыслы да быд пөлөс личкөдъясыслы, не воштыны Морт этшнысө-сямнысө. Да, мый вермасын, водзө на отсавны ныв кытырыслы, өд налы абу жө конкныдджык өнѳ!..

Гортлань мөдөдчигөн, кор Капит Паш лэптѳс мыш вылас чукчи тыра нопсө, а чышъян-марляөн вевттылөм пув чуманъяссө босьталѳсны киясаныс, Наталья медбөръяысь видзөдлѳс шоналөм лөз синъяснас лышкыда козыналысь пувсыкыс вылө да шуис:

— Аттьө, вөрөй-вердысьөй, таво тай бара на тырыс козыналин мянөс!

— Сөысь аттьө и эм!..— виччысьтөг джөмдыштөмөн шуис тшөтш вербөсыс, Капит Паш.— Ыджыд чукчынысь и чөскыд пувѳиысь аттьө. И вермим на со таво та ылнаөдз волыны. Водзбөсө кызди лоас-а...

Вай жö пуксьылам воча

Мöдлөн лонн да, адзысьлам шоча,
Но и та вылö вывтi ме рад.
Вай жö пуксьылам бара ми воча,
Вай жö олыштам ассьыным кад.

Вай жö синъяснад нюмдыштлы бара,
Бара йöйөн ли, мыйён ли шу.
Ме на тэныд и Енмыс и царыс,
Мед и кок улын бергöдчас му.

Кодлы кутшöм нö мянöдз делö?
Кодi тöдö, мый позьö да оз?
Медтö вöлин и аскомысь смелөн,
Медтö радейтiн öнiя моз...

Висер вожын

Тiянын кö гöтырпуыд бырис —
Висер вожын мича нылыд тырыс.
Ачым сэтись зарнианöс корси,
Майбыранöй, эг тай меёй сорсьы.
Ок и шань да мича гöтыр сюрис,
Менлы вылö абу сыысь бурис.
Быдтор вылö судзсьö-тырмö сямьс,
Ставсö вöчны велöдлöма мамыс.
Ок и лючки ськөд олам-вылам,
Быттё гажа праздник дырйи сьылам.

Пыдди пукта Висер вожса мусö,
Пиёй сесь жö бөрьяс гöтырусö.

Куим кор

Бура важөн войсянь тöлалö,
Бура важөн вөрзис юсь.
Кодкö лымсö зiля чöлалö,
Но эз чышкымөн на усь.

Пувтö вотны кадыс туйö на,
Кöть и кынмыштö нин ки.
Пачö пес и сартас суйöма,
Сöмын чуткы сэтчö би.

Кильчö помын пыста кокасьö,
Кыддзын эм на куим кор.
А öд тöрыт быттё окасим,
Ягысь тшакнад лэччим кор.

Пелысьöй дай пелысьöй

Пелысьöй дай пелысьöй,
Көн нö вöрсö келысьöй?
Көн нö менам кыйсьысьöй,
Дзик öти да лыйсьысьöй?

Көн нö лэчсö сиалис,
Көн нö бисö биалис?
Кутшöм ягöдз кыссьылис,
Кутшöм ёлын мыссьылис?

Көн нö сийö кётöдчö?
Мед нин гортö мөдöдчö.
Ёна дыр кö шöчалас,
Пывсянöй öд кöдзалас.

Пыкöд

О, кутшöм бур, кор том на — ов да ов,
Кор оз на зингы мышку саяд пöлыд,
Кор оз на юась, колö и оз ков,
Көн вöлин, кодкөд вöлин, дыр-ö вöлин?

О, кутшöм бур, кор пыкöд тэнад эм,
Да тэнö, йöйöс, терпитöмөн олö.
О, кутшöм лёк, мый сöмын öти нэм,
Ме думысь, этша вылö, кыкыд колö.

Вöли эськö...

Оли батыö-мамö ордын,
Да эг налөн сэсся ло.
Вöли эськö туй и ордым,
Да эг кытшовтöгыс во.

Вöли эськö верöспуыс,
Да эг бöрийсьöмысь пöт.
«Шуда лоан», — чиган шуис,
Да эз деньга вылад тöд.

Вöли эськö корадоддыс,
Да эз кыпöд лым ни бус.
Вöли эськö мусакоддыс,
Да эг öзйы ни эг кус.

Вурда ёль

Вурда ёльö, Вурда ёльö
Куим чибльöг менам кольö.
Öти көнкö медся йылас,
Визув вомөн поскодъ вылас.
Мөдöс коли туй кост шöрас,
Сэтöр вужйөн дзугсьöм вöрас.
Коймөд дзик нин ёльлөн вомас,
Валань нёрöм вожка помас.

Вурда ёльö, Вурда ёльö
Менам олан гажöй кольö.

Кытчө нө тэ видзөдан?

Окасьоны гөлубъяс,
Ми нө мыйла ог?
Ставыс бур на вөлі да,
Мыйысь тэныд шог?

Кытчө нө тэ видзөдан
Өшиньбдыс пыр?
Сьөлөм бердын видза да,
Он жө мун да быр?

Мед нө корйыс гылаліс,
Коркө петас вель.
Прөстө, гашкө, ылалін,
Али муса збыль?

Зарни пыдди видза да,
Он жө сыв ли быр.
Мыйла бара видзөдан
Өшиньбдыс пыр?

Ветла раскө, сямөд куля

Ветла раскө, сямөд куля,
Сійө шедө лөддза юляс.
Сямөд куля, туйс кера —
Өти вугъя, куим сера.
Туйс кера, тэныд сета,
Медым мича нюмыд петас.
Тэныд сета, вөрө каян,
Уна чөскыд мырпом ваян.
Мырпом ваян, кушөдз сөям,
Юмов гозъя тэкөд лоам.

Сьөлөм вылө воө Юля,
Ветла раскө, сямөд куля.

Рытъя

Коръяс окасьмөн сөмын төлалө,
Банйө рытылын вөр пу йыв.
Ок и лөсьыда гудөк чөлалө,
Ок и лөсьыда сьылө ныв.

Сиктсьыс мунсьөма бура ылө нин,
Тэкөд танъясын эг на-й вөв.
Мед и ворсөны, мед и сьылөны,
А ми сулыштам тэкөд чөв.

Көка лэбулас эзысь кисьтөма,
Регыд зарниөн письтас сэт.
Мыйкө талун ме тэныд висьтала,
Мыйкө висьтала сөмын тэд.

Бара менам сьӧлӧм висьмис

Нӧрыс йылын ӧмидз кисьмис,
Нӧрыс бокрын банйис оз.
Бара менам сьӧлӧм висьмис
Дзик жӧ тулысьяыс моз.

Кодкӧ озсӧ вотны воліс,
Ӧмидз дорӧдзыс эз кай.
Мыйкӧ бурдӧдчыны колӧ,
Да оз некод нинӧм вай.

Киссис ӧмидз нӧрыс йылын,
Сідзи некод эз и вот.
Зэв на сьӧкыд сьӧлӧм вылын,
Но оз сэтшӧма нин сот.

РЕДАКЦИЯСЯНЬ. Миян діно шыӧдчылӧны норасьӧмӧн: «Войвыв кодзув» пӧ
лыддьысьысьясы воӧ сӧрмӧмӧн. Пасьям: редакция дасьтӧ да сетӧ став гижӧдсӧ ти-
пографияӧ ас кадӧ.



Геннадий ЮШКОВ

БЫДӦНЛӦН АСЛАС ОРДЫМ

Во помас лоӧ коми гижысьяслӧн ӧкмысӧд съезд. Кольӧм каднас, дерт, вӧчӧма абу этша. Поэтыяслӧн да прозаикъяслӧн петісны вель книгаяс. Быдмис-вынсяліс и гижысьяслӧн котырыс. Сӧмын 1991 вонас Россияса гижысьяслӧн союзӧ примитӧма республикаыс дас мортӧс. Татшӧмторйыс эз на некор вӧвлы. Коми литературалӧн ӧнія да аския могъяс йылысь аслас мӧвпясьӧн талун юксьӧ Коми республикаса гижысь котырӧн веськӧдлысь Геннадий Анатольевич Юшков.

— Буретш вит во лоӧ сійӧ кадсяныыс, кор ми нуӧдім Коми республикаса гижысь котырлысь кӧкъямысӧд съезд. И устав серти колӧ нин ӧкмысӧдысь чукӧртчывны. Сёрниыс, дерт, сәні кыптас литературалӧн сӧвмӧм йылысь, мый бурсӧ лои шедӧдӧма тайӧ кадколастас, кутшӧм сьӧкыдлунъяс паныдасьлісны, кодарӧ ми нырччам-мунам. Меным, тыдалӧ, кызди веськӧдлысьлы, ковмас дасьтыны доклад сямӧс, сетны кутшӧмкӧ дон литературалӧн воськовъяслы, рочӧн кӧ шуны, литературной процессылы. Водзсӧ ӧд кызди уджавлім? Зілям вӧлі веськӧдлыны быд гижӧдӧн, сетны быд кывбур либӧ висьт тэчысьлы кутшӧмкӧ дон, пуктавны налысь вӧчӧмторъяссӧ аспӧлӧс джаджъясӧ. Шӧр могыс литературалӧн, тыдалӧ, сыын, медем казавны мый вӧчсьӧ миян гӧгӧр, чуйдӧдны йӧзсӧ, лыддысьысьяссӧ вьльторъяс вылас, гашкӧ, и лӧксьыс ӧлӧдны.

Миян гижысь котырлӧн борд улын петӧны «Войвыв кодзув» да «Би кинь» журналъяс, «Север» журналлы кутшӧмакӧ лоӧ отсасьны и. Йӧздӧсьӧны коми да роч гижысьяслӧн вель книгаяс. Найӧс лоӧ жӧ кутны син улын.

Тӧждыс талун сыын, мый олӧмас миян зэв унатор вежсис, торйӧн нин бӧръя кык вонас. Мӧд синмӧн кутім видзӧдны коркӧя лоӧмторъяс вылас, весиг асьным.

И водзӧ видзӧдӧмыс лои мӧдджык, и важсӧ донъялам ог нин сідзи, кызди тӧрыт. Босьтам кӧть сійӧ жӧ гижӧдъяссӧ, шуам, революция да гражданской война йылысь, колхозъяс котыртӧм йылысь.

Тыдалӧ, ӧтиноджык висьтавлім тайӧ ыджыд лоӧмторъяс йывсьыс, ӧти нырвизьӧд муллім. Гӧль мортӧс, Сӧвет власть дор сулалысьӧс пыр петкӧдлісны сӧмын бурӧн, веськыдӧн, а сылы паныд сулалысьыс быттьӧ кӧин сяма морт. А, гашкӧ, татшӧм войтырыс нравственной боксяныыс бурджыкӧсь на вӧліны. Да, сійӧ сьӧлӧмнас эз кӧсйы овны сідзи, кызди тшӧктісны вель властьсӧ лӧсьӧдысьяс. Зілис бергӧдчыны аслас юрӧн, аслас вежӧрӧн, эз на вӧв адас суйысьӧн. Сылӧн вӧлі аслас му-видз, вӧр, чери кыянін. Сьӧлӧмыс эз лӧпты, мед сійӧс кодкӧ велӧдіс, кодкӧ горзіс сы вылӧ. И мӧд ног мӧвпалысь коми мортыслы коліс асесӧ кусыньтны, а кодлыкӧ, гашкӧ, и чегны. И бара жӧ кызди ӧні та вылӧ видзӧдлыны? Дерт, 50—60-ӧд воясӧ миян вежӧрын мыйсьюрӧ вежсис нин. Сійӧ жӧ озыръяс вылас, шуам. Помнита Я. М. Рочевлысь ме лыдди да лӧсьӧді «Войвыв кодзулын» йӧздӧм могысь

«Му вежѡм» романсѡ. Яков Митрофанович сійѡ кадас буретш веськѡд-
ліс тайѡ литературно-художественной журналнас. Ме, дерт, мыйсюрѡ
сэтысь чинталыштї. А сэсса и шуа: мыйлакѡ, мися, Яков Митрофано-
вич, кодї Изьваса озырьяс дор, быть сылы лоны чукля кокаѡн да кыз
кынѡмаѡн. Кулак кѡ, пыр урѡс кутшѡмкѡ, а гѡль морт кѡ, кѡть босыт
да ки вылад новлѡдлы. И мича чужѡма, и бур сѡлѡма, и аския лунас
эскыс. А мыйла тадзисѡ вѡчны? Гашкѡ, гѡль мортыс тшыг олѡм пон-
даис дундѡм кынѡма да? Быдсеямаис вермас лоны. Прамѡя сѡйлытѡм
вѡснаис та выйѡдзсѡ воис. Со ѡд мый йылысь тшѡтш колѡ думыштлы-
ны, ѡтар и мѡдар боксяныис донъявны татшѡмторсѡ.

Либѡ казтыштам колхозьясѡ ѡтувтчан кадсѡ. Уна коми мортлы
ковмис пслѡдлыны-чегъявны асьнысѡ. Унаѡн водзсасисны, эз кѡсий-
ны пырны ѡтувъя овмѡсьясад. Ме аслам «Чугра» романын петкѡдла
Виринея Бажуковаѡс, кодї став сѡлѡмнас, став вир-яйнас зїльѡ не
веськавны колхозѡ да весиг кувсѡдѡ асьсѡ, сѡян-юантѡг олѡ, тшыгїѡд-
чѡ. Нывбабалы колїс чегны асьсѡ, дзикѡдз вежны оласногсѡ, но эз
вермы коми аныд. Аслысног водзсасис колхозѡ пырѡмлы паныд.
И сѡк жѡ, кутам кѡ олѡмсѡ дзик мѡдарсянь петкѡдлыны, шуам, сійѡ
жѡ революциясѡ либѡ коллективизация вояссѡ, тадзсѡ, тыдалѡ, оз жѡ
позь вѡчны. Олѡмыд олѡм и эм. Сійѡ абу ѡти рѡма. ѡд быдторїис
вѡвлї, Комиын тшѡтш и. Босытам кѡть вичко вылѡ видзѡдлассѡ. Шу-
лывлѡны тай — поп горш пѡ ад горш. Тайѡ шусьѡгсыс нин тыдалѡ,
мый эз быдѡн ѡткодя видзѡд да донъяв вичколысь, поп-дяклысь удж-
сѡ, налысь вѡчѡмторьясѡ, весиг лѡгавлісны. Дерт, коми йѡз зїлісны
мича, сѡстѡм олѡмлян. Югыдыс кыскис найѡс. Но революция бѡрад
бергѡдчѡмыс вывтї ѡтарѡ жѡ лои. Ставсѡ зэвтїсны ѡти бала вылѡ, ѡти
ногѡн вѡчисны, быттьѡ йѡрын олѡм пуксис, быттьѡ йѡрѡ сюйисны. А эз
ѡд йѡзыд ѡнасѡ кѡсийны. Сійѡ жѡ НЭП кадсѡ кѡ казтыштны. Сѡки
коми йѡз вель ѡна босытчылісны выль му-видзтѡ вѡчны-лѡсьѡдны.
И ылі вѡр пѡвстѡ мунїсны, кыпѡдалїсны аслыныс керкаяс, вужъясис-
ны сѡтчѡ. Буретш сійѡ кадас Коми мулѡн ылі пельѡсьясын чужисны
выль грездьяс. А сэсса тайѡ посни грездьясѡ Сѡвет власть кадѡ нин
асьным жѡ и бырѡдалїм. Но исторїясъд ми нинѡм огѡ вермѡй кирит-
ны ни вуштыны. Босытам бара жѡ революциясѡ либѡ ѡтувъя овмѡсьяс
лѡсьѡдѡмсѡ. ѡд мый вѡвлѡма — збыль вѡлѡма. Кѡть Домна Калико-
ваѡс казтыштам. Талунъя видзѡдлас вылѡ кѡ мыджсьыны, тайѡ аныс
быттьѡ лѡк вайысьѡн лѡ, революция дор сувтїс, весиг олѡмсѡ сѡтїс сы
вѡсна. Но ѡд Домнаис коми войтырыслы лѡксѡ нѡти эз кѡсий вѡчны.
Тайѡ важ йывсьыс кѡ гарыштны-шуны... А ѡнї мѡд сѡрни колѡ нуѡд-
ны. Бѡръя кадас ми ѡна сувтам идеологиялы паныд. Но пыр-ѡ ду-
мыштчылам тайѡс вѡчїгѡн, огѡ-ѡ вывтїасьѡй, шыбласьѡй ѡтарѡ-мѡда-
рѡ? Ме думысь, идеологияд век вѡлї да кольѡ. Ме ог вермы шуны
мѡдлы: тѡ вай тадзи гиж, а эн сїдзи.

Гижан уджад ѡд мыйкѡ пыр лѡ и колѡ кутны тѡд вылын. Босы-
там кѡть сійѡ жѡ коми мойдьясѡ, легендаясѡ, бѡрдѡдчѡмьясѡ. Сѡнї
мыйта бурыс петкѡдчѡ, мыйта бурыс вѡчсьѡ! И тадзисѡ вѡчны герой-
ясыслы эз тшѡкты некутшѡм партия либѡ котыр. Коми йѡзлѡн олѡмыс
тѡчсис нѡмьяс чѡж. Бур вылѡ велѡдѡмыс чѡжсис жѡ тайѡ каднас. Ар-
лыдаджык войтыр пыр шулісны-казтыштлісны томьяслы: эн гусясь,
эн вежав, эн суклясь да мукѡдтор йылысь. Дерт, сѡкыда овсис сѡд
вѡр шѡрад коми йѡзлы. Но найѡ зїлісны сѡлѡмнанис не усыны. Кыдз
шуласны, мортѡн кѡ чужин, морт ногѡн и ов. И дерт, югыд садя, ве-
жавидзысь йѡзыдлы эз кокни вѡв. Миян, комиаслѡн, кузьджык исто-
рияис весиг рѡчьяс серти. Зѡв важсянь вѡлѡма нин кѡрт сывдѡмыд.
ѡнѡдз миян войтыр кутїсны асьыныс олан гажсѡ, олан серсѡ, коми
кывсѡ, тѡждысисны ас му вѡснаис. И миянлы, коми гижысьяслы, оз
позь сѡлавны став вылас, вунѡдны-талявны коркѡя пѡль-пѡчьясѡн вѡ-
чѡм-шѡдѡмторьясѡ. Танї, ме серти, и эм идеологияис. Тѡ адзы,
гїж сїдзи, мед гижѡдыс воис сѡлѡм вылас, вѡрзѡдїс мортсѡ буртор
вылѡ, водзѡ овны ышѡдїс.

Босытам кѡть татшѡмтор. Миян лыддысьысыяс медсясѡ сиктеса

йӱз. А сиктад ӱд кутшӱмкӱ вежсьӱмъяс колӱны жӱ. Мед олӱмыс сӱнӱ дзикӱдз эз киссьы. Гашкӱ, юклены му-видзсӱ сиктса войтырыслы да? Сетавны на киӱ угоддьӱяссӱ. Но миян войвылад унаӱн-ӱ воас? Гӱран муыс кык гектар да джынӱн, виддзыд, дерт, унджык. Сӱсся кыдзи на босьталасны. Быдӱн-ӱ вермас вӱдитны сетӱм мында му-видзсӱ? Ӓт-кӱнтӱ ӱд абу кокни бергӱдны сьӱкыд уджтӱ. Мукӱд сиктас ӱнӱ котыр-талӱны-лӱсьӱдалӱны колхозьяс. Дерт, оз ков думайтны, мый тайӱ Сталин кадся ӱтувья овмӱсьяс. Но мый на наыс артмас? Та йылысь этша зӱв гижӱны-мӱвпалӱны весиг журналистьяс, ог нин шуӱй миян гижысьяс йылысь. А колхозсьыд, мӱвпыштлыны кӱ пыдӱсянджык, вермас и буртор артмыны. Вӱскалас кӱ сӱтчӱ юралысьнас сӱдз вежӱра, тӱждысьысь морт. Сяммас кӱ сийӱ лючки котыртны уджсӱ, ӱтувтны сиктсаяслысь вынъяссӱ. Гашкӱ, сӱнӱ быдторсӱ на кутасны вӱчны, весиг вӱрса вотӱссьыд юмовторьяс пуны, тшактӱ солавны да мари-нуйтны, ог нин шуӱй картупельтӱ да капустатӱ быдтӱм йылысь. Сӱки весиг сиктса йӱздыд пытшкӱснаныс вежсясны, мичамасны да бурмасны. Мӱвпала да, ӱнӱ кадӱ поэтыяслы да прозаикъяслы колӱ казьявны олӱмсьыс вьль туйвизьяс, сӱдзкӱ нин шуны, вьль ордымьяс. Дерт, гижысьыд абу экономист, юрист либӱ политолог, но сылы коми войтырсӱ мыйӱкӱ чуйдӱдны колӱ жӱ. Индыны тайӱ вьль туйвизьсӱ кутшӱмкӱ геройлӱн образ пыр, кужӱмӱн петкӱдлыны мортыслысь пытшкӱсса вынсӱ, сямсӱ, вежӱрсӱ. А ӱд артмӱ сӱдзи, быттӱ ми, гижысьяс, ӱнӱ туйвежын сулалам, шай-паймунӱм олӱмыслӱн вежсьӱмъясысь да огӱ тӱдӱй, кодарӱ кежны, кодарӱ вӱсьюктыны.

Сӱрнитны кӱ водзӱ гижысьлӱн могьяс гӱгӱр, быть лӱӱ казтыштны коми кывсӱ водзӱ сӱвмӱдӱм йылысь. Ӓнӱ сийӱ лои государственнӱйӱн. Тайӱ, дерт, буртор нин. Но гижысь мортлы колӱ пуктыны ассьыс пай и чужан кывсӱ сӱвмӱдӱмӱ-озырмӱдӱмӱ, зильны, медым эськӱ сийӱ лои сӱстӱмджык, весассис быдсяма лӱп-ӱгсьыс. Сорлавны кӱ кутам кывтӱ, кӱдзыд сьӱлӱмӱн вӱдитчыны сийӱн, бурьыс некодлы оз ло. Миян Коми му пасьтаыд кымын диалект, ӱтилаын ӱти ног шуӱны, мӱд-лаын — мӱд ног нин. Мед эськӱ кывйыслӱн подулыс ӱти вӱлӱ да мед эськӱ тайӱ подулыс эз ӱгарӱ-мӱдарӱ катлась, а зумыда сулалӱ нӱмъяс чӱж. Тшӱтш и озырмис, босьтӱс аслас борд улӱ вьльлӱн чужӱм кывьяс, диалектъясысь зумыда пырӱмторьяс. Со сюзь кыв эм. Быдӱнлы гӱгӱрвоана, стӱч да мича. А мыйла кӱнкӱ сюзь пыддиыс лӱсьӱдны бугыль кыв? Ме лыддя, мый буретш гижысьыдлы и колӱ коми кыв вӱснаыд медводз тӱждысьны.

Ӓти сӱрниад, дерт, сьӱкыд донъявны сьездьяс костас коми литератураыдлысь сӱвмӱмсӱ. Ме ог и сувтӱд ас водзӱ мог, медым видлавны да мыйкӱ шуны быд гижысь да сылӱн вӱчӱмторьяс йылысь. Медводз зӱля донъявны-вежӱртны тӱрытъя да талуны олӱмсӱ, литературалысь водзӱ вьлӱ могьяссӱ, гижысьысь тайӱ олӱмас киподтуйсӱ, пайсӱ. Кӱтъ мый меным оз шуны, а кусӱ-косьямас кӱ коми литератураыд, гашкӱ, ланьтас и коми войтырлӱн олӱмыс. Ӓд литератураыд — миян олӱмлӱн чужӱмбаныс, сылӱн ловья долыс. И шуны кӱ нин веськыда, миянлы эм мыйӱн нимкодясьны. Со 150 во сайӱ нин, Иван Куратовсян босьтӱмӱн, збыльысь профессиональнӱ сӱвмӱ коми литература. Казтыштам кӱтъ Каллистрат Жаковӱс, Георгий Лыткинӱс, Питирим Сорокинӱс, мукӱдьясӱс. Найӱ ставныс пуктисны ассьыныс пай коми йӱзлысь олӱмсӱ озырмӱдӱмӱ. Босьтам со Питирим Сорокинӱс, сылысь «Кузь туй» книгасӱ. Кутшӱм авья сьӱлӱмӱн, мичаа, шоньда сийӱ казтылӱ ассьыс челядьдырсӱ, кодӱ колис Коми муын, Римья грездын, ассьыс мам-батьсӱ, кутшӱм пӱся тижӱ аслас чужанӱн йылысь, коми войтыр йылысь. Со ӱд кӱнӱ бурьыс! И миянлы, гижысьяслы, колӱ быть казьявны сийӱс, вынсӱдны-вужйӱдны. Ӓд оз кӱ ло бурьыс, кусӱ и литератураыд. Ме тай со тадзи мӱвпала-а...

Миян пиысь быдӱн казьялӱ, мый олӱмыд ӱдйӱ мунӱ-тӱвзья. И ме ачым нин со пӱрысьмыштӱ быттӱ. Миян бӱрся, гырысьджык арлыда коми гижысьяс бӱрся, томьяс нин локтӱны. Найӱ кӱтъ абу унаӱнӱс, но эмӱс. И водзӱ колӱ корсьны-быдтыны литератураӱ нырчысь том

войтырсо. Дерт, абу сомын лыдын бурис. Мырдон од гижан уджад мортто он кыскы. Сэсса тайо уджыс абу кокни, этша мынтысяна, кыз шуласны, гижан удж помсыд зептыд оз кыз. Нином дон сийо кутис сувтны. А од тадзито поэзо став коми культурасо, тшотш и литературасо нином выйодз вайодны. Сэки, шуам, мый кутасны велодны коми школаясын, мый пуктыны-петкодлыны йозыслы театръясын? Со од кытчодз вермам усны, ого ко водзвыв да содз вежорон мовпыштлой литературалон аския лун йылысь. Ме и ачымос кутшомак тшотш лыдда мыжаон, мый борья куим вонас некутшом семинар эго нуодлой том авторъяскод. Косйылим, дерт, чукортчывны, но эг вермой. Сом абутом всна. Кольом во на сернияс мунисны, кол-о по гижысьяслон котырыс. Ти по общественной организация. Но од миян могъясъс модджыкось, сэсса поэзо-о гижысьяслысь котырсо орчаодны быд общественной организациякод? Шуам, пон видзысьяслон котыркод? Оз, дерт. Дырон-регыдон миян правительство гогорвоис жо коми гижысьясто, вичмодис мыйтак сом. Но и таво том гижысьясто чукортлыны ого вермой. А кол эсько...

Сернитыштнысо эм мый йылысь. Со неважон на Коми книжной издательство лэдзис «Дзирья ошинь дорын» книга. Оти лэбуло чукортма дас оти гижысьлысь висътыяссо. Гижысьяс повстысь кодсуро арлыдабсь нин, но унджыкыс томось на. Висътыяс йывсьыс ко сернитны, мыйко шуны, пасья, мый найо абу откодъось: кодлонко артмомасось, кодлонко жебджыкось на. И век жо гижысьяс повстас эмось йоз, кодъяс выло поэзо нин лача кутны. Мый быдмасны, зумыджык воськовъясон пыроччасны литератураас. Од ставныс найо велодчом йоз, аддзоны олёмсьыс сэтшомтор, мый мукод оз и казав. Сомын косья висътавны том войтырыслы бурсиом: эню ланьтодчой та вылын, водзо гижой-уджалой. Мед югыд висьомон лоо тиянлы литератураыс, мед дэльодис сийо тиянос, кырышталис пыр сьолмоньто. Од тайо книгаас эмось чуймодана, сьолмад морччысь гижодъяс, уна висьтын бура петкодлома коми мортлысь аслысполос этшсо, характерсо. И тайо книгаыс кутшомко да кутшомко воськов коми литератураас. Ме эсько содти — бур да ышодана воськов.

Петавлоны и мукод том авторлон торья и отувья книгаяс. Тшотш и поэтыяслон. Но ме чайта, томъяслы оз ков кодко борся вотчыны, шуам, сийо жо гырысджык арлыда гижысьяс борсяыс. Мед эсько быдон ачыс корсьысис, ачыс мунис аслас ордымод. Пырин ко ворас, эн нин вотчы да вотчы, шуам, Юшков ни Шахов борся. Кеж аслад ордымод да корсь ассыд вотоссо. Литератураад оз поэз шуны — ме вот пукся да сы ног жо гижя, сэтшом жо висьт либо кывбур тэча. Поэзо керкато откодъос вочны. Кык судтаос, шуам, ыджыд да паськыд ошиньясаос. Но литератураад татшомторто пыр и казяласны. Та йылысь по важон нин гижлисны, мый отиторсо долян, гашко, гусясян на. Сидзко, колос аслыд мыйко казявны да аддзыны, аслыд корсьысьны. Мед сэки, кор пуксян гижныто, мовпыштлин: а мыйла ме лосьода-тэча тайо висьтсо, мый сийон косья шуны йозыслы, лыддысьысясыслы. Шуам, гижо кодко юсьом морт йылысь, вотлысьо сийо готыр борсяыс черон, а сэсса готырыс и юрсо керышто. Но и мый? Ме та йылысь верма и «Коми му» газетысь лыддыны, сэни быдсяма лоомтор йывсьыс гижоны. Колос од сидз петкодлыны олёмсьыс лоомторсо, мед лыддысьысыд мовпыштлис: мыйла по татшомторйис вермис лоны, кони мисьтомторйислон вужыс, мый гижысьыс тайо висьтнас косийс шуны.

Та боксянь том гижысьяс повстысь ме эсько паси Александр Ульяновлысь «Сьод ар» висьтсо, кодос петалис сылон гижод чукорын кольом во помас. Да, тайо литература нин. Висьтыс, дерт, абу гажа, а шуштом. Шор геройыс сэни олб-олб да и лысьсо. Оз, тыдало, нином абусыс воч аскодыс лекторсо. Ичотик грездыс вочасон быро, аслас водзо олёммыс оз жо арты. Со и помало асьсо. Висьтыслон помыс воис сьолмон выло: кутшомко югыд сийо, гижысьлон аддзылтор. Мортыс помало асьсо, а водзо олём йылысь на мовпало: ог по керка пытшкас

тайос воч, гашкө пö, выль олысыя на тані лолöны да. И петö ывла вылö, йöрас.

Быд гижыслөн öд аслас сёлöм кылöм, аслас видзöдлас. Мед эськö висьтö ли повестьтö лыддьöм бöрын мортыс чуймис: со пö тай кутшöмтор сяммöма казавны гижысыс, со кызди донъялö олöмсö, сэтсы лоöмторъяссö. Ме, шуам, верма жö пуксыны да сяркнитны-тэчны мыйкö, кöть быд лун, но öд сёлöмтö дойдö юалöм: а мый выль-сö шуа лыддысысыслы, мыйла гижа висьтсö либö кывбурсö?

Окота кыв-мöд содтыны гижыс войтырлы отсöг йылыс. Öд позис на кывлыны насыянь: вель дыр нин пö мырся-гижа, а союзö век оз босыны. Тані ыджыд мыжыс мяян, чайта да, абу. И со мыйла. Водзын и öни (Россияса гижысыяслөн котырö) примитöны Москваын. Дерт, мяян вöзийм серти. Но öд Москваад коми кывтö оз гөгөрвоны. Лоö вуджöдны и прозаа гижöдъяссö, и кывбурьяссö роч кыв вылö, лöсьöдны-дасыны сідз шусяна подстрочникъяс. А подстрочникыд, гөгөрвоана, оз вермы петкөдлыны, кызди гижысыс водитчö чужан кывнас, кутшöм ногөн сяммöма пöртны ас водзас пунктöм могсö да с. в. Шуны кö нин веськыда, подстрочникыд киссьöм керка кодь. Мöдöдан рочöдöм гижöдъястö Москваб, а сэни быттьö нинöм оз казавны, шуасны на, жебöсь пö мортыслөн уджъясыс. А тадзитö верман-ö лючкибура донъявны ас кыв вылас гижыс пöэтсö либö прозаикöс?

Позьö öд и Пушкинöс вуджöдны английскöй кыв вылö, а ме шуа, мый сийö абу таланта пöэт. Быдтор олöмад, ёна кö көсян, позьö увлань юрөн бергöдны. Дöзмикодь весиг Россиясыс гижыс котырөн веськөдлысыяскöд вензынысö. Сэся, секретариатыслөн öти чукöртчöм дырйи, и шуи: мед, мися, вöли волöма мяянлыс гижысыяссö котыраныд босьтöм могыс Коми муö. Тыдалö, гөгөрвоисны жö менсьым зильöмс-корöмс. Россияса гижыс союзлөн приёмнöй коллегия воліс Сыктывкарö, донъяліс коми пöэтъяслыс, прозакъяслыс да драматургъяслыс уджъяссö да босьтис-вынсьöдис аслас котырö быдса öкмыс мортсö. Сийö жö воас мяян вöзийм серти примитисны и Александр Клейнöс. Öтчыдысьон Коми муыс гижысыяслөн котырыс быдмис быдса дае морт вылö. Татшöмторйыс некор на эз вöвлы.

Гашкö, союзö пырöмыд, торйөн нин öня кадö, нинöм оз сет. Сьöм боксянь кö босыны, шуам. А мöдарсянь кö, сёлöмыд бурмö жö быттьö. Öд тэнö кутшöмакö донъялöны, ышöдöны тшöтш и водзö зильны-уджавны.

Но и олöмыд оз сулав, гартö кадтö, воястö. Пöрысьмöны гижысыясыд, висьöдчöны жö, мунöны мяян дорыс. Со кувсисны нин Ухтаса пöэт Николай Володарский, нималана учёнöй, фольклор чукöртыс Анатолий Микушев, драматург Николай Белых.

Миянлы колö став вын пуктыны, медым гижыс котырным водзö коли да нöшта на ёнмис-вынсяліс. Öд огö кö ми коми гижöдсö вöчöй, мяян пыдди некод оз лок да вöч. Кöть мыйта перйы из шомтö да газтö, бартер серти сийс он веж. Чужан кыв вылын висьт-повестьястö позьö «чужтыны» сöмын тані, Коми муын. И кывтö сöвмöдны-бурмöдны, и книгаястö лэдзны, и коми культуратö водзö лэптыны, и мыла коми сылантö гижны. Регыд на дзевим Лидия Даниловна Чувьюроваöс, коми музыка тэчысьöс. Ме сийс буре тöдлі, öтвылыс «Коми бал» спектакль дасытг-пуктгөн уджалім. Мыйюрö вылö зиль да таланта аныд и менö ышöдис. Весиг выль вальс гижим-лöсьöдим. Со и бара на тöдчöда: огö кö ми коми сыланъястö гижöй, коді нö мöд тайс вöчас? Ми некытыс, некодлыс, нинöм вылö коми сылантö нёбны огö вермöй. Сöмын ыджыд сям, ыджыд мывкыда зиль коми войтыр вермасны найс лöсьöдны. Тадзи жö и литератураад. Ни романтö, ни повестьтö, ни кывбуртö мяян пыдди некод оз тэч-вöч. Мед асланым ставыс вöлі. Дерт, уджыс тайö абу кокни. Быд гижöд, кодö босьтчан, вермас и не артмыны. Таыс, чайта да, повны оз ков. Мöдар боксянь кö, и кулитны-лөкөдны мортсö сысыс оз ков. Овлö, мый чер путö вöчан-лөсалан и то сийö чукыля-мукуля артмылö-а. А гижан уджыд

нѳшта на кывкутанаджык да сѳкыджык. Быдторйыс вермас лолыны...

Дерт, гижысьяслѳн кык сьезд костас вель уна книга лѳдзѳма. Выль повестьяс, висьтъяс, кывбурьяс петалисны и «Войвыв кодзув» журналын. Ставсѳ ѳмѳй лыддьѳдлан! Поэзиын, шуам, томджыкьяссѳ кѳ босьтны, петкѳдчисны-быдмисны Михаил Елькин, Евгений Козлов, Александр Лужиков, Галина Бутырева да мукѳд.

Окота бур кыв шуны Александра Мишарина, Василий Лодыгин, Вячеслав Бабин, Эдуард Тимушев да Виталий Уляшев йылысь. Позьѳ казьтыштны и мукѳдѳс. Найѳ водзѳ сѳвмѳны, оз сувтны асланыс творчествойн, пырѳдчѳмныс тѳдчѳ и. Но прозаикьясѳс кѳ босьтны, этшаджыкѳн на найѳ. Сѳсся и мыйкѳ торйѳн пасйыны висьт-повесть лѳсьѳдысьяслысь сѳкыд. Весиг республикаын тѳдса нин писательяслѳн эз лоны топыд тѳчаса, сѳлѳмтѳ да ловтѳ вѳрзьѳдысь гижѳдьяс, кодьяс йылысь позис эськѳ паськыда сѳрнитны, гашкѳ и вензьыштны. Бытьѳ важ сола вылас юкталѳны йѳзсѳ, лыддьысьысьясѳс. Повестьяс, дерт, вѳлсны. Шуам, Виктор Напалковлѳн, Алексей Поповлѳн, Александр Ульяновлѳн, Александр Размысловлѳн да мукѳдлѳн. Бѳрья кадѳ тѳдчымѳн быдмис, зильмис Виктор Напалков. Лыддьысьысьяс казялѳны сылысь гижѳдьяссѳ. Ньѳти ог кѳсйы омѳльтны мортсѳ, но бурсиѳм пыдди шуа: висьт-повестьяссѳ быттьѳ зѳвтѳма ѳти бала вылѳ. Ошкана, дерт, мый аддзис асьыс ордым, асьыс тема — петкѳдлѳ вѳр посѳлокьясеса войтырлысь олѳм-вылѳмсѳ. Татшѳм посѳлокьясас быдсяма йѳзыс олѳ, комияскѳд орчѳн рочьяс, украинецьяс, немецьяс, кодѳ сѳмын абу. Но Виктор Егоровичѳс бара жѳ ѳтарѳ катовтѳ. Петкѳдлѳ ѳнджыкасѳ ныла-зонмалысь, гозья костын лѳмторьяс. Мусукасьѳм, ѳта-мѳд дорѳ кодзалѳм, янсѳдчѳм да с. в. Ме ог шу, мый тайѳ лыддьысьысьяслы оз ков. Но сѳлѳмнад и мѳвпнад виччысян мыйкѳ мѳдторджык, ыджыдтор. Шулѳ тай, мися, вѳр посѳлокьясад быдсяма йѳзыс овмѳдчѳны. Лѳкыс и бурыс, дышыс и зильыс. Сы мында «гѳрѳд» чужѳ на костын, сы мында сѳкыдлун паныдасьлѳ! Кодѳскѳ и сѳкыд вѳрса уджыд жугѳдѳма, мѳдлѳн пензияыд ичѳтик, коймѳдлѳн сѳлѳмыс доймѳ парматѳ лѳк ногѳн жугѳдѳмысь. В. Напалков кежѳдчѳ тайѳ сѳдз шусяна социальнѳй тѳжд-дойясьыс, вольпась гѳгѳрджык бергалѳ, мусукасьѳмлань сетчѳ. Виччысям, дерт, мый гижысь олѳмас пыдѳджык пырѳдчас, паськѳдчыштас темаяс боксяныс. Ѳд та вылѳ Виктор Егоровичлѳн сямыс тырмас.

Драматургия йылысь эм жѳ мый шунысѳ. Бѳрья воясас «Войвыв кодзув» журналын йѳзѳдѳма вель уна пьеса. Казьтышта Б. да П. Шахов вокьяслысь, Егор Рочевлысь, Юрий Васютовлысь да мукѳдлысь. Ог шу, ни шунысѳ ог лысьт, мый тайѳ пьесаясас нинѳм абу, мый найѳ кокни руаѳсь. Петкѳдлѳма миян олѳмысь унатор: и вѳр-ва дорйѳм, и сиктлысь тѳждьяс, и сѳтчѳс войтырлысь сѳкыдлуньяссѳ. Но лыддян да синмад со мый шыбитчѳ — гижысьысьлѳн сямлуныс оз тырмы. Ѳд драматургияыд литературалѳн зѳв аслыспѳлѳс юкѳн. Ѳти здукѳн пьесатѳ он шаркнит-гиж. Унатор лѳѳ артыштны, син водзад сувтѳдлыны, сѳлѳм пырыд лѳдзны. А кодсюрѳ чайтѳны, мый тайѳ кокнитѳр, гижѳны сѳдзи, кызди эськѳ гижнысѳ оз позь. Сѳсся геройясыс зѳв кузя, гажтѳма сѳрнитѳны. И сѳк жѳ сѳлѳм вѳрзьѳмсѳ налысь он казяс, лов петкѳдчѳмсѳ он аддзы. Ме некодѳс велѳдны ог кѳсйы, но ас боксян шуа, мый пьесаад колѳ гѳрѳд, вен, код вылѳ сѳйѳ и мыджсьѳ. А сцена вылад пинясьѳм-горзѳмнад, кызди миян тшѳкыда на овлѳ, видзѳдысьтѳ он вѳрзьѳд. Мед эськѳ вензьѳмыс тайѳ вѳлѳ сѳлѳм доя. Сѳйѳ жѳ артистыслы колѳ юавны асьыс: мыйла пѳ ме петѳ йѳз водзас, сцена вылѳ? Сѳсся пьеса лѳсьѳдысьысыс, тыдалѳ, весиг абу лыддьылѳмаѳсь мукѳдлысь татшѳм жѳ жанра гижѳдьяссѳ. Бѳрья воясас, дерт, В. Савин нима драмтеатрын пуктѳма уна коми спектакль: Иван Тороповлысь «Но-о, биа-бордаяс!», Владимир Безносиковлысь «Пож тыр дивѳ», Алексей Поповлысь «Мыйсяма йѳз» да «Морг», Николай Белыхлысь «Анисья», Виктор Кушмановлысь В. Савинлѳн гижѳдьяс серти «Югыд кодзув», менсьѳм «Ен ныв» да «Коми бал». Но ѳна мунанаыс,

ме серти, эз ло. Тшöкыджыка петкöдлöны Н. Белыхлысь «Анисьясö», видзöдысьяслы сьöлöм вылас воöма менам «Коми бал», а со «Ен ныв» спектакльöс гежöдджыка мыччöдлöны.

Мый медся парскö, кор видзöдан коми спектакльяссö? Вывтi нин горзöны ворсысьясыс, усьласьöны öта-мöд выланьс. Быттö тайö горзöм-зыксьöмыс и пыкö-кутö став спектакльяссö. Со Алексей Поповлön «Мыйсяма йöзыс». Тайö спектакльсö нулисны Ижевскö, петкöдлисны сэни. Драмтеатрса артистка Эмилия Поповаёс весиг пасйöмаöсь: мед-бура пö ворсöма нывбабалась рольсö. Видзöдан тайö спектакльсö да быттö сюрöссö и олöмсьыс босьтöма. Сиктса йöз сувтöны син водзад асланыс олöм-вылöмön. Но виччысян мыйкö вежортö вөрзьöданаöс, а весьшöрö. Сьöлöмыд оз бурмы спектакль бöрас. Ворсысьясыс кык-нан юкöнас мыйкö стрöйтöны-кыпöдöны да курыд зелля юöны. Сэк жö он казаяв пыдiджык мöвпсö: а мыйла чорыдторсö сысьялöны, кутшöм помка вöсна, мый оз тырмы сиктса войтырыслы олöмас? Быд юыслön öд аслас философия, аслас видзöдлас, аслас дой. А спектакльыс ворсысьясыс та йылысь чöв олöны. Сйö жö Эмилия Поповаыслысь «пытшкөссö» он казаяв. Пьесаыслön авторыс абу сяммöма кыпöдчыны лöмторьясысыс вылöджык, восьтны-петкöдлыны коми этшсö, коми мортыслысь характерсö. Йöзыс сылön быттö бизгысьяс.


И кыв бокаяньыд миян спектаклясын абу на ставыс лючки-бур. Сидз, Н. Белыхлön «Анисьяын» эм татшöм шуöм: миян костын пö йитöдьяс орöны. Коми мортыд тадзтö некор оз шу. Весиг дöзман таысь, кöть авторыс абу нин ловья. И öнiя артистьяс омöля тöдöны коми кывтö. Мукöдторсö весиг оз гөгөрвоны. Коркö, спектакль пуктигön, «юртö сиравны» сёрникузяö джöмдiсны-пыкисны. Мый кöть налы шу, а веськыда гөгөрвоöны и ставыс. Кöть сир босьт да юрнысö сирав, кöть серав да бöрд. Налы, театрсаыслы, колö эськö медся сöдз, мича, сöстöм коми кывйöн сёрнитны да... Кыдз шуласны, пример петкöдлыны. Öд миян драмтеатрö воывлöны Коми мулön быд пельöсын олысьяс. Тайöс быть колö артыштны коми спектаклясын ворсысьяслы.

Сёрни помын кöсья кык кыв шуны критика йылысь. Тшöкыда на кывлан: бöрья кадö пö миян литературной критикьяс чöв олöны. А мöдар бокаян кö, чöв олöмыс гижöдьяссö донъялöм жö. Сидзкö, миян поэт-прозаикьяслön вöчöмторьясыс оз ышöдны-кыскыны критикьясöс. Дерт, позис öткымын гижöдьяс гөгөр сёрнитыштны. Том поэтьяслön вöлины торья и öтувья кывбур чукөрьяс, сэтысь адзöмторьяссö позис жö казаявны. Виль висьт-повестьяс йылысь эм мый шунысö. Сэсся мед гөгөрбок донъявны гижöдтö, колö öд и олöмсö бура тöдны, мыйкö казяланаöс шуны, ассьыд видзöдластö восьтны-петкöдлыны. Коми научной центрлön кыв да литература институтын вель уна диссертация дасьтöны, но литературалань сетчöмыс омöля на тöдчö. Медсясö ас костаныс ноксьöны. А сэсся шыöдчасны, босьтöй пö гижысьяслön кытырö. А мыйысь и босьтнысö? Öд кандидатской диссертацияыд абу на висьт чукөр либö роман, критической гижöд чукөр ли. Критика, босьтны кö сйöс кызди литературной жанр, миян эз на сöвмы. Коркö тай серпасыс мöдджык вöли. Критикьяс А. Н. Фёдорова, А. А. Вежев, А. К. Микушев, В. А. Латышева, Г. В. Беляев бур пай пуктисны коми литература сöвмöдöмö. В. А. Латышева докторской диссертация дорйис, öнi на зильö. Тайö критикьясыс, кöть и эг öти кывйö волöй, пыр юксьылисны асланыс мöвпьясөн коми гижöдьяс йылысь, «дöзмöдчылисны» поэтьяслы да прозаикьяслы.

Ас нимсян зэв кöсья, медым гижысьяслön тайö съездвөдзвывса сёрниыс ме вылын эз помась, водзö мунис «Войвыв кодзув» журналын, а гижысьяслön став мöвплы, корöмлы. кыв кöртöдсö вöчам во помас, öкмысöд съезд вылын.

Геннадий Юшковлысь висьтасьбмсö гижис да дасьтiс журналысь гл. редакторöс вежысь А. УЛЬЯНОВ.

Дойдалом парма



ПОЭМА

Николай Александрович Шукин чужліс Емдін районса Лыаты сиктын 1933 вося август 2 лунö. Уджавліс коми радиовын, «Чушканзі» да «Войвыв кодзув» журналъясын, öні «Би киньын» ответственной секретарь. Сылön петавлісны «Ме радейта», «Менам бипур» кывбура книга-яс, челядьлы «Нагай лэбач», «Азбука нöдкывъяс», «Зарни сюра көр» сборникъяс. «Нагай лэбач» легенда-мойдсö сувтöдіс Коми фольклорлön театр.

Николай Александровичлы 60 арöс тыран лунас бур дзоньвидзалун да гижан уджас виль вермömъяс сійны «Войвыв кодзув» журналлön редколлегия, коми гижысь котыр.

* * *

1

Пармай-зарнийöй,
Мый йылысь шувган?
Мыйла век крепитчан,
Мыйла он бöрд?
Тэнö став мирön тай
Вайöдам кувтöдз,
Регыд тэ лоан
Куш рас либö сьöрт.
Куштöны тэнö
Молдова, татараяс,
Виöны тэнö
Арава-болгараяс,
Быттьökö аслыным
Тэ он нин ков.
Уна сюрс пилаяс
Лунысь-лун сяргöны,
Зверь-пöтка, лэбач,
Кыз гажыд тэ ов.
Да öд и асьным тшöтш
Пакöсьгас велалим,
Мый көть ог вöчöй,
Дзик ставыс тай бур.
Колö көть оз,
Понийön, пищальön келалам,
Меным кө сюрö,
Мед мöдлы оз сюр.

Пармай-зарнийöй,
Асьным тшöтш мыжаöсь,

Некодлы паныд
Эг шульвлöй кыв,
Тадзитö ми вылын
Век көть тэ ыджыдав,
Вай сэсса öн тэ
Бöрд либö сывь.
Важön, зэв важön
Ми рисуйтöм енмыдлы
Некор эг эскылöй, эг.
Эскылим сöмын
Вөр-валы да енэжлы,
Овлім да вывлім
Эг лёкджыка сэк.
Ме абу паныд,
Мый воліс Стефаныд,
Сыкөд жö Комиö
Воис Крестос.
Жаль сöмын сыысь,
Мый лоим зэв рамöсь,
Ловным зэв лышкыд —
Көть ставсö тэ босьт.
Прöста мöй ми йылысь
Сёрнияс ветлöны:
Коми пö гöтырсö
Сетлыны дась.
Вот эськö ныр-вомас
Татшöмлы сетыштны,
Жугöдны ставсö
Пусть-пась.

Ми օта-мօднымօс
Румкаысь вузалам,
Нимтысям, суклясям,
Кодьямօй гу.

Таысь и олօмыс
Бурлунсьыс удзօдօ,
Сօмын нин кольօма ним —
Коми му.

2

Коми муын колльօдам роч тօв,
Надеян, бօр на медым воліс.
Ас кежаным мօвпыштламօй чօв:
Корсянь сійօ рочнас тани лонс?
Самօварын пузьօ Эжва ва,
Заваритчам Грузияса чайн.
Чай кызд чай, օд абу сійօ ма,
Шуамօй: роч чай пօ мян тайօ.
Керка пытшкын сулалօ роч пач,
Коркօ сійօс вартлывлօма пօльным,
Думышглօй, кօть эсідзи кօть тадз,
Сэтшօм мօй нин вежօръясным гօльօсь?
Финскօй пывсян финн вокъяслօн эм,
Мян пывсян роч пывсянօн шусьօ...
Гажтօм лои чужан муын мен,
Рочօдам тшօтш, гашкօ, Коми мусօ?

3

Каръясын, сиктъясын
Уна сё улица.
Быдօнлы сетօма
Юасьтօм ним.
Кодօскօ оз гашкօ —
Менօ тай мучитօ,
Тайօ օд Пармалօн
Дойдалօм дін.

Кօнօсь: Налимовъяс,
Жаковъяс, Латкинъяс,
Кօні Сорокинным,
Кօн Тима Вень?
Артмօ, мый комиыс
Гез моз жօ пратьмօма.
Дзикօдзсօ пратьмытօдз
Мед видзас Ен.

4

Олօм, муывса олօм,
Тэ сօмын мортсылօн здук.
Тэ сэтчօ волан,
Мед сօвмօ лолыд,
Мед эськօ тօдлін
И шоглун, и шуд!
Медым тэ асьтօ
Нэм кежлօ дасьтін,
Сэн, мօдар югыдас
Нубдны нэм.
Сэні и югыд,
Сэні и паськыд,
Сэні и вօля,
И сэн Крїстос Ен!
Мортօй, муывса мортօй,
Тэ ытшкօм му вылын идз.
Кевмысьны Енлы
Абу на сёр тэн.
Грекъястօ прօститас.
Да, лоօ сідз!
Колан-օ сылы, лэдзас-օ дінас,
Тэ тайօс օні нин корсь.

Некутшօм сьօмысь, некутшօм
чинись
Рай օдзօс некод оз восьт.
Ад օдзօс сօмын
Вой и лун восьса,
Сир пօрт ув би сэні
Некор оз кус!
Сэтчօ оз ков кайны
Некутшօм поскօд,
Ад гуыс сійօ и эм грека му.
Енмыс век тэкօд,
Ен тэнօ видзօ,
Благօслօвитօ быд лун.
Мисьтօм кօть мича,
Пօрысь кօть ичօт,
Ен кывлы паныд эн мун.
Тэн лоօ ставыс,
И муыс, и ваыс,
Некор оз помасьлы рօд.
Быд олօм здукусь
Крїстос Енлы Слава!
Ас олօм нэм чօжыд тօд.

Мортõй, муыввса мортõй,
Тэ ытшкõм му вылын идз.
Кевмысьны енлы

Абу на сёр тэн.
Грекъястõ прõститас,
Да, лоõ сідз!

5

Овмõсьяс кисьтїм,
Вõр-васõ ротїм,
Мунымõс писькõдлїм,
Из шом, газ сотїм.
Бõръяпом, ворным кор
Трачмунї-потї,
Котõрõн котыртїм
Выль «Коми котыр».
Важ моз жõ полõмõн,
Йõз юрõн-сямõн

Суктыштїм, солыштїм
Сера «Программа».
Чужан му тырõма
Быд локтõм йõзõн,
Насянь на миянлы
Вичмывлõ грõзыс,
Насянь жõ, овлывлõ,
Новлõдлам лõзьяс.
Мый, «Коми котырõй»,
Дыр на он õзйы?

6

Коньõрьяс, комияс,
Вõвлõм збой варышьяс?!
Тадз õнї тїанõс
Некод оз шу.
Õнї тї ставõн дзик
Прõстõ: тõварышьяс.
Коми му йõз кокõн
Талялõм му.

7

Пармаõй-зарнїõй,
Помнитан пõрасõ,
Зверõн да пõtкаõн
Тэ вõлїн тыр.
Урчитõм кадõдзыд
Некод эз вõравлы,
Тшакла ни вотõсла
Некод эз пыр.
Эз сәки вõвлыны
Гижõм законьясыд,
Вõвлї сәк мывкыдлун,
Сõвесьть да сям.
На серти пõчьяс да
Пõльясным овлїсны,
На йылысь меным на
Висьтавлїс мам.
Эз сõмын Комиын,
Тадз вõлї быдлаын.
Асьнымõс ошкыны
Ог ёна кут.
Водзын кõtь югыд би
Эз сәки ыпьявлы,
Вõлї сәк мортыдлõн
Ас мыркан шуд.
Дерт, сәки вõвлїны
Гõльяс и озырьяс.
Гõльджыкыс сїйõ,
Код тõлктõм да дыш.

Но, кодлõн уджалїс
Юрыс да кийс,
Сылõн и век вõлї
Кõtасьõм мыш.
Дыштõ õд оз прõста
Шульвны горшõн,
Дышыд, эз кыйсьыв кõtь,
Кõсйис жõ яй.
Эз прõста та вылын
Босьтчывны ворсны
Став сикас слõйыс
Сәк асьыныс пай.
«Мусõ крестьяналы!»
«Властьсõ Сõветьяслы!»
Ёна кõ уджалан —
Тэ и буржуй.
Вот татшõм йõзсõ
Ас керкасьыс вõtлїсны,
Тэ пõ выль олõмас
Он сәсся туй.
Мыйсõ эз вõчлыны
Сәк большевикьясыд,
Сõмын крестьяналы
Муыд эз ло.
Сәсянь и кутїсны
Киссьыны сиктьясыд,
Вõлї и сõд
Комын сизимõд во.

Пармаой-зарнийй;
 Казьтыштлы ылысас,
 Тэ ставсö помнитан —
 Тэ мян горт.
 Йöзсö баржаясөн
 Вайлісны ылісянь
 Уна дас кывьяёс,
 Уна сюрс морт.
 Көнөсь нö найö,
 А гашкö бөр мунлісны,
 Тэ найöс овмөдлін,
 Помнитан он?

— Помнита, помнита,
 Унджыкыс кулісны,
 Налөн сэк олöмыс
 Вöлі грöш дон.
 Мыжа кöть абу тай,
 Дзик öти сынанөн
 Сынавліс Сталин, Ежов.
 Йöзыслысь бөрдөмсö
 Öнөдз на кыла ме,
 Менам кок под улын
 Налөн быд лов.

9

Коми му пасьтала,
 Коми му кузяла,
 Быд вайём мортлы
 Сэк вöчлісны ад.
 Öнөдз на йирмөгыд
 Босьтлө, кор шуасны:
 «Вежайка», «Абезь», «Адак».
 Усть-Вымын — лаг,
 Печораын — лаг,
 Косланын — лаг,
 Микунын — лаг...
 Став Сöвет му пасьта
 Народъяслөн враг.

10

Социализм визьсö
 Ньöти ог кулит,
 Сылөн шөр мөвпыс
 И ясыд, и бур.
 Сöмын тай кежим сесь,
 Мөд туйөд мунім,
 Öні и бергөдчан
 Туйыс оз сюр.
 Сизимдас во сайö
 Съөдас тай олім,
 Думсьыным стрöитім век
 Коммунизм.
 Кодыськö видзчысим,
 Кодыськö полім,
 Кодсюрö питшөгас
 Новлөдліс из.
 Важ йöз тай шулөмны:
 Вöлись пö казялан,
 Кодыр пö öтувья
 Шыдсö тэ азялан.
 Синьясным воссисны,
 Сёрнитам-бызгам,
 А төлкыс нö мый?
 Позьö мөй бөрвылö
 Бөр öні коснысö,
 Оз-ö сэк косканым
 Ставнымлы суй?
 Восьлавны водзöсö

Дзик жö тай некытчö,
 Кöть эськö индöны
 Зэв уна туй.
 Öтарлань сетчылам,
 Мөдарö петитчам,
 Кодкö век гöльмö,
 А мөд нин — буржуй.
 Тасянь и босьтчылім,
 Тасянь и лөгасьлім.
 Чöртлы и Енмыслы
 Петкөдлім пуж.
 Кодлыкö тшöктісны,
 Кодöскö ньöбисны,
 Тадзи и вöчим век
 Невöля удж.
 Невöля уджсыд тай
 Некор он озырмыв,
 Коді эз уджавлы —
 Сёйис тай век.
 Добрасö-эмбурсö
 Куравліс содз тырнас,
 Сöвестьсö воштіс,
 Эз төдлывлы грек.
 Тадзи и öнөдз со
 Олам да вылам,
 Мый лоö водзö
 Дзик некод оз төд.

Важон-неважон,
 Коркө-некоркө
 Овлөма-вывлөма
 Пера-кузнеч.
 Вөвлөма сійө
 Медся ён мортон,
 Мастера дорлөма
 Пурт, шы и меч.
 Сы йылысь сыланкыв
 Йөз пөвстын овліс,
 Сөмың тай некод нин
 Сійөс оз төд.
 Ок эськө кутшөма
 Сыланьс коліс —
 Воши тай комилон
 Вужйыс и рөд.
 Пераыд рисуйтөм енлы
 Эз эскыв,
 Сылы став муыс
 И вөр-ваыс Ен.
 Та вөсна йөзыслы
 Эз жө вөв дзескыд,
 Вөр-валөн абу
 Ни потшөс, ни стен.
 Радейтліс Пераыд
 Став ловья ловсө,
 Некодлы некор дзик
 Эз вөчлы лөк.
 Вөрөг кө кытыськө
 Лөк думөн воліс,
 Бөр сійөс зэв өдйө
 Нулывліс кок.

Отитор Пераөс
 Майшөдліс помся,
 Овлывлө, думайтліс,
 Войяс эз узь:
 — Мыйла бур парманас
 Пачьяс ми ломтам,
 Мыйла нө Войвылас
 Төлыс зэв кузь?
 Вот эськө му шарсө
 Бергөдны сідзи,
 Войвылын шоньд мед
 Вөлі быд лун?
 Тайө бур мөвпсө көть
 Сьорас пыр видзис,
 Төдмаліс тайөс
 Манак — локтөм Тун.
 — Пера, вай бвсьы,
 Эн дор мулы вороп,
 Бур йөзсө эн шызьөд,
 А ен нимөн ов!
 А Пера оз кывзы,
 Пыр дорччө и дорччө.
 Кос косьмөм манақыс
 Кузнечыд оз пов.
 Но, вөлөмкө, ыджыд
 Манакыдлөн выныс —
 Кос кинас крестөн
 Кор вөчис кык визь,
 Луп ю берег дорын
 Друг Пераыд кынмис,
 И коли сэн сулавны
 Зэв ыджыд из.

Ставсө ми вунөдім,
 Ставсө ми воштім,
 Муртса и мам-кывным
 Миян эз вош.
 Кытыськө вайөмсө
 Сөмын и ошким...
 Оні быд морт —
 Сійө гундыр и ош.
 Коми театр талун
 Сувтөдө «Чайкаөс»,
 Комион сылысьтө
 Бион он корсь.
 Быттьө эз вөвлы
 Ни «Тун», ни «Көрт айкаыс»?
 Некод и некор нин
 Найөс оз ворс.

Миянлы Пераным
 Талун оз тырмы,
 Вот эськө бөр сылы
 Пөльыштны лов.
 Эг эськө пондөй
 Йөз бөж улө пырны,
 Копрасьны некодлы
 Эз эськө ков.

Пармаөй-зарниөй,
 Эн копырт юртө,
 Ен тэнө видзас,
 Тэ миянөс видз.
 Пармаөй-зарниөй,
 Бөр на тэ бурдан,
 Пармаөй-зарниөй,
 Да, лоө сідз!

Василий КАНЕВ,
войнаса да уджывса ветеран,
РСФСР-са заслуженной зоотехник

Бөрья сёрни

Ме бура төдлі коми гижысь, писательяс Союза член С. М. Морозовс. Комынөд воясын сійө велөдліс мянөс Изьваса зооветтехникумын роч кыв да литература. И со, ветымын во мысти, Сергей Михайловичөд ми аддзисим выльысь. Аддзисим 1988 вося июльын Коми республиканскөй больничаян...

Палатаын куйлім Фома Щемелев, Иван Патов, Сергей Морозов да ме — ставным Великөй Отечественнөй войнаса ветераняс, инвалидьяс, пöрысьбөсь да дзорёсь. Мекөд орчча крöватьыс тыр ки помысь гижөм да гижтөм на бумага листьясөн. Сергей Михайлович здук-мөд пасьялас ассыс мөвпьяссө бумага вылө, сөсся пуктас авторучкасө да бара вöйтчас аслас думьясө. Төдчө: мортыд тэрмасьбө, оз öшйы инас. Тумбочка вылас лöсьыда тэчöма машинка вылын печатайтөм вель кыз рукопись. Тыдалө, сійөс и кöсйö помавны.

Сергей Михайловичлөн унатор на кольöма томдырся привычкасыс. Босьтлас öчкисö ныр вывсьыс, матыстас гижөм листсö да нуөдас син пырыс. Сөсся и серамсö кылан: öчкибс пö, трасичаыд, кытчökö пуктi да ог аддзы. Тадзи кымын жö вöвлi и зооветтехникумас велөдiгөн. Занятие дырйиыд пуктас öчкисö пызан помас, а сюрас стрöка да студентьясыд и саймовтасны сійөс бумага улас. Сергей Михайлович корсьö öчкисö, а ми нюмьялам...

Öнi, палатаын, мөд ногджык: отсалам корсьны «воштөм» öчкисö. А мыйөн энөвтчылас гижöмысь, дыр казтылам бөрö кольöм вояссö. Сергей Михайлович корö менö паськыджыка висьтавны Изьваса зооветтехникумлөн история йылысь. А ме казтылі коркöя аслам велөдысьлы татшöмторьяс.

...1930 вося сентябрын Изьваян воссис Ижмо-Печорскöй оленеводческöй техникум, кöнi дасьтiсны зоотехникьясöс став ылі Войвывлы — Кольскöй полуостровсянь Чукоткаөдз. Татшöм техникумыс СССР-ын вöлі медводдза. Мича пожöма ягын кыптiс югыд кабинетьяса кык судта пу керка. Орччөн воссис научно-исследовательскöй ветеринарно-бактериологическöй институт. Сылысь уджсö вöлі веськөдöма сы вылө, медым тышкасыны войывса көр видзöмын өна паськалөм висьöмкөд — сибирскöй язвакөд.

Көр видзöмлы уна вося творческöй удж сиисны ветеринарнöй специалистьяс Д. М. Цыпанов, Аппалёв ая-пиа да мукөд. Институтлөн экспериментальнöй стадаын босьтiсны удж опытсö медводдза зоотехникьяс — оленеводческöй техникумын велөдчысьяс. Крестьянскöй овмөсьяс öтувтөм, колхозьяс да совхозьяс котыртөм сувтöдiсны видз-му овмөсын вель могьяс. 1933 воын оленеводческöй техникум лонс зооветеринарнöйөн. Сэни кутiсны дасьтыны эз сöмын көр дорын уджалысь зоотехникьясöс да веттехникьясöс, но и ставнас войывса животноводстволы специалистьясöс.

Сөсся казтылі техникумын велөдысьясöс: химик да физик А. В. Филипповс, биолог Поповс, ветеринарнöй врачьяс В. Н. Филипповс да Аппалёвс (писö), зоотехникьяс А. Н. Злобинс, Н. И. Ногтевс да мукөдс. На пысь унабс төдліс и ачыс С. М. Морозов.

1930—1949 воясö Печора вожса сиктьясысь да деревнясысь уна сё ныв да зон — Филипповьяс, Чупровьяс, Каневьяс, Рочевьяс, Се-

мяшкинъяс, Сметанинъяс, Артеевъяс, Ануфриевъяс, Хозяиновъяс, Витязевъяс лоисны видз-му овмөсса бур специалистъясөн. Сідз, сөмын Діур деревняыс, коді техникумсянь ветымын верст сайын, зоотехникө да веттехникө велөдчисны комын зон. На пиыс унаоң уджалісны көр видзыс саамикөд, чукчакөд, корякъяскөд, эвенкъяскөд өтлаын.

Техникумын велөдчөмыс эз вөв век югыд да кыпид. Сьөд кымөръясыс өшйисны комын витөд воын. Нельөд оленеводческой курсыс вөтлісны став велөдчысьсө, а техникумса директор П. Е. Чупровөс мыжтөг мыжалісны — шуисны «народлөн врагөн». Петр Евграфович выльс мыжсө вештісны сөмын уна во мысти.

1936 во. Местной радио пыр корөны сиктса йөзөс народной домө, көні лоө восьса суд морт виалыс Хенерин вылын. Тайө бандитыс ас коддьөмъясыскөд дыр гызмасис паськыд Большеземельской тундраөд. Виаліс көр видзыс ненецьясөс да комиясөс, а стадаясөс вөтліс Из гөра сайө, вузаліс пемөсьясөс Обдорса олысьяслы. Хенеринлөң шайка йылыс төдісны властьяс, некымыныс босьтчылісны туявны стрелокъяс, но весьшөрө. Бандитъяс манитлісны қорсьысьясөс медлөк да медйөзтөм местаясас, көні и виавлісны мудзөмнысла унмовсьөм стрелокъясөс. Кык во сайын Хенерин шедліс нин қорсьысьяслөң киө, но тюрьмаө нуөдан туй вылын мездісны өртъясыс. Көр додыас вылын бандитъяс пышйөмаөсь суткиөң Белощельяөдз — витсө верст сайөдз.

Тайө пөрийө Хенеринөс вайөдісны Изьваө кисө и коксө чепталөмөң. Ачыс вөлі неыджыд тушаа, видзөдөмпыръясыс зумыд, векныдик өсь синъяса да өсь тошка, көр видзысьлөң национальной паськөма. Судыс муніс кык вежон чөж, зал тырыс век вөліны йөз. Лои эрдөдөма бандитлыс уна мыж. Виөма весиг асьыс гөгырсө — воддзасыс кутігөн властьяслы отсасьөмысь пө. Хенеринөс лыйлөм бөрын тундраын олысьяс лолыштісны кокниджыка.

Мый йылыс нөшта висьталі Сергей Михайловичлы? Дерт жө, казтылі унатор на. Но сьөлөм вылын вөлі деливө, өд мян син водзын сійө өтарө омөльтчис. Кыпиджыкөн асьсө кутліс сэк, қор сы дінө воывлісны гөгырыс да нылыс. А мунөм бөраныс бара кывзыліс менсьым висьталөмөс...

...Октябрьской праздникяс водзвылын Изьваын медводдзасыс петкөдлісны звукөвөй кино — «Златые горы». Кино видзөдігкөсті кодкө друг горөдіс: «Пөжар!» Йөз шөйөвошисны, ставөң ызбтөісны ывлаө петан өдзөслань. Но уна йөзыд сибдісны сэтчө: ни өтарө, ни мөдарө. Кутісны зиллыны өшиньясө и чеччавны уличө. Культура керкаыс вөлі вөвлөм вичкоын и вылісяньыд чеччалігөн унаөң доймалісны. Некымын морт веськаліс весиг больничаө. Мыйөң йөзыд лөньыштісны, казялісны: сотчө, вөлөмкө, орччөң сулалыс магазин, а оз культура керка. Мөд лун асывнас кино видзөдысьяс локтісны қорсьны асьыныс воштөм колошиясө. Сэки вөлі модаын новлыны колошиа сапөгъяс да тюпеньяс.

1937 воыс Изьва сикт весьтө бара на вайис сьөд кымөръяс. ВКП(б) райкомын лөсьөдчисны районса партийной конференция кежлө. Дженьыд төвся луньясө уна лыда кабинетъясын лун и вой өзйисны бияс. А сідз шусяна «тройкаяс» мудз төдтөг қорсисны «народлыс врагьясөс», кодьяс пө дзесьөмаөсь учреждениеясө да организациясө. Уличын сьөлөмтө личкана сьөкыд чөвлун. Сөмын техникумлөң да окружной колхозной школаса общежитиеясын кылө на гаж. Но и татчө кывсис юөр: Инька Парасьяс пө (ненка Парасковьяөс) пуксьөдөмаөсь дас во кежлө. Ачыс сійө уджаліс өти учреждениеын уборщицаөң, аслас «кузь» кывйөң мыйкө пө шуалөма Сталин йылыс.

А Изьва сиктын муңө большевикъяслөң районной конференция. Техникумса парторганизациясянь делегатөң сэтчө мөдөдісны мянлыс директор Коноваловөс. Виччысям сысянь конференция йылыс юөръяс. Занятиеяс бөрын шуми нуөдны политзанятие, қорлыны сэтчө директорнымөс. И мый жө? Коновалов пласт қуйліс джоджас аслас кабинетын, лыйсьөма. Сійө вөлі тшөтш и военрукөн, ичөт калибра винтовкаясө видзис кабинет шкапас.

Борынджык төдмалім: партконференция ылын Коноваловос шуо-
маось народлөн врагөн. Милиция тубыртис шойсө брезентон и нуис
техникумысь. Кор да кытчө дзебисны — некод оз төд.

Комын сизимөд вося водз тулысыс вайис Ленин нима колхозса
поскөтинаяс ыло зэв лёк висьом — сибирскөй язва. Сыысь мынтөд-
чыны вывти ськыд, висьом паськөдысь микробъясыс мусинын вермө-
ны овны дас вояс. Но властьяс таысь мыжалисны ветбакинститутса
директорос да главнөй ветврачос — Аппалёв ая-пиаос. Миянлысь вело-
дысьясос пуксьөдисны 58-өд статья серти. На ыло жө вөли көвъялома
мыжсө и нөшта өтиторйысь: коллективизациялөн медводдза воясө уна
вөв усис кок йывсьыс менингит вөсна.

Менам паметъысь өнөдз эз вун и комын көкъямысөд вося тулыс.
Ветеринарнөй отделение лөсьөдчис выпускнөй рыт кежлө. Буретш сэк
техникумса куйм велөдчысь веськалө больничаө биа висьомөн. Актө-
вөй залын веттехникъяслы сеталөны дипломъяс. Залыс тыр йөзөн —
воисны весиг Мохчаса педагогическөй техникумысь, окружнөй колхоз-
нөй да шөр школаясысь гөстьяс, матысаяс да төдсаяс. Торжественнөй
юкөн бөрын заводитим гажөдчыны. Ворсис кыпид музыка, йөктим. И со,
вой шөр бөрын, залө пырисны милиционеръяс, санэпидстанцияын
уджалысьяс, парикмахеръяс. Ни өти мортос эз лэдзны петны ывлаө.
Мужичөйясос шырисны кушөдз, нывбабаяслысь юрсисө брызыйисны
препаратъясөн. И сөмын асывнас петим техникумысь...

Унатор йылысь на сёрнитим Сергей Михайловичкөд, тшөтш и фин-
скөй война йылысь. Техникумса уна студент сетис оломсө сийө война
вылас.

Сэсса С. М. Морозовос лэдзисны гортас. Сиим сылы помөдз бурд-
ны да дыр на овны. Но куйм лун мысти кылим шог юөр: Сергей Ми-
хайлович кувсьөма. Вевъялис-ө сийө помавны Изьвайльса партизанъяс
йылысь гижөдсө?

АФОРИЗММЭЗ

МОРТ

Мортыс сійӧн и морт, мыля сия не свободнӧй, кызд зверрез.

Мортеӧ мортнас керӧ стыд.

Мортыс сы ви совершеннӧй, мымда асьсӧ тӧдӧ.

Шыэз — этӧ мийӧ. Мый мийӧ кылам, сэтшӧмӧсь мийӧ и асьным.

Миянлись оз юасьсӧ, кӧр миянлӧ чужны. Миянлись оз юасьсӧ, кӧр миян-
лӧ кувны. Миянлись некӧр нем оз юасьсӧ. Дак киннэз мийӧ?— Некиннэз.

Рабскӧй натураыс только мортлӧн: вежӧртӧ да керӧ.

Мийӧ кузь век велӧтчам вӧвны не аснаным.

Морт мортлӧ — ёрт и враг.

Медстрашнӧй оружиеыс — ачыс мортыс.

Ыджыт лола мортлӧн быдӧс ыджыт — и шогыс, и гажыс и нельки
кулӧмыс.

Мортыс — святой. Сидз кызд сия — доз, кытӧн видзсӧ лов.

КУЖӦМ - ВЕРМӦМ

Кин кинӧс — вот вечнӧй двигатель.

Вӧлі бы кин понда геройнас вӧвны!

Керны сійӧ, мый керӧны быдӧнныс — нем не керны.

Кӧр тэныт кажитчӧ, что тэ верман быдӧс, эта лоӧ, тэ мыйкӧ верман.

Медсьӧкыт вӧрзбӧтчыны местаыс, а не мунны.

Эн вӧтчы йӧз сьӧрӧ. Ась тэ сьӧрӧ йӧзыс вӧтчӧ.

Одзав, нето тэӧ одзаласӧ.

Колӧ не кажитчыны, а вӧвны.

Побеждайтӧны фанатиккез. Пронгрывайтӧны — тожӧ фанатиккез.

Левсӧ вермӧ только лев.

Гезсӧ он чегӧт.

Шахуйтны вермас и пешка. Нето мат сувтӧтны.

Вильыс пыр вермӧ важсӧ. Ежели сия былись виль.

Ӧтік стоыс ветлас — и нем оз вай, мӧдік ӧтпырысьнас адззӧ быдӧс.

Некӧр эн видзчись, кӧдӧ эн кер.

Эн кошшись, ежели позьё юавны.
Мымда бы эн жодз, ылынжык он ло.
Лосьётчан медодзын лоны — лосьётчы мунны туйтөг.
Ылын туяс өткөн оз петө.
И готовой туйоттяс колө мунны.
Босьт сымда, мымда верман нөбөтны.
Туйтөг кинитчө дзир шардөм вөв.
Колесоыс вермас бергавны и өтік местаын.
Кытөм ямщик, сідз и вөлыс мунө.
Клячасө коть мымда верд, сө пондан бөрын кыссыны.
Йөз додяс вексө он гөнит.
Мунны позьё и бөрлань.
Пилитөм пусө коть мымда пык.
Йөзсянь видзчисьны — весись кад өштыны.
Завидуйтны — и то мыла колө.
Чериыс уйө вапанытө.
Сложнойыс абу — эм төдтөм.
Етша төдны, колө эшө кужны.
Полөм — медбур ограничитель.
Кин кужө, сія вермө.
Йөзсянь видзчись, а кер ачит.
Йөзсө велөтны — ас йылись вунөтны.
Эн тэрмась, и быдөс ештан.
И зоролө колө пыкөт.
Пондан керны, и Ен отсалас.
Көр йыыс потласяс да мезмас, сийө он ни сувтөт.
Кыз паруссө сувтөтан, сідз и төлыс тойыштө.
Паруссө позьё сувтөтны сідз, что и паныт төлыс тойыштө одзлань.
Кин кытөн сулалө, сымда и адззө.
Сорасьө сія, көда дугдө кывны асьсө.
Мыйлө керны ошибка, ежели сийө позьё вообразитны.
Ежели тэ каян өддбөн вылына, тэнө вермасө и не казавны.
Не быд кылыт пырө йөз пельө.
Шум сьөрти колө и голос содтыны.

Чөвны тожõ колõ кужны.

Керкусõ первосянь керõны, сыбõрын ошшасьõны.

Он куж уявны — вõян.

Медбы мунны му вылõт и не усьны, колõ кадись кадõ дзарьявны кок увтõ.

Быдõс позьõ керны эта мирын. Но колõ я быдõс керны?

Медвылын керõсыс — доброта. Не быдыс вермõ кайны сы вылõдз.

Õддьõнсõ эн тэрмась, лоан медбõрын, сідз кыз Муыс гõгрõса.

Эн тэрмась — усян!

У Д Ж

Эн кор, а кер!

Керан, значит, тõдан, мый понда.

Кõр уна баитан, уджавны некõр.

Удж эм удж. Нечестнõй уджыс оз овлы.

Кокнит уджыс абу. Эм кокнит отношениё сы дынõ.

Мый бы эн кер, быдõс пригодитчас.

Уджыс лэбтас и могилаись.

Уджыс õзтõ, но и шõри кõстõ.

Õтик лунõн нем оз керсы.

Кин керõ, сия вермõ.

Õтиккез уджалõны, мõдиккез — наградаэз сеталõны.

Уджыс мортыся пыр ыджытжык.

Бурыс дыр керсьõ.

Т В О Р Ч Е С Т В О

Быдõссянь уммам, а думасянь — огõ.

Вдохновеннõ — этõ кõр лов да мывкыд õтик песня сьылõны.

Талант — этõ кужны кывны асьтõ.

И бõбõтчыны талант колõ.

Мысльõ победитны оз туй.

Соловейыслõ оз ков вõвны рака ыждаõн, медбы сьывны соловей моза.

Художниккез, гижиссез, музыканттэз — обществоын кыз колана бактерияз, кõдна вийõны быдкодь вируссез. Сийõн талант — природнõй качество.

Поэзия — этõ фантазия. Оланыс — природалõн фантазия.

Кузя гижны — лоё сия жё, что час дырна висьтавыны мортлө, кыз мунны мөдик керку дынөдз.

Оз гижөт да гижан — этө луншөрнас сотны би.

Буря костас романнэс оз гижсьө.

Литература литература понда — халтура. Литература — көр некин понда.

Талантсө бытшөма вермас донтны только кад, сідз кызд талантыс өтлаын отир сознанискөт быдмө и автор смерть бөрсянь.

Храмас порссеслө нем керны.

Умной мортые романсис лыддьөтө өтик строчка, бөббөлыс — быдөс.

Ми радейтам фольклорсө кыз асланым челядь кадись шондіа картинкаэз.

Национальнөй культура — этө горт. Но мирые гортя паськытжык.

Культураыс кончайтчө сэтчин, кытөн пондөтчө мода.

Писатель сэтчөдз писатель, кытчөдз сия гижө, кызд морт сэтчөдз морт, кытчөдз сия олө.

Гений — кадлөн совесть.

СЛАВА ДА ВИДОМ

Радуйт — и тэон пондасө гордитчыны.

Слава — көр ошкан быдөннысө нето видан быдөннысө.

Кытшөм ваё пыран, сэтшөмөн и петан.

Пророкыс колө дзир сэк, көр колө бөбөтны сы кыввез отсөтөн.

Эд кулитө төнсясө, медбы ашын эз кулитө тиянөс.

Пинь висьөмся медзубытыс — обида.

Критика: зэрө — ёнаөв зэрө, югьялө шонді — жарөв.

Писателлез гижөны книгаэз, графоманнэс — кляузаэз.

Ежели критик нем понда оз вид, разь сійө пондас кинкө шуны критикөн?!

И видөмын эм смертельнөй доза.

Эн вөтлись слава сьöрын. Славаыс мортсө вийө.

Повзьөтлө сия, көда вынтөм.

Поннэс сы понда и эмөсь, медбы лявгыны.

Уважайтны мортсө пондөтчөны сэк, көр сия нем ни оз кор. Көр сия дзир ассияс сетө.

Миянлө пыр адззисяс ошкись. Көть ачит.

Ло татарник турунөн — и некин тэно оз вөрзьөт.

Эн пов, сёравно быдөнныслө он понды гленитчыны.

ТЫРДОЗ ДА УМӨЛЯ ОЛӨМ

Абу сэтшөм мортыс, кёдалө нем бы эз ков.
Пустойон сусексө оз видзө.
Талун дозыс пустой, ашын лоас тыра. Сы понда сiя и доз.
Он вермы босьтны унажык сетөмысса.
Ведрас ведрасы унажык оз төр.
Ошшась сiя, кёдалөн эм мыйон ошшасыны.
Козьнав — и тэныт козьналасө.
Мый пуктан, сiйө и босьтан.
Деньгасө оз лыдды сiя, кёда сiйө оз шедты.
Сёян кё блиннэз бы — ошкы тешатө.
Унанас уна ягөдсө он өкты.
Йөз следө тальччавны — нем не адзавны.
Нем сiдз мортсө оз вий, кыз умөля олөм.
Беднөя олө сiя, кёда справедливөй.
Вунөтин — эн шу, что тэнат.
Не пыр көдзисыс вундө.
Винасө юоны — кинлө бур, винасө юоны — кинлө умөль. Винасө оз юө только кулөммез.
Винасө он повзьөт.
Винанас пөт он ло.
Винасө нерө юртөм.
Век кежө он пөт.
Умөля олөмыс губитө мортсө, но и богатствоыс оз жалейт.
Кинлө уна колө, сiя етша олө.
Пов тырасис, тыраас нем ни оз төр.
Кыз тэ отсалан Еныслө, сiдз и Сiя отсалас тэныт.
Отсалан кө Еныслө, Еныс Ен моза и вештiяс.
Мыйон локтан, сiйон и мунап.

ЗАВИД ДА МЫЖА

Быдлөн аскодьом вын. Но этө вежөртө только вына. Эта разницасынь пондөтчө медумөль лёк — завидуйтөм.
Завидуйтөны выналө.
Добрөя завидуйтны оз позь, добрөя позьө только радуйтчыны.

Ежели тэныт завидуйтöны — тэ нысья вынажык.
Талантсö тальöны талант понда.
Завидуйтö дыш морт.
Чужой бекöрресö вильöттөн пöт он ло.
Завид мортсö слепöйсöтö и ныжтö сылісь мывкыдсö.
Завидыс мортсö вийö.
Кöть мый вылына бы эн чапкы изсö, сё ни бöр усяс.
Кöр ваксян быдöнныс вылын, быдöнныс ваксöны тэ вылын.
Умöлыс понда тожö вештисöны.
Кин мый кошшö, сийö и адззö.
Пурсись понсö терпитасö, терпитасö да и вийöны.
Издавайтöны только честной морт вылын. Бöбöтчись понда лö уже вештисöм.
Зі и то лөгасьö.
Кыным курытжык тшак, сийö дыржык пуöны.
Быгсö чапкöны.
Кытчö бы эн сьöвзы, сё ни инман ас вылат.
Эн ёрд. Ми и сідз быдöнным ёрдöмөсь.

Д О Н

Медбур не сія, кöда медбур, а кöда колö.
Тöдвылын кольччö сія, мый сьöкытжыка шедö, но не обязательно сія, мый медбур.
Сахарнас и ваис чöскыт.
Медбасök яблокыс эшö не медчöскыт.
Басök сундукыс вермас лоны пустой, а нёштöмыс — тыра.
Чулалöмыс донажык, но талунсяыс чöскытжык.
Эм тэнат цена. Но эм ценаыс и мөдиккелөн.
Кöр тэ шуан, что тэныт ценаыс абу, тэныт ценаыс — ноль.
Кинлөн лов пыдöстөм, сэтөн абу нем.
Оз позь вежортны только сийö, кöда абу.
Мортыс вийö сийö, мый донажык.
Не тэ колан, а мый верман сетны.
Миянлö только кажитчö, что кинлökö колам.
Золотоыс сэтчöдз золото, кытчöдз сія колö.

Дзоридзыс не только син гажөтө, но и ма козьнало.

Кытшөм заыс, сэтшөм и ягөдыс.

Дзор ягөдсө оз өктө.

Не быд ягөдыс чөскыт.

Гагтөм малинаыс оз овлы.

Быдөс, мый гагтөм,— яд.

Ягөдлсь көрсө төдан только сэк, көр пешлан мөдик ягөддэсө.

Еныс вөрсө абу ровняйтөм. Да и йөзсө вунөтөм.

Кык мортсө оз позь ровняйтны, кызд оз позь ровняйтны кыздөс да пипуөс. Көть кыкнанныс — пуэз.

Морттэс — кызд месторожденнээс. Öтйккесө осьтөны одзжык, мөдиккесө — сөрөнжык, а куимөттэс сідз и кольччөны осьтытөг.

Морт — чочком бумага лист. Öтйк листыс тырө двадцать годөн, а мөдикыс и быдса векөн оз тыр. Сійөн нем видзөтны возраст вылө.

Мортся буржыкыс и умөльжыкыс оланас абу нем. Сійөн некөр оз ков сувтөтны кык мортөс ордчөн.

Оз ков нятас пыравны кыкысь, медбы төдны, что этө — нять.

Вынасө радейтөны быдөнныс. Öтйккез видзчысьөны отсөт, мөдиккес — дорйөт, а куимөттэз сылсь полөны.

Йөзыс вачкысьөны истөггез вылө. Öтйк истөг югыта сотчө быдөсөдз, мөдик — джынысви, куимөт — сідз и оз öзйы, только дука чискө.

Юра мортлө часто кажитчө, что сія бөбөвся-бөбөв, сідз кызд сійө етша кин вежөртө. Бөбөвлө кажитчө, что сія медылөса, сідз кызд некинөс оз вежөрт.

Кокнитжык төдчыны ылөса мортөн. Сьөкытжык не төдчыны дуракөн.

Маяксө луннас вермасө и не казавны. Ойнас сійө быдыс адззө.

Шондіыс быдыслө өтмоза югьялө.

Шондісө и слепөй адззө.

Быдөс ыджытыс оз төд границаэсө.

Поснит кайыс чирзө, гырисыс — чөлө.

Медьёна горөтлө рака, но медсөстөма сылө соловей.

Гутыс не кай, көть тожө лэбалө.

Ен пуыс оз дзурт.

Дыш — эз адззы асьсө.

Кирпич кучаыс эшө не дворец.

Öшынтөм керкуыс — не керку.

Потөм кашникыс — не кашник.

Көртөм гөсьыс не гөсь.

Көзаяйка гөститөтө, но донсө сетө гөсь.
Төлісьыс не шонді, но и сытөг оланыс абу.
Аслыт он ков, дак некинлө он ков.
Баран и то гордитчө.

Ё Р Т Д А В Р А Г

Ёрт — кода радуйтчө тэныт. Враг — кода завидуйтө.
Быд мортыслөн враггес сымда, мымда сія достойной нийө имейтны.
И ёртыс овлывлө чөртөн.
Частозык враггезнас лооны одззася ёрттэз: ния буржыка төдоны, кода ладорсянь тэ бердө кутчисьны.
Өм вылө лэдзчисьны — ёртись враг видзчисьны.
Велөт эн велөт, сёравно велөтчиссес коласын Иуда лоас.
Врагыс сія, кода чөлө.
Медбура тэнө вежөртө врагыт. Сийөн сія и враг.
Противник — этө деньгалөн мөдөр ладорыс.
Лөгасыёны сы понда, медбы вились ёртасыны.
Эн видчы — ковсяс миритчыны.
Эн коль менө, и ме тэнө лэбта!
Не ёртын да врагын деловыс, а — Мортын.

Б У Р Д А У М Ö Л Ь

Медбурыс эта мирын — морт, медумөльыс — тожө сія.
Бурыс, кызд и умөльыс, пыр ветлөтө ордчөн. Только мийө сы йылись шочөна касьтывлам. Эд сія дзир вынсьөтө мортсө, а мөдыс — вийө.
Мортсө вийө быдөс: и долытыс, и шогыс. Бөрйы ас сьөрттят мыжасө.
Умөльыс тыдалө, а бурыс — оз.
Вынсялө бурыс, но өтдруг вынсялө и умөльыс.
Бурыс чужтө бурө, умөльыс — умөльө.
Оланыс сія бур, кода не умөль.
Сія бур, кода абу.
Не пыр медбурыс одзланьын.
Миянтөг быдөс бур.
Бурнас йөзсө он дивит.
Не быдөнныс понда бурыс бур.
Кыным унажык керан — унажык виноватой.

Умӧльыс, кыз йӧн, кӧдзтӧг быдмӧ.
И петшӧр цветитӧ.
Сӧдзнас овлӧ и яд.
Нюрас гӧгӧрын ва, но юны нем.
Медуна колӧ сылӧ, кӧда медетша вермӧ.
Мыйлӧ пуксыны йӧз местаӧ, ежели сэтӧн жӧ колӧ чеччыны бӧр.
Быдыс любитӧ сийӧ, кӧдӧ оз вермы.
Кыным етшажык мортлӧн талант, сыным сӧя вельмӧмжык.
Кӧда овны велӧтӧ быдӧннысӧ, сылӧ некӧр велӧтны асьсӧ.
Учӧтик морт асьсӧ вышанитӧ сийӧн, медбы тӧдчыны ыджытжыкӧн.
Медъена горӧтлӧ сӧя, кӧда некинлӧ оз ков.
Кин оз уважайт некинӧс, сӧя асьсӧ оз уважайт.
Ыждӧм ваыс бурсӧ оз кер.
Мывкыда керӧ бы быдӧннысӧ мывкыдаӧн, бӧбӧв керӧ бы быдӧннысӧ бӧбӧлӧн.
Кин йӧзлӧ оз сет бура овны — морт вийиссез.
Кляузник — война кӧста предатель.
Нерны — не керны.
Баитны — не уджавны.
Не сӧя мывкыда, кӧда баитӧ.
Воробейез лӧбалӧны кучаӧн, а сӧравно полӧны.
Эз бы вӧв пемытыс — эз бы вӧв и югытыс.
Яднас тожӧ веськӧтӧны.
Тӧлыс бисӧ не только кусӧтӧ, но и ӧдззӧтӧ.
Лӧкыс бурсӧ вермӧ, а бурыс — лӧксӧ.

ПРАВДА ДА БӧБӧТӧМ

Правда кошшыны — враггезӧс кошшыны.
Правдасӧ колӧ кошшыны не начальниккезын, а асат.
Правдасӧ оз ков кошшыны, сийӧ колӧ висътавыны.
Кывсӧ горӧтчӧны ӧтпырись.
Вийӧны дзир ӧтик понда — правда понда.
Мортыс не виноват, что адззӧ кинкӧся ылӧжык.
Бӧбман, а правдасӧ он адззы.
Правдаыс сыын и эм, что сӧя абу.

Кин кошпö лад, сiя адззö ад.

Кöр пондан чöвны, сэк только тэнö вежöртасö.

Ми не кинлökö доказывайтам — аслыным.

Правдаыс, кöда вийö, некинлö оз ков.

Дзугны недыр шöртсö, а путшöтны дыр.

Эн катты ассянят — и лоан прав.

Йöзсö он бöбöt, дак асьтö бöбötан.

Асьтö бöбötан, а йöзсö он.

Асьтö бöбötан сэтчöдз, кытчöдз олан. Сидз кокнитжык.

Меднечестнöй мортыс сiя, кöда быдöнныс понда бур. Сiя бöбötö öтдруг быдöннысö.

Кöдалөн абу честь, сiя оз вермы лоны честнöйөн.

Кин баитö йöз кыввезөн, сiя ачыс оз тöд, мый баитö.

Тöдны позьö быднёжа.

Оз веритсы, дак эн верит!

Оз бöбötö сийö, кöда оз верит.

Мымда бы юсö эз гудыртö, сiя еö сöстём.

Гудырыс пуксьö.

Правдаыс колö оланыслö кызд смерть.

Мый бы вöли, ежели бы мийö эгö старайтчö гленитчыны öтамöдлö?

Истинаыс чужис мянся одзжык, и оз ков сийö чужтыны вились.

ШУД ДА ШОГ

Ми олам не шудён, дак сийö видзчисьöмөн.

Мирас отирсö йитöны кык вын: шог да шуд.

Öткөн бур, а кыкөн эшö буржык.

Счастливöй мортыс сiя, кöда некöр оз думайт, счастливöй я сiя.

Кöр тэ кöть недырик кежö кужан асьтö бöбötны, что оланыс шондiа — тэ счастливöй.

Медшудаыс сiя, кöда эз чуж.

Кыным унажык мортсö простайтö лёк тöждём, сыным унажык тöрö сыб гаж.

Эн юась шудтöмыслiсь шуд йылись.

Пырся гажыс мортсö вийö сидз жö, кызд пырся шогыс.

Ванзöны — лөгсянь, чöлöны — шогсянь.

Ойнас шондiсö эн видзчись.

Төдвыв — не бумажка, сийö он косяв.

Мед мыйкө вежөртны, колö шогавны.

Медыджыт ношаыс — öтка олан.

Сьöкыт овны йöзкöt, а öткөн эшö сьöкытжык.

Уджавны сьöкыт, а терпитны эшö сьöкытжык.

Медсьöкыт мирас — кеймисьны.

Гореыс некөр оз вунötсьы, сідз кыз сія сьөлöм понда рана. Гажыс жö — сьөлöм бердö лайкыта павкötчöм.

Жельсö сьөлөмись он кыскы.

Медыджыт победаыс одзланьын, но одзланьын и медыджыт бедаыс.

Бедаэз сулалöны сьöрсьөн-бöрсьөн. Сийөн и сразу быдөнныс оз тыдалö. Медматісьыс сайöвтö мөддэсö.

Виль бедаыс вийö төдвылын важ бедаэсö и этійөн отсалö овны. Сія оз сет öксьыны бедаэзлö öтик ыджыт бедаö.

Мортлö нем сідз оз отсав, кыз сьöкытыс.

Кыным пыдöжык укнитас тэнö ваныр — сыным вылöжык сыбöрын лэбтас.

Ежели бедаыс оз вий, то сія сетас сэтшöм вын, кытшöмсö мөдйккеслö не төдны.

Оланыс сы понда и керöм, медбы мырсьыны. А мийö кошшам кытшöмкö шуд.

Эн төжды, көр төждісян!

ЛЮБИТӨМ

Мортсö басөксьötö öтик — любитөм.

Оз позь любитны сийö, көдö вежөртан. Не весь любитöмыс — тайна.

Мед ни төдтөм дзоридзыс — любитөм. Некин оз төд, көр сія оссяс.

Любитöны не басөксö, а сийö, көда гленитчö.

Көр радейтан öтикөс — радейтан быдөннысö.

Любитöмыс öшö сэк, көр оссьöны синнэз.

Йöз иньыс — конфетка, но няньтөг сё ни он ов.

Любитөм — бипур. А бипурыс пыр оз вермы сотчыны.

Любитөмтөг оланыс дуб.

Любит, мый эм.

ГРЕХ ДА ЧЕСТЬ

Грех — көр бөбөтан асьтö.

Святöйыс сiя, кöда оз ни вермы грешитны.
Сорасьöм — этö абу грех, этö — пондöтчöм.
Совесь — не джодж, сiйö он миссьöт.
Каждöй мортыс — вийсь. Гутöс да вяс.
Мый мортыслö охота, дак сёравно ни керас. Не öни, дак сыбöрын.
Верность — этö голя вылат золотöй силькан. Кытшöм бы дона сiя эз
вöв, сё ни думайтан кöть недыр кeжö чапкыны сiйö.
Преступленнё сiя, кöдö эн мöд да керин.
Кин любитö — оз грешит, грехыс — нелюбитöмын.
Кин оз тöд, мый сэтшöм грех, сылөн быдöс одзланьын.

ЛОВ ДА ВЕЖÖР

Сьöлöм — мотор. Юр — компас.
Медучöтыс лов. Медыджытыс сiя жö.
Интуиция — ловлөн голос.
Оланнас веськöтлö инстинкт, а не вежöр. Вежöрыс инстинктыслөн
слуга.
Вывтыр душа йылсь оз баит.
Медвöй зверьыс — лов.
Сьöлöмтö кывзы, но юрнат ов.
Көр мортыс шиньялö — сiя вежöртö, көр сiя лөг — мыйкö оз вежöрт.
Асьтö вежöртан — вежöртан быдөннысö.

СУДЬБА

Пырин кө ваас, эн шу, что кöдзыт.
Ваыс бөрлань оз котöрт.
Быдöс, мый лоас, вöли ни.
Ягöдыс сы понда и эм, медбы тöдны сылсь көрсö.
Тюрьмаын да жöнник сайын.
Талун сералам — ашын горзам.
Юыслөн куимöt берегыс абу.
Эн юась, кöдö некин оз тöд.
Оз позь не лыддисьны ськöt, мый эм.
Кин тöдö, мый сэтчин лоас.
Ежели бы мийö тöдiм быдöс, мийö нем бы эг тöдö.
Тöлыс медодз пöрötö медыджыт пуэсö.

Кыкись му вылас изыс оз усь.

Ассят унажыксö он ов.

Й Ö З У В Т Ы Р

Оз позь вунöтны нем, но быдöс запомнитны оз позь.

История — ошибкаэз исправляйтикö ошибкаэз керöм.

Öтиккез керöны историсясö, мöдиккез велöтöны сийö.

Система — этö йөр, көть йөр саяс сэтшöм жö му.

Политика — этö нравственной погода.

Веськötлыны отир табунöн, вöвны пастухöн — и этöн гордитчыны?!

Медвынаыс некөр оз победит, сідз кызд сылөн врагыс — дös мирыс.

Если бы отирыс тöдис, кытчö сия мунö, некөр бы сэтчин эз мун.

Ми локтам сэтчин, кытчö мунам.

Мийö быдöсын, но не быдöс миянын, сийөн и уна эшö ог вежöртö.

Кызд мортыс умöля тöдö асьсö, сідз умöля тöдö асьсö и обществоыс.
Вот кытөн глобальной катаклизмезлөн вуджжес.

Каждöйыс асьсö пунктö нормальноййөн, а йöзсö — ненормальноййөн. Вот и петö, что абу öтик нормальнойй морт.

Быдыс бы начальникалö — вот миян медыджыт беда.

Чиновник нарöшнö быдöс дзугö, медбы весь олöмсö некин эз казаяв.

Көр быдөнныс критикуйтöны öтамöднысö, думайтны некинлö.

Кытөн видчöны — сэтчин пелитчöны.

Быд мортыс кошшö выгода.

Умнöйес эмöсь сийөн, мыля эмöсь бöбöввез.

Весись нем оз керсы.

Отсалöны сылö, кöда колö.

Тэнö ошкöны не сийөн, что керин бурö. А сийөн, что керин бурсö кинкö понда.

Отсалöны мыйкö понда или сэтчöдз, кытчöдз оз вежöртö, мый сэтись лоас.

Ло рабён, и пондасö ошкыны...

Чöv — и лоан бур мортокөн.

Шырресö шыррезнас керöны каннез.

Мирыс ловья гусясьöмөн. Ми быдөнным öтамöднымлись мыйкö гусялам.

Көр сюран умöляс. некин ни оз кыскы. Некинлö абу охота мавтчыны нятяс.

Мортсö поэö вийны не только физическöя. Мый унажыксö и керöны.

Мортсö лөгнас керöны морттэз.

Преступленнёөн шуöны, көр вийöны пуртөн или пишальсянь. Но некин оз шу преступленнёөн, көр мортсö вясö нравственнöя. Физическöй преступленнёэз лоасö сэтчöдз, кытчöдз оз пондö адззыны нравственнöй преступленнёэсö.

Война — көр думайтöны кык-куним морт, öстальнöйес — узьöны.

Медстрашнöй войнаыс сiя, көда эшö эз вöв.

Морт медьёна полö ассис, сiдз кыз öтик мортын эмöсь качествоз дöс человечестволөн.

Ежели мийö быдöнним думайттöг веритам дьяволлö, мыля бы сiдз жö не веритны Енлö.

Муыс — шондiтöг, рутöг да ватöг — нем. Сiдз и ми öтамöдтöг.

Öткөн оз поэз велавны немö. Сiдз юын басök галька эз бы ло сэтчöмөн, ежели бы эз вöлö мöдик галькаэз.

Быдöс олö öтамöд понда, сiдз кыз быдöсыс — öтик организм.

Кин оз тöжды ас пондасис, сы понда ковсьö тöждыны мöдиккезлö.

Быдыс тöдö, кыз колö овны мöдиккезлö, но некин оз тöд, кыз колö овны аслыныс.

Быдкодь отиррез лоасö сэтчöдз, кытчöдз лоасö увтыррез да семьяэз.

Отир — этö тожö ыджыт увтыр.

Көр вöрас кольччас öтик кай — сiя оз ло вöрөн. Көр мирас кольччас öтик отир — сiя оз ло мирөн.

ВЛАСТЬ ДА ВОЛЯ

Начальник — личностьлөн враг.

Власть — плеть.

Копрасян — полан.

Почёт — көр пукалан и чöлан.

Скромнöйөн вöвны — этö чöвны, көр охота баитны.

Премия — дрессируйтöм зверьлö яй тор.

Медвылын стенаыс — закон. Но сийö часто вуджöны увтöттяс.

Көр властяс оз веритö, оланас — безвластие.

Свобода — көр он и думайт сы йылысь.

Кыным тэ вольнöйжык, сыным унажык тэ вылын домöттэз.

Меднеустойчивöйыс — власть.

КАД

Ойыс — кадыслөн пель, луныс — кадыслөн син.

Медбур кадыс сэк, көр тэныт бур.

Төннйа луныс понда горзё сия, кёда сё эшё узыё.

Ашын — этё сия, мый эн ешты керны талун.

Чулалёмыс, кытшём бы сия эз вёв,— рай, локтан кадыс — ад. Кин тёдё, мый сэтчин лоас.

Котъ асылыс рытысса мудрöйжык, но сё жё не рыт.

Медбёрын сералё не сия, кёда сералё медбёрын, но кад.

Быдёс бырё.

Тайнаыс — ва поль.

О Л А Н Д А К У Л Ö М

Медыджыт чудоыс — олан. Медполётан чудовищыс — сия жё.

Ми олам асывсянь асылёдз.

Кытшёмё керан олантё, сэтшём сия и лоас.

Оланыс — кыз медодзза блин. Сия пыр петё комокөн.

Мирас велётиссес абуёсь, эмёсь только велётгиссес.

Кокнитжык пыдöstём кымёрсё вежёртны, нежели паджсьём олансё.

Оланас чукыля туйес абуёсь. Этё мийё ветлётам чукыля.

Мийё пыр полам мыйискё, лёсьётчам медыджыт полётан кежё — кулём кежё.

Эта мирын мийё ог тёдё дзир кык тор: мый сэтшём — кулём и мый — л ю б и т ё м.

Кытчёдз мортыс полё, сия олё.

Кыз биын вежсьё көртыс, сідз и мортыс оланын.

Мортыслён эм öтик право — овны.

Чужин — ов.

Овны — этё кинлökё ковны.

Кытчёдз веритан — олан.

И олан туйыс вайётё кулём дынё.

Быдённым öтик местаё локтам.

Асывнас кылё ылына, луннас тыдалё ылына, а рытнас думайтсьё бытшёма.

Эн видзчись кулёмсё. Сия локтё ни.

Веритны пырся оланё лоё сия жё, что ашынся луныс некөр оз чулав.

Не öтик вужжезён пуыс ловья.

Быдёс локтё вылісянь, улё только мунёны.

Кай олө сэтчөдз, кытчөдз сiя лэбалө.
Меддженытыс мирас — олан.
Мы öйис, сiя кусас.
Эн вид олансö, мөдикыс абу.
Оланас девизыс öтик: кин кинöс.
Мортсö öтпырись вийöны.
Берегитчы! Кулöмнат тэ и мамытлө он ков.
Кувны аслыт и көр тэнö вийöны — этö кызд лун да ой.
Мийö тэрмасымö асьнымöс вийны.
Тöлыс сэтчөдз увгö, кытчөдз оз öвсьы.
Мортыс — юлла: бергалас-бергалас да и пöрас.
Оланыс — кузь да гажтöм вöт.
Оланысса курытжыкыс нем абу.
Оланыс — кытш. Но кытшыс тожö орö.
Оланыс — миркöt кольласьöм.
Ми олам, кытчөдз мян йылись тöдöны.
Кин олө бы вексö — сiя эз на ов.
Мортыслö овны сетöм сымда, мымда сылö сетöм мыччавны асьсö.
Морт морттöг оз вермы. Сийөн и полö кувны.
Кулöм — тайна. Но только олисез понда.
Ай-мам чужтöны. Нiя и сьöраныс кыскöны.
Колö я овны, ежели абу мөд светыс?
Ойыстöг луныс абу.
Оланыс ашыңса лунын.
Эм дзир öтик олан, сэсса нем абу.

ЧУЖАНИН ДА ЫЛЫНИН

Гортат он ков, дак некинлө ни он ков.
Ай-мамся некин оз жалейт. А жалейтас, дак не сiдз.
Кытшöм бы эз вöв мам, но сё ни не матшка.
Чужöй инькаöс позьö радейтны кызд мамöс. Но этасынь сiя оз ло мамөн. Сiдз и йöз кывсö позьö радейтны кызд ассит, но этасынь сiя некөр оз ло роднöйөн.
Роднöй кыв ылынинын — дзик мамытлөн сёрни.
Роднöй кыв — кызд öмын кыв.
Чужанин — поз. Но позас пыр он пукав.
Шондыслөн национальностыс абу.

ЧЕЛЯДЬ ДА ГЫРИССЕЗ

Оланьс видзсьо челядь вылын. Ня вильдöны олансис ядсö.

Челядь велöтчöны ыджыттэз дынын, ыджыттэз — челядь дынын.

Медылöса йöзыс — челядь. Просто мийö нийö велöтам мöдикö.

Челядь — ашыпся лун. Кыдз талун мийö относитчам ны дынö, сідз ашын ня пондасö относитчыны мян дынö.

МАМ-ПРИРОДА

Некинлö оз ков, а тöлыс увгö.

Погодаыс ассис керö.

Қин вадас, сiя и косьтас.

Природаыс оз сорасьлы.

Правнас мортыс оз овлы, сийөн вермас лыддисьны дзир природа.

Природасö он повзьöт.

Природаыс ассис босьтас, көр сылö колас.

Быдöс эм ни, колö только адззыны.

Чукöргіс Федор ИСТОМИН.
1987—1993.

Коми багатыр Пера

Камао визувтысь Лупъя ю дорын, сук парма шöрын, эм мыльк, кытысянь уна дас верст пасьтала тыдалöны Кама вож гөгöрысь пемыд вöръяс. Тайö мыльк бокас эм ичöтик чурктор, көнi том кыддза рас шöрын вылö кыпöдчöны нэмöвöйся нин куим кыдз. Комияс эскöны, мый тайö местаас «шойчöны» налөн нималана багатыр Пералөн лыясыс. Став Лупъя, Кöсва да Воч юяс бокин комияс тöдöны Пера йылысь легендасö да висьтавлöны сийсэ зэв сёлöмсяньныс.

Важгорт грездын олісны куим коми вок: Антипа, Пера да Мизя. Антипа Мöскуаын служитіс царлы. Пера да Мизя олісны гортаныс да овмöс бергöдісны. Мизя вöлі гöтыра морт нин, а Пералы эз на паныдась сэтшöм ныв, кодi эськö сылы ладмис мыгөр-тэчас серти. Сийö вöлі вöвлытöм ыджыд тушаа морт, лызыс — куим сыв кузъя. Вöралан көлуйыс сылөн вöлі ньöввуж да шы. Кор Пералы паныдасьлісны көр, йöра либö мукöд вöрса пемöсъяслөн кок туйяс, сийö корсьліс да суöдліс найöс. Гортас воигөн ён морт öти нöбийөн и вайліс көръясöс, йöраясöс либö ошъясöс. Лэчъясöс вöлі октöма сё верст пасьтала горт гөгöрыс, и ставсö сийö удитліс видзöдлыны лун джынйөн.

Öтчыд Мöскуаса царь пырис Англиякöд тышö. Англиялөн войскаыс вöліс повзöдлана да уна лыда, а Англияса багатырлөн вöліс öти көлесаа шензöдана машина. Англичанин пукаліс тайö көлеса пытшкас. Кор тайö көлесаыс тövзылыс водзö, сэки Мöскуаса царлөн салдатъясысь некод эз кольлы ловйөн. А царлөн эз вöв сэтшöм багатыр, кодi эськö вермис пасьвартны англичанинöс. Көть сийö корсис, но государствоысь эз сюр сэтшöм мортыс. Царь шöйöвошис да мөвлаліс нин, мый воштас юрсö.

Сэки Пералөн вокыс, Антипа, служитіс Мöскуаса царлөн войскаын. Сийö висьталіс царлы Пера вок йывсьыс. Мöскуаса царь мөдöдіс Антипаöс медея бур слугаясыскöд тройка вöвъясөн Пера дінö.

Кор царөн мөдöдöм йöз воисны Важгортö, Пера эз вöв гортас — уджаліс вöрын. Сийöс виччысигөн гөстыясöс гөститөдіс Мизялөн гөтырыс. Вина кисисе шорөн. Пера воис сёр рытын да вайис нöбийөн дас кык додь сыв. Сийö лэдзис нöбсö пельпом вывсьыс, сувтöдліс керка стен бердö, но виччысьтöг нөрвоталіс сэтшöм ыджыд вынөн, мый став керкаыс ветліс-вöрис, а пызан вывсьыс сулеяяс да стöканъяс усялісны джоджас и винаыс кисис. Мöскуаса гөстыяс повзöмсьыс еджöдісны да чöv усисны. Антипа да Мизя лөнөдiсны найöс, висьталісны, мыйла керкаыс вөрö. Сэсся гөгөрвоöдісны, мый налөн вокыс көть и ыджыд тушаа да зэв ён, но рам да бур сёлöма морт. Гөстыяс лөнисны. Но кор найö кылісны, кызди пу поскыс да посводзса джоджыс дзуртöмөн куснясöны Пералөн сьöктасыс, найöс выльысь босьтіс полöм. Кор аддзисны асьсö Пераöс, полöмыс нöшта на содіс. Антипа висьталіс Пералы Мöскуаса царлөн пикö воём йылысь, висьталіс царлысь корёмсö.

Пера шуис, мый дась мездыны Мöскуаса царöс матö воёмысь. Царөн ыстөм йöз шунсны Пералы, медым сийö накод муніс Мöскуаö тройка вöлөн. Пера бöрынтыс налысь кывъясöс, шуис, мый лызыөн да маткаөн * сийö вöвъяс дорысь öдийджык воас Мöскуаö. Пера висьталіс: кор пö ме воа Мöскуаö, то куим сыв кузя лызыöс сувтöда керка бердас, көнi кута овны. Карас сийöс вермасны тöдны туша да кепысьяс сертиыс, кодъясöс сийö век новлöдлö вöнь костас.

Мöскуасаяс петісны туйö. Пера оліс гортас нöшта вежон. Сэсся

* м а т к а — компас.

сійо босьтис matka, сувтис лызьяе вылас да мөдөдчис Мөскуалань и воис сэтчө царскөй посольясысь куим лунөн на водзджык. Мөскуаысь Пераөс мөдөдисны тыш мунанінө да сувтөдисны сәни стройө. Сійө аддзис Мөскуаса царлысь ыджыд войскасө, и сәки жө тыдовтчис английскөй багатыр аслас көлесанас. Быд асыв, кызди косаөн турун, англичанин көлесанас бырөдис Мөскуасаясөс: көни көлесаыс быгыльтчылис, сәни кольлис шыльыд туй.

Англичанин казялис Пераөс и аслас көлесанас уськөдчис сы вылө, но Пера удитис йөткыштны сійөс бокө. Тайө зурасьом дырйиыс Пера воштис веськыд кисьыс чаль чуньсө. Но сійө сөмын шуис: «Охо! Тан номьясыт буга еськө курччасьоны!»

Мөд асывнас Пера бара нин сулалис стройын. Англичанин вильысь быгыльтис сылань асьыс көлесасө. Пера удитис вешйыны бокө, но воштис шуйга коксьыс чуньсө. Пера сөмын шуис: «Охо! Тан лөдзьясыт зубыта еськө курччасьоны!»

Көймөд луннас Пера сулалис важ местаас, и англичанин нөшта өтчидысь уськөдчис сы вылө. Көлесанас сійө матыстчис и көсейис нин бырөдны водзсасысьсө. Но Пера шамыртіс багатырөс көлеса бөрьяныыс княснас, лэптылис вылө-вылө да увлань юрөн шыбитис став вынсьыс муланьыс, мый сысь колисны сөмын торпыригыяс да ва места.

Мөскуаса царлөн став войскаыс, кызди өти вомысь, заводитис горзыны: «Бур, бур!» Но Пера, коді эз гөгөрво ни өти роч кыв, повзис нәлөн горзөмынь да стройлөн вөрөмысь. Сійө гөгөрвоис, мый вөчис лөктор англичанинөс виөмөн да заводитис пышйыны. Роч войска күтис вөтчыны сы бөрся, верзбөмаяс зілисны ордны сылысь туйсө, медым сувтөдны сійөс. Пера котөртис пу керка дінө, өти кинас лэптіс сійөс пельсөдыс, чургөдис водзө кузь керьясысь вөчөм стөнсө да күтис шенасьны сійөн, повзбөдлыны матигөгөрсә йөзсө: «Вия, ешькө эд локтө!»

Өни воис сэтчө сылөн Антипа вокыс да висьталіс сылы: оз пө ков повны нинөмысь и оз ков пышйыны, өд сійө сетис Мөскуаса царлы ыджыд өтсөг, кодысь сійөс аттөбаласны бур козинөн. Пера лөнис.

Мөскуаса царь аслас дворечса вежөсьясын Перакөд тшөтш пасйис англичанинөс вермөм. Сійө вөзйис Пералы уна козин. Пера эз босьт козиньясө, но на пыдди корис грамота, мый серти эськө вуджисны нәм кежлө Пералы да сылөн рөдыслы войвывса Прупт да Водополова юясдорса муяс. Сәки жө сійө корис мездыны нәм кежлө рөдвужьясыслысь став котырсө роч армияын служитөмысь. Мөскуаса царь сетис сылы грамотасө да содтөд козьналіс шөвк сунисысь кыөм тыв.

Пера мунігөн царь прөститчис багатыркөд да юаліс сылысь, колис-ө Пера дөвөль гөститөдөмнас и вөлі-ө сылы лөсьыд узыны дворечса вежөсьясын. Пера вочавидзис, мый сійө царскөй вежөсьясын лүдікьяс да пытшьяс пиын эз вермы лөня узыны, а гортас, вөрас, небыд лыс вольпась вылын сійөс оз дөзмөд некод.

Гортас воөм бөрын Пера муніс видзөдлыны козьналөм вөрсө. Отчид, кор сійө рытъя пемыдас муніс вөрсә ордым кузя, кыліс понйислысь увтчөм да кодлыськө шутьялөм, а сәсся и аддзис сьөд уска том на, но ыджыд да ён вөралысьсөс. Сійө тшөктис Пералы дзик пыр мунны тайө вөрсьыс: тайө угодыбөс пө сылы батсяныыс нин вуджлөма. Пера ассяныыс висьталіс, мый делөбыс дзик мөдарө и мыччис царөн сетөм грамотасө. Дыр вензигас найө эз и казявны, кызди пемыд вой вевттис вөрсө. Бөрьяыв локтысь шуис, мый кад воис узьмөдчыны. Найө пестісны бипур, вөчисны нодя да заводитисны нурьясны.

Сөйөм бөрын локтысь вөзйис венсө ордны вынөн: став вөрыс веськалас сылы, коді лоө ёнджык. Найө шуисны вермасьны паличөн кыскасьөмөн. Пера корсис палич, пуксис мышнас кыз да ён пожөм мыр дорө да мөдсьыс казявтөг вөнънас көрталіс асьсө мыр бердас. Найө күтчысисны паличө да заводитисны вермасьны. Көть и Пера вөлі вөвлытөм ён, но локтысь сійөс төкөтбө эз лэпты мырнас, кодлөн вужьясыс трачкакылөмөн орласисны нин. Локтысь кыліс трачкөмсө

да юалис Пералысь, кыті сълөн рутш-ратшмуні, чегъясис. Пера воча-видзис, мый зэвтö на сöмын вынсö, мый вöсна и трачкöмыс кылö.

Локтысь лэдзис паличсö, чеччис да шуис: «Ме кыски медбöрья вынысь, а тэ, Пера, сöмын на вынтö лэдзан. Босът вöрсö аслыд».

Кор найö мунісны узьны, локтысь юалис Пералысь, кызди сійö узьö. Пера шуис, мый узьö кызди пожöм кер пом. Ассияныс сійö юалис жö локтысьлысь: «А тэ кызди узян?» Локтысь шуис: «Ме сэтшöм ныр-горөн узя, мый весиг муыс сыркалö, би киньяс лэбöны ныр розьясысь».

Та бöрын найö водісны ноддя бердö. Локтысь узис да шкоргис сэтшöм ёна, мый и муыс сыркаліс, и вöрыс копрасис. Пера лэптис юрсö да ноддя вомөн видзöдліс сы вылö. И збыльысь локтысьлөн ныр розьясысь кык вожөн петісны би киньяс.

Пера повзис. Сійö пöрччис лöz дöраысь вурöм лазсö, гаровтіс сійөн пожöм кер пом, а ачыс муніс вөрö да октöм ньöввужйөн сувтіс кыз пу сайö. Сэні сійö виччысис, мый лöб водзö.

Коркö локтысь и садьмис да лэптис юрсö. Сійö видзöдліс ноддя сайö. «Збыльысь öд узьö, кызди кер пом»,— вашмуніс локтысь. Сійö ньöжйөнник босьтіс шысö, суйис биö, медым доналас гöрдöдз, да сэсса чеччыштис би вомён кер пом дінö. Донöдöм шынас ыджыд вынён сыд уска зон розьöдіс кер помсö муöдзыс да шуис: «Тайö лöб кызьöд».

Сэки жö Пера лыйис ньöвнас сійöс да шуис: «Тайö лöб мöдöд». Ньöv веськаліс локтысьлы сьölöмас. Сійö ойöстис да горöдіс: «Тэ, Пера, вöлöмыд меысь сюсьджык»,— и здукөн вошис би дорысь. Тайö вöлі вöрса.

Асывнас шонді петігөн Пера муніс локтысьлөн вирöсь туй кузя да воис эрд вылö, көні сулаліс куим пельöса мича керка. Сійö кайис поскöдыс да керка посводзсыс аддзис кулöм вöрсаöс. Сэсса Пера пырис вежöсас и аддзис вольпась вылысь куим мича зонмöс: вöрса-лысь пиянсö. Пера лыйліс ставнысö. Но сэки жö сійö кыліс пачводз дорсыс нывбаба гөлöс: «Пера, зарнийö, эн ви менö! Ме абу вöрса рöдысь. Ме поплөн ныв. Менö гусялісны гортысь нель арöсөн да быдми тани».

Пера кутіс овны ськөд. Сійö кыйис зверь-пöтка, а ныв вöчис гортса уджъяс. Дыр-ö найö олісны öтлаын, тайöс некод оз тöд, но öтчыд лоис татшöм виччысьтöмтор: рытын Пера воис гортас да видзöдліс öшиньöдыс керка пытшкас. Аддзö: көзаякаыслөн мыгöрыс абу морт сяма. Пера дурмис таысь да лыйис сійöс ньöвнас öшинь пырыс. Керкаас Пера сэсса эз и пырав.

Кöть гöтырыс сълөн вöлі поп ныв, но вöрсаяс сійöс быдтöмаöсь да налөн кодь жö и олан сямыс лöма.

Финн кыв вылысь вуджöдіс А. Туркин.



Техн. редактор А. Одинцов.

Корректор Е. Козлов.

Адрес редакции: 167610, г. Сыктывкар, Дом Печати, комн. 26.
Телефоны редакции: 2-47-52 (гл. редактор), 2-51-52 (отв. секретарь).

Сдано в набор 06.07.93. Подписано к печати 02.08.93. Формат 70×108¹/₁₆. Печать высокая Усл. печ. л. 7+0,36; уся. кр.-отг. 5,64; учетно-изд. л. 7,54+0,38. Тираж 4238. Заказ № 2952. Регистр. № 000013.

АО «Комп. республиканская типография». 167610, г. Сыктывкар, ул. Первомайская, 70.



Гожомкөд кыкөн.

Снимайтис В. Шулгин.



СУДЗӨДӨЙ ДА ЛЫДДЬӨЙ «ВОЙВЫВ КОДЗУВ».

Снимајтис П. Прокушев.